





Io sarei  
beninteso  
Metallogi-  
cus  
1172



67  
9  
17  
21.2.67

Dupl. n. 74 G. 81.



1

IOANNES  
SARESBERIENSIS  
METALOGICVS.

*E Codice M. S. Academiae  
Cantabrigiensis.*

Nunc primum Editus.



*Ex Legato*



*M. Cocini*



PARISIIS.

Apud HADRIANVM BEYS.  
Viâ Iacobæa.

---

M. DC. X.



12-2-5-36

12-2-5-36

12-2-5-36



12-2-5-36



12-2-5-36

12-2-5-36



IO. BALEVS  
CENTVRIA III.  
DE SCRIPTORIBVS  
ANGLIÆ.



IOANNES Saresberienſis, natus in provincia Vvilcheriæ, quæ alio nomine Vilugia dicitur: Ex primis vnus fuit, qui noſtræ Britanniæ poſt Theodori tempora, Græcam & Latinam linguam, ſuæ puritati ac dignitati reſtituere laborauit. Auidus bonarum literarum explorator, perceptis artium præceptiunculis primis, traiecto que mari, celebriora Gallorum, Italorum, & Apulorum frequentabat ſtudia. Dulce nimirum ſemper habuit, in liberalium Muſarum campis exercere ludum, ingenio ad id dexterrimo præditus. Singularem per hos labores linguæ beneficio atque eruditione præſtans, Eugenio III. & Hadriano III. Romanis

â ij



Pontificibus, ac tandem Cantuariorum  
Archi-præsuli Theobaldo, eximiè cha-  
rus fuit. Telis tamen acerbissimis non-  
nunquam insectabatur Cleri abusus, scri-  
ptor suæ ætatis eloquentissimus, carmine  
& prosa excellens. Videor enim (Lelan-  
dus inquit) mihi videre in hoc homine,  
præter raram quandam facundiam, om-  
nis scientiæ orbem. Archiepiscopo Tho-  
mæ quandoque familiaris fuit, & in exilio  
comes: sed non propterea omisit suas illi  
objicere peruicaces in regem benignum  
dementias. vt demum veniamus ad li-  
bros, insigne congeffit opus de Aulico-  
rum nugis per multa philosophorum  
exempla, quod vocabat.

---

*Polycraticon lib. 8. Iucundissimus tum  
in &c.*

*Mythologicon lib. 4. In humanis rebus  
nihil.*

*Eutheticon, de Philo. dogmate. lib. 1. Dog-  
mata discutens.*

*In Paulum ad Rom. lib. 1. Principia rerum.*

*Ad Corinthios, lib. 2. Paulus Apostolus.*

*Ad Galatas, lib. 1. Hanc Epistolam.*

*Ad Ephesios lib. 1. Apostolus hanc Epistolam.*

- Ad Philippenses lib. 1. Paulus & Timotheus.*
- Ad Colossenses lib. 1. Hanc Epistolam scribit.*
- Ad Thessalonicenses lib. 2. Paulus & Sylvanus &c.*
- Ad Timotheum lib. 2. Epistolam hanc scribit.*
- Ad Titum lib. 1. Paulus servus Dei &c.*
- Ad Philemonem lib. 1. Apostolus hanc Epistolam.*
- Ad Hebraeos lib. 1. Paulus doctor Egregius.*
- De statu Romana Curia. lib. 1.*
- Vitam Anselmi Archiepiscopi. lib. 1.*
- Vitam Thomae Archiepiscopi. lib. 2. Sacrosanctam Ecclesiam.*
- Pœnitentiale opus lib. 1. Cum miserationes Domini.*
- Eutheticon metricum lib. 1. Si mihi credideris linguam.*
- De membris conspirantibus lib. 1. Concilium celebrant.*
- Epistolas familiares lib. 1. Venerabili Domino.*
- De Mathematica duplici lib. 1.*
- De Musica amoris lib. 1.*
- Speculum rationis lib. 1.*
- Super Speculo Nigelli lib. 1.*
- De malo tyrannorum exitu lib. 1.*
- Ermonenticon lib. 1.*

*Sermones elegantes lib. 1.*  
*Diuersi generis carmina lib. 1.*

Et alia adhuc plura. Factus demum ob reconditam eruditionem ab Henrico rege Carnotensis Episcopus, in patria Senonensi apud Gallos, vltima doctrinæ suæ monumenta illic reliquit. Obijt celeberrimus vir, anno à salutiferæ diuæ Virginis partu 1182. & Episcopatus sui anno 6. sub Henrico Rege prædicto.






# INDEX CAPITVM.

LIBER PRIMVS.

CAPITVLVM PRIMVM.

I	 <i>ALVMNIA quæ ut Cornificio suo responderetur, extorsit.</i>	I
II	<i>Descriptio persona suppresso nomine.</i>	5
III	<i>Quando, qualiter &amp; à quibus fuerit institutus.</i>	6
IV	<i>Qualiter euaserunt, consortes erroris.</i>	10
V	<i>Quantis viris, &amp; cur familia illa detrudere audeat.</i>	14
VI	<i>Quibus rationibus nitatur.</i>	16
VII	<i>De Commendatione eloquentiæ.</i>	18
VIII	<i>Quòd natura iuuanda est vsu &amp; exercitio.</i>	20
IX	<i>Quòd homines nititur elingues facere, qui logicam impugnat.</i>	23
X	<i>Quid significet nomen logica, &amp; quòd omnes artes colenda, nisi reprobata sint.</i>	24

ā iiij.

# T A B V L A.

XI	<i>Quid ars, &amp; de Speciebus ingeniorum &amp; quòd artibus excolenda sunt.</i>	26
XII	<i>Vnde artes dicantur liberales.</i>	29
XIII	<i>Vnde dicatur Grammatica.</i>	30
XIV	<i>Quòd ipsa et si naturalis non sit, na- turam imitatur.</i>	31
XV	<i>Quòd adiectiva secunda impositionis substantiuus prima non aprè copulan- tur, ut equus patronomicus.</i>	34
XVI	<i>Quòd adiectiua primæ, substantiuus pri- mus iunguntur.</i>	40
XVII	<i>Quòd &amp; in poeticâ naturam imita- tur.</i>	44
XVIII	<i>Quid sequi doceat, &amp; quid vitare grammatica.</i>	45
XIX	<i>Quid sequi doceat, &amp; quid vitare Grammatica.</i>	48
XX	<i>Quòd figurarum perutilis est cognitio.</i>	50
XXI	<i>In quibus Grammaticum oporteat oc- cupari.</i>	52
XXII	<i>Quantis viris placuerit, &amp; quòd sine ea nò magis quis Philosophari potest, quàm si sit surdus aut mutus.</i>	54
XXIII	<i>Quòd auctoritate Seneca suum teatur errorem.</i>	55
XXIV	<i>Quæ præcipua sunt ad exercitium Phi- losophie &amp; virtutis, &amp; quòd gram-</i>	

	<i>matica est eorum fundamentum.</i>	57
XXV	<i>De usu legendi &amp; praelegendi &amp; consuetudine Bernardi Carnotensis &amp; sequacium eius.</i>	62

## LIBER SECVNDVS.

### C A P. I.

I	<b>Q</b> uod logica, eo quod verum quaerit, ad totam proficit Philosophiam.	65
II	De secta Peripateticorum & ortu logices & eius auctore.	67
III	Quod logica philosophantibus praelegenda est, & de differentia demonstratiuae, itemque probabilis, Logica & sophistica,	68
IV	Quid Dialectica & unde dicatur.	70
V	De partibus Dialectica, & sine Logicorum.	72
VI	Quod omnes Logicam appetunt, sed non omnes assequuntur.	74
VII	Quod nugiloquos ventilatores dedoceri oportet, ut sciant.	78
VIII	Quod eos Aristoteles compescuerat si audiretur.	80
IX	Quid sola Dialectica possit.	88



X	Quorum auctoritate precedentia, & sequentia constent.	84
XI	Quod inefficax est Dialectica si aliarum disciplinarum destitatur subsidio.	82
XII	In quibus constet exercitium eius & quo utitur instrumento.	89
XIII	Quanta utilitatis sit scientia probabili- lium, & qua simpliciter necessaria non facile innotescunt.	90
XIII	Item de eodem.	93
XV	Que propositio sit dialectica, quid proble- ma.	94
XVI	Quod omnes alij professores huius Ari- stoteli cedunt.	96
XVII	Quam perniciosè doceatur, & que fue- rint degeneribus & speciebus opinio- nes modernorum,	98
XVIII	Quod posteriores, semper priorum opi- niones immutant.	102
XIX	In quo non sit parcendum doctoribus huiusmodi.	103
XX	Sententia Aristotelis de generibus & speciebus circumvallata rationibus multis & multarum testimonio scri- pturarum.	104

## LIBER TERTIVS.

## C A P. I.

- I **Q**uomodo Porphyrium legi oportet,  
 & alios auctores. 129
- II De Categoriarum utilitate, & instru-  
mentis. 133
- III Qua sit predicamentorum conceptio &  
quibus contenta sit sobrietas philo-  
sophantium. 137
- IV Qua sit Conceptio & utilitas Perierme-  
niarum vel rectius Periermenias. 146
- V In quibus consistat corpus artis & de To-  
picatorum utilitate. 151
- VI De utilitate & conceptione trium libro-  
rum in Topicis. 155
- VII Brevis ratio quarti & quinti. 158
- VIII De Titulo diffiniendi qui exercetur in  
Sexto. 159
- IX De problemate eiusdem & diversi, quod  
agitatur in septimo, & communia  
quedam Topicorum. 163
- X De utilitate octauj. 166

## LIBER QVARTVS.

## CAP. I.

- I **Q**uod liber *Analyticorum* est rationū  
examinatorius. 180
- II Quod *Scientia* hæc utilis est ad omnia &  
unde hæc sortita sit nomen. 181
- III Quod liber non eatenus utilis est ad phra-  
sim comparandam. 182
- IV Qua sit libri primi conceptio. 183
- V Qua sit conceptio secundi. 185
- VI De difficultate posteriorum *Analytico-*  
rum & unde contingat. 186
- VII Quare *Aristoteles* nomen *Philosophi* pra-  
cæteris meruerit. 187
- VIII De officio demonstratiuæ & ex quibus  
sit demonstratio, & quomodo; &  
quod sensus scientiæ principium est,  
& quomodo. 188
- IX Quid sensus, & quomodo omnis philoso-  
phiæ species ex ipso conualescant per  
imaginationem. 190
- X De Imaginatione & quod ex ipsa oriun-  
tur affectiones quibus anima compo-  
nitur, aut turbata deturbatur, 192
- XI Quid imaginatio, & de opinione & falla-

T A B V L A.

7

	<i>ciâ opinionis , &amp; sensus &amp; de ortu Phronesis quam nos prudentiam no- minamus.</i>	193
XII	<i>Quid Prudentia, quæ materia eius, quæ partes , &amp; quomodo scientia ex sen- su.</i>	194
XIII	<i>De differentia scientiæ &amp; Sapientiæ, quid fides.</i>	191
XIII	<i>De cognitione φρονήσεως , &amp; αληθείας, &amp; de ortu phronesis, quòd ratio.</i>	196
XV	<i>Quid Ratio &amp; quòd nomen rationis mul- tiplex est : &amp; quod rationes sempiter- nae.</i>	197
XVI	<i>Distinctio multiplicitalis &amp; quòd bruta non habent rationem , et si discernere videantur &amp; unde homo eam sortita sit iuxta Hebraeos.</i>	198
XVII	<i>De officio rationis , &amp; quare sensus in Capite, quibus ratio præsudet &amp; pedisse- quas habeat philologia.</i>	200
XVIII	<i>De differentia rationis , &amp; intelle- ctus, &amp; quid intellectus.</i>	202
XIX	<i>Quid Sapientia, &amp; quòd ipsa de sensu per gratiam.</i>	200

# T A B V L A.

XX	<i>De cognitione animæ, &amp; simplicitate, &amp; immortalitate secundum Cicero- nem.</i>	204
XXI	<i>Quòd in præcedentibus, etsi non suf- ficienter, Aristoteles aliquid com- potheticarum seminum dedit.</i>	206
XXII	<i>De Sophistica &amp; utilitate eius.</i>	207
XXIII	<i>De Sophisticis Elenchis.</i>	209
XXIV	<i>De his qui Aristotelis opera carpunt.</i>	210
XXV	<i>Quòd Cornificius Bromio scurra Deorum vilior est, &amp; de laude logi- cæ, quid Augustinus &amp; alij Philoso- phi.</i>	211
XXVI	<i>Quòd consilio utendum sit aduer- sus eum &amp; proteruos &amp; calum- niatores.</i>	212
XXVII	<i>Quòd Aristoteles in multis erra- vit, quòd in logica eminet.</i>	213
XXVIII	<i>Quomodo eâ sit utendum.</i>	214
XXIX	<i>Quòd temeritas, adolescentiæ repri- menda, &amp; quare Mercurius so- tietur Philologiæ, &amp; quæ sint præci- pue expetenda.</i>	215
XXX	<i>Idem.</i>	216

## T A B V L A.

- XXXI *Quòd Philologia alias duas precedit,  
& quæ sit prædicamentalis inspe-  
ctio sequenda in discussione rationis  
& veritatis.* 218
- XXXII *Quid ratio primitiua & de varijs  
sectis philosophantium.* 220
- XXXIII *Quid sit rationi contrarium &  
quòd multis modis dicitur ratio,  
quæ rationes æternæ.* 221
- XXXIII *Quòd homo perfectam non habeat  
rationem, & quòd verum multi-  
pliciter dicitur.* 223
- XXXV *Quid dicatur verum & quid veri-  
tas, & quid eius contrarium* 225
- XXXVI *Item de veris & quòd aliter dicun-  
tur esse res, aliter sermones, aliter  
vera, & quomodo.* 228
- XXXVII *Differentiæ eorum quæ verè sunt,  
& quæ videntur esse,  
secundum Platonicos* 230
- XXXVIII *Quòd aliter res, aliter opinio, aliter  
locutio, vera vel falsa dicitur, &  
quare locutiones huiusmodi, &  
modales appellantur.* 233
- XXXIX *De Coherentia rationis & veritatis  
& breuiter quid utrumque.* 234
- XL *Item de eodem & quòd nec ratio,  
nec veritas contraria suscipit.* 235

# TABVLA.

- XLI** *Ad quid Peripateticorum & omnium  
recté philosophantium tendat inten-  
tio, & de octo obstaculis intelligen-  
tia.* 238
- XLII** *Quod visibilia argumenta mundum  
vanitati subiectum esse conuincunt,  
& que causa fuerit hîc finiendi  
librum* 240

## PROLOGVS.



I

8



# PROLOGVS

IO. SARESBERIENSIS  
in Metalogicum.



*N. rebus humanis nihil  
ferè sic arbitror clima-  
tum ut aliqua ex parte  
detractiōni non pateat;  
cum mala de merito, bo-  
na autem de liuore car-  
pantur. Vnde mihi met  
persuasi detractorum aculeos, æquanimius tole-  
rare. Præsertim cum ex diuina dispositione na-  
tura parens nos in ea ætate & regione ediderit,  
editosque sors in ea conditione, conuiuentiumq;  
cætu locauerit, qui malunt aliena carpere, quam  
sua respicere, componere, vel emendare.*

*Sic nemo in sese tētat descendere, Nemo.  
Sed præcedentis spectatur mantica dorso;*

*Potueram quidem scholarium, & eorum qui  
Philosophiæ nomina profitentur, utcumque in  
silentio cauere morsus, sed omnino non possum*



# PROLOGVS.

*concurialium dentes euadere. Omnibus obsequi, neminem ledere, solebat prodesse ad gratiam: ut iuxta Comicum, Sine inuidia laudem inuenias & amicos pares. Nunc autem vel sic raro proficitur ad commilitonum inuidiam reprimendam. Nam obsequendi mos, nota abiectionis inuritur; innocentia impotentia esse videtur professio. Taciturnus criminatur indoctus; facundus accedit ad garrulos. Vir grauis sedere dicitur in insidijs; minus grauis à leuitate culpatur ineptus. Qui modestiam sequitur sermonis, & operis, censetur factiosus. Postremo, si rixa non est, vix est ut lior non sit incuria. Si tamen in alea, & venatica, ceterisque curialium nugis omnem inter commilitones consumpsissem aetatem, scripta mea nequaquam roderent, sicut nec ego illorum scripta redarguo. Mihi tamen pro minimo est, ut scribens ab illis iudicer, qui magni faciunt mimorum, histrionumque iudicia, & velut serui abiectissimi, expauescant, ne de ijs perperam loquatur, aut sentiat Thais, aut Thraso, Calliroë, aut Batillus. Porro si Philosophie professores persequuntur Philosophantium amatorem, planè iniuriosi sunt, & in eam malè remunerant caritatem. Eos enim & si nequeam imitari, certè amare, honorare, & colere propositum est. Scholarium verò debueram meruisse fauo-*

10

PRO LOGVS.

rem : qui aut quod sunt , aut quod fuerunt ;  
quali possam aduocationis defendo. Quod si uti-  
liter gesserō , gratia & merces debetur euentui ,  
sin autem , voluntati. Hinc est illud.

Egisti nihil , inquis , & à te causa perditā est ,  
Tantò debes plus Sexte , quod erubui.

Neque enim à patrociniādi officio excludo  
potiores : si meæ deuotionis protestor affectum.  
Prestantiores supremam manum apponāt & ad  
sententiam ferendam pro logicis , Iudicis incli-  
nent officium. Si quidem cum opera logicorum  
vehementius , tanquam inutilis , rideretur : &  
me indignantem , & renitentem , amulus quo-  
tidianis ferè iurgijs prouocaret , tandem litem  
excepi , & adeas calumnias , quas procuraue-  
rat , sicut emergebant studiū respondere.  
Vnde factum est , ut illum ordinem sequi oport-  
uerit , quo ille vrgebat , & plerunque silere à  
potioribus , dum diluerentur obiecta. Ipse enim  
procurabat , super quibus articulis vellet ora-  
tionem procedere. Placuit itaq. socijs , ut hoc  
ipsum tumultuario sermone dictarem. Cum nec  
ad sententias subtiliter examinandas , nec ad  
verba expolienda , studium superesset , aut  
ocium. Necessarys enim occupationibus vix ali-  
quid amplius deducebatur , quàm refectionis  
hora , vel somnij : cum ex mandato Domini  
mei , cui deesse non possum , sollicitudo totius

# PROLOGVS.

*Britanniæ, quod ad causas Ecclesiasticas, mihi incumbat. Ad hæc, sollicitudo rei familiaris, & curiales nugæ, studium excludebāt: amicorum interpellatio me ferè totum absorbuerat. Itaque iustum arbitror, ut in his, quæ temerè dicta sunt, mihi venia facilius impendatur, si quid verò exierit aptius, ei gratia referatur, sine quo nihil potest humana infirmitas. Nam ingenium hebes est, & memoria infidelior, quam ut antiquorum subtilitates percipere, aut quæ aliquando percepta sunt, diutius valeam retinere. Linguam verò impolitam esse, stilus ipse conuincit. Et quia Logica suscepì patrociniũ, metalogicon inscriptus est liber: quem quatuor voluminibus, ad recreationem lectoris, distinguere curavi. More scribentium, res varias complexus sum, quas quisque probabit suo, aut reprobabit, arbitrio.*

*Sunt bona, sunt quædam mediocria, sunt mala plura;*

*Quæ legis hîc: aliter non fit. Auite liber.*

*Sic Martialis: sic & ego: malens sic nugari, quam ad formam Ganymedis, lepores agitare, vel, Nocturno putere mero, putere diurno, Nec dedignatus sum, modernorum proferre sententias: quos antiquis, in plerisque, præferre non dubito. Spero equidem quod gloria eorum, qui nunc sunt posteritas celebrabit.*

Eo quo multorum nobilia mirer ingenia,  
 inuestigandi subtilitatem, diligentiam stu-  
 dij, fœlicitatem memoria, fœcunditatem  
 mentis, & oris facultatem, & copiam ver-  
 bi. De moribus verò nonnulla scienter in-  
 se-  
 rui: ratus omnia quæ leguntur, aut scribun-  
 tur, inutilia esse, nisi quatenus afferunt ali-  
 quod adminiculum vitæ. Est enim qualibet  
 professio philosophandi inutilis, & falsa, quæ  
 seipsa in cultu virtutis, & vitæ exhibitione non  
 aperit. Academicus, in his quæ sunt dubitabi-  
 lia Sapienti, non iuro verum esse, quod loquor.  
 Sed seu verum, seu falsum sit, sola probabilita-  
 te contentus sum. Tu, ut libuerit, vniuersa  
 examinabis, & singula, quia te iudicem meis  
 opusculis consecraui, dum intelligam quod mihi  
 opera non pereat, & impensa. Quod si (quod  
 absit) contigerit, inueniam alium si me hic  
 fastidit Alexis, philosophanti quemlibet præ-  
 ferens histrionem. Tria quidem sunt, (ut de  
 consilio meo perfectius instruaris) quæ non mo-  
 do mihi metum, sed plerisque scriptoribus peri-  
 culum salutis, aut meriti dispendium afferunt.  
 Ignorantia veri: fallax aut proterua assertio  
 falsi, & tumida professio veritatis. Noui enim  
 quis dixerit. Tutius auditur veritas, quàm di-  
 catur. In audiendo enim custoditur humilitas,  
 sed in dicendo sapissime subrepat elatio. Ego au-

# PROLOGVS.

tem in omnibus his agnosco errorem meum, qui  
 & rerum ignorantia laboro, & falsum sapius,  
 & magis quam expediat, tueor, & plerumque  
 tumide, & cum elatione, donec me Deus corripiat,  
 & corrigat, ipsam profero veritatem.  
 Unde lectorem & auditorem, quanta possum  
 supplicatione conuenio, ut in orationibus suis  
 memores mei sint apud Altissimum, impetran-  
 tes mihi precedentium veniam delictorum, cau-  
 telam futurorum, notitiam veri, amorem boni,  
 cultum Dei, & ut corde, ore, opere, exercean-  
 tur à nobis, quæ diuina sunt placita voluntati.



# IOANNIS

## SARESBERIENSIS

### Metalogici

LIBER PRIMVS.

CAPITVLVM I.

*Calumnia qua vt Cornificio suo respon-  
deretur, extorsit.*



DVERSVS insigne donum natu-  
ræ parentis, & gratiæ, calumniam  
veterem; & maiorum nostrorum  
iudicio condemnatam, excitat  
improbus litigator, & conquirēs  
vndiq. imperitiæ suæ solatia, sibi proficere sperat  
ad gloriam, si multos similes sui; id est, si eos  
viderit imperitos: habet enim hoc proprium ar-  
rogantiæ tumor, vt se commetiatur aliis, bona  
sua, si qua sunt, efferens, aliena deprimens; de-  
fectumque proximi, suum putat esse profectum.  
Omnibus autem rectè sapientibus indubium  
est, quod natura, clementissima parens om-

▲ üij

nium, & dispositissima moderatrix, inter cætera quæ genuit animantia, hominem privilegio rationis extulit, & usu eloquij insigniuit: id agens sedulitate officiosa, & lege dispositissima, ut homo, qui grauedine sæculentioris naturæ, & molis corporeæ tarditate premebatur, & traheretur ad ima, his quasi subuectus alis ad alta ascendat, & ad obtinendū verę beatitudinis brauium, omnia alia sælici compendio antecedit. Dum itaque naturam fecundat gratia; ratio rebus perspiciendis, & examinandis inuigilat; naturæ sinus excutit, metitur fructus, & efficaciam singulorum, & innatus omnibus amor boni, naturali urgente se appetitu, hoc, aut solum, aut præ cæteris sequitur quod percipiendæ beatitudini maximè videtur esse accommodum. Cum verò beatitudo communionis ignara, quæ aut qualis extra societatem sit, nec fingi quidem possit; quisquis ea, quæ ad ius humanæ societatis, (quæ quodammodo filiorum naturæ vnica & singularis fraternitas est) conciliandum & fouendum proficiunt, impugnat, viā adipiscendæ felicitàtis omnibus videtur obstruere: & præcluso pacis aditu, ut in se concurrant ad interitum orbis, naturæ viscera incitare, hoc quidem est seminare inter fratres discordiam, hoc arma ministrare compositis, hoc denique firmare nouum & magnum chæos inter Deum & homines: sic enim ad firmioris nexus compagem, & caritatis custodiam, vniuersitatis partes, creatrix Trinitas, Deus vnus & verus, ordinauit; ut alterius ope res altera indigeret, & altera defectum suppleret alterius; dum sunt

singula quasi singulorum membra: semiplena sunt ergo omnia, si ab inuicem dissoluantur; sed aliorum fœderatione perfecta: quoniam omnia mutuis constant auxilijs. Quid ad beatitudinem obtinendam virtute fidelius, aut vtilius? Quid compendiosius? hæc est enim ferè singularis & vnica via, quam ad beatitudinem gratia præparauit. Nam qui citra virtutis meritum beati fiunt, non tam eundo illuc perueniunt, quam trahuntur. Miror itaque (non tamen satis, quia non possum) quid sibi vult, qui eloquentiæ negat esse studendum: ipsamque sic ut visum non cæco, auditum non surdo, asserit gratis à natura peruenire ei qui mutus non est: sed plenius, si naturæ munus, exercitio roboretur, nec tamen beneficium aliquod ab arte præstari: aut id minus, quam labor, artis exposcat, sicut enim eloquentia, non modo temeraria est, sed etiã cæca, quam ratio non illustrat; sic & sapientia, quæ vsu verbi non proficit, non modo debilis est, sed quodam modo manca, licet enim quandoque aliquatenus sibi prodesse possit sapientia elinguis ad solatium conscientia; raro tamen & parum confert ad vsu societatis humanæ. Nam ratio, scientia, virtutumque parens,ATRIX, & custos, quæ de verbo frequentius concipit, & per verbum numerosius, & fructuosius parit, aut omnino sterilis permaneret, aut quidem infœcunda, si non conceptionis fructum, in lucem ederet eloquij: & inuicem, quod sentit, prudens agitatio mentis hominibus publicaret. Hæc autem est illa dulcis & fructuosa



coniugatio rationis & verbi , quæ tot egregios genuit vrbes, tot conciliauit & fœderauit regna, tot vninit populos, & caritate devinxit : vt hostis omniũ publicus meritò censeatur , quisquis hoc , quod ad vtilitatem omnium Deus conuinxit , nititur separare. Mercurio Philologiam invidet, & ab amplexu *Philologiæ* Mercurium auellit , qui eloquentiæ præceptionem à studijs Philosophiæ eliminat : & quamuis solam videatur eloquentiam persequi , omnia liberalia studia convellit , omnem totius Philosophiæ impugnat operam , societatis humanæ fœdus distrahit , & nullum charitati , aut vicissitudini officiorum relinquit locum. Brutescent homines , si concessi dote priuentur eloquij , ipsæque vrbes videbuntur potius pecorum quasi septa quam cœtus hominum , nexu quodam societatis fœderatus , vt participatione officiorum , & amica invicem vicissitudine eodem iure *viuat*. Quis enim cōtractus ritè celebrabitur? quæ fidei aut morum disciplina vigebit ? quæ nam erit obsecundatio aut communicatio voluntatum , subtracto verbi commercio ? Non ergo vnam , non paucas : sed omnes simul vrbes , & politicam vitam totam aggreditur Cornificius noster , studiorum eloquentiæ imperitus & improbus impugnator.

## CAPITVLVM II.

*Descriptio personæ suppressæ nomine.*

**I**P S V M verò vulgato designarem ex nomine, & tumorem ventris, & mentis; oris impudentiam, rapacitatem manuum, gestus leuitatem, fœditatem morum, (quos tota vicinia despuir,) obscenitatem libidinis, deformitatem corporis, turpitudinem vitæ, maculam famæ, publicis aspectibus ingerens denudarem; nisi me Christiani nominis reverentia cohiberet. Memor enim professionis meæ, & fraternæ, quæ in domino est, communionis, indulgendum esse personæ credidi, dum tamen non indulgeatur errori. Defero ergo Deo, parcens naturæ, quæ ab ipso est, & impugnans vitium quod contra ipsum est; dum naturam corrumpit, quam ille generauit. Vtique par est sine derogatione personæ, sententiam impugnari; nihilque turpius, quam cum sententia displicet, aut opinio, rodere nomen authoris, longè quidem probabilius est, vt opinioni falsæ, quatenus tamen error tollerabilis est, *parcatur* interdum propter hominem, quam vt propter opinionem homo carpatur. Singula suis sunt examinanda iudicijs, & paria meritis sunt præmia conferenda, ita tamen, vt rigorem mansuetudo clementiæ vincat. hac itaque contemplatione, suppressi vulgati nominis notam: ne non tam

erroris videar procurasse medelam, quam infensam deturpasse personam. vt autem fatear verum, nihil est minus verum. quia quatenus Christiano licitum est, personam & sententiam æquè contemno. vt libet ergo ille stertat in dies medios, quotidianis cōviscerationibus ingurgitetur ad crapulam: & in illis immunditijs volutatus incumbat, quæ nec porcum deceant Epicuri. Ceterum *opinionem* reluctor, quæ multos perdidit, eo quod populum, qui sibi credat, habet. & licet antiquo, nouus Cornificius ineptior sit, ei tamen turba insipientium adquiescit. Illorum tamen maxime, qui, cum inertes sunt & ignaui, videri, quam esse sapientes, appetunt.

## CAPITVLVM III.

*Quando, qualiter & à quibus fuerit  
institutus.*

**E**Go quidem omnino non miror, si credulos. auditores suos, multa mercede conductus, & multo tempore aërem verberans docuit nihil scire. cū & ipse sic edoctus sit à magistris. Siquidem non facundus, sed verbosus, & sine fructu sensuum, verborum folia in ventum continue profert. Ea tamen est cautela hominis, cum æquè omnium dicta vituperet, vt in astruenda sua, aut aliena sententia destruenda, nunquam manum conferat, ratione nunquam ni-

tatur, nunquam sustineat congregari in campo scripturarum: nescio quid arduum & ignotum omnibus sapientibus, tumentis ventosi pulmonis folle concepit: unde alicui respondere, aut patienter audire quempiam dedignatur. Si enim quidlibet proposueris, ille conuiciabitur, aut ridebit. Si, ut ille propositum probet, expectas, dilatio necessaria est. ut, cum dies cesserit, tu expectationis fructu fraudaberis, eò quod Margaritas suas, porcis alienis, ut ait, non vult esse communes. fabellis tamen, & nugis, suos pascit interim auditores. quos, sine artis beneficio, si vera sunt quæ promittit, faciet eloquentes, & tramite compendioso, sine labore, philosophos. nam & ipse accepit à doctoribus, quod nunc discipulis tradit. eosque sic instituit, sicut & ipse institutus est. Discipulos ergo in Philosophia sibi facit coæquales. Quid multa? nonne sic perfecti erunt, iuxta illud Evangelij, *Discipulus omnis perfectus est, si sit sicut magister eius*. Eo autem tempore ista Cornificius didicit, quæ nunc docenda reseruat, audienda quidem felicibus, ut dici solet, auribus Iouis, quando in liberalibus disciplinis, littera nihil erat: & ubique spiritus quærebatur, qui, ut aiunt, latet in littera. Hylum esse ab Hercule, validum scilicet argumentum, à forti & robusto argumentatore potestates vocalium, quinque iura regnorum; & in hunc modum docere omnia, studium illius ætatis erat. Insolubilis in illa Philosophantium schola tunc temporis quæstio habebatur, an porcus, qui ad Venalitium agitur, ab homine, an à funiculo teneatur. Item, an capucium eme-

rit, qui cappam integram comparauit. Inconueniens prorsus erat oratio, in quâ hæc verba, *conueniens, & inconueniens* argumentum, & ratio non perstrebebant multiplicatis particulis negatiuis, & traiectis, per esse & non esse, ita vt calculo opus esset, quoties fuerat disputandum. Alioquin vis affirmationis & negationis erat incognita. Nam plerumque affirmationis vim habet geminata negatio: itemque vis negatoria ab impari numero conualescit. Siquidem negatio plerumque iterata, seipsam perimit; & contradictioni, sicut regulariter proditum est, coæquatur. vt ergo pari loco, an impari, versetur. deprehendi queat, ad disceptationes, collectam fabam & pisam deferre, quæ conueniebatur, consilio prudenti consueuerat, ita quidem si intellectui rerum, quæ videbantur in quæstione versari, operam dabat. Sufficiebat ad victoriam verbosus clamor, & qui vndecunque aliquid inferebat, ad propositi perueniebat metam. Poëtæ, historiographi, habebantur infames, & si quis incumbebat laboribus antiquorum, notabatur, & non modò asello Arcadiæ tardior, sed obtusior plumbo, vel lapide, omnibus erat in risum. Suis enim, aut magistri sui, quisque incumbebat inventis. nec hoc tamē diù licitum. cum ipsi auditores in breui coërrantium impetu vrgerentur, vt & ipsi, spretis his, quæ à doctoribus suis audierant, cuderent, & conderent nouas sectas. fiebant ergo summi repente Philosophi. Nam qui illiteratus accesserat, ferè non morebatur in scholis yltcrius quam eo curriculo temporis, quo aui-

ulli plumescunt. Itaque recentes magistri è cholis, & pulli volucrum è nidis, sicut pari tempore morabantur, sic pariter avolabant. Sed quid docebant noui doctores & qui plus omniorum quam vigiliarum in scrutinio Philosophiæ consumpserant, & facilius instituti, quam illi iuxta narrationes fabulosas, qui somniantes in Parnasso, repente vates progrediuntur: aut citius quam ij, qui de Castalio Fonte Musarum, munus hauriebant poëticum: aut quam illi, qui viso Phœbo, Musarum, nedum nusicorum, meruerunt ascribi consortio. Nunquid rude aliquid, aut incultum, nūquid aliquid etustum aut obsoletum? Ecce noua fiebāt omnia: innouabatur grāmatica, immutabatur Diactica, contemnebatur Rhetorica: & nouas totius quadruij vias; euacuatis priorum regulis, e ipsis Philosophiæ adytis proferebant. Solam *conuenientiam*, siue *rationem* loquebantur, argumentū sonabat in ore omnium. & asinum nominare, vel hominem, aut aliquid operum naturæ, istar criminis erat, aut ineptum nimis, aut rude, & à Philosopho alienum impossibile crederetur *conuenienter*, & ad rationis normam quicquam dicere, aut facere nisi *conuenientis* & *rationis* mentio, expressim esset inserta. Sed nec argumentum fieri licitum, nisi præmisso nomine argumenti. Ex arte & de arte agere, idem erat. Docebunt hi fortè, quod poëta versifice nihil icet, nisi cognominet versum, quod faber linarius scamnum facere nequeat, nisi scamnam aut ligneum voluat in ore. Inde ergo hæc rtago loquendi, in qua senex insulsus exultat,

IO IO. SARESBURIENSIS  
insultans eis, qui artium venerantur auctores, eò  
quod nihil utilitatis in eis reperit cum se eis dare  
operam Simularet.

## CAPITVLVM IV.

### *Qualiter euaserunt consortes erroris.*

CÆTERVM huius sectæ, post damnum  
temporis, rerumque iacturam & spes de-  
ceptas, & propositi sui solatio destitutas, mul-  
tiplex vsus emerfit Alij namque, monachorum  
aut clericorum claustrum ingressi sunt, & ple-  
rique suum correxerunt errorem: deprehen-  
dentes in se, & alijs, prædicantes, quia quicquid  
didicerant, vanitas vanitatum est, & super om-  
nia vanitas. plerumque, inquam, eo quod qui-  
dam, in sua perdurantes insania, tumidè, vetu-  
sta peruerſitate malebant desipere, quam ab hu-  
milibus, quibus Deus dat gratiam, fideliter  
erudiri: erubescabant enim formam discipuli,  
qui magisterij præsumperant fastum. Si mihi  
non credis, claustra ingredi: scrutare mores  
fratrum: & inuenies ibi superbiam Moab, &  
eam intensam valdè: vt arrogantia absorbeat  
fortitudinem eius. Miratur Benedictus, & que-  
ritur, quod se quodammodo auctore, latet lu-  
pus in pellibus agninis. vtique tonsuram &  
pullam vestem, à supercilio distare causatur.  
Et vt rectius dixerim supercilium arguit, eò  
quod tonsuræ, vestibisque non consonet. ri-  
tus observationum contemnitur: & sub ima-  
gine

ine Philo sophantis , spiritus fallacis elationis  
 obrepit. Nota sunt hæc in omni veste , ac pro-  
 fessione , vulgata. alij autem , suum in Philoso-  
 phia intuentes defectum, Salernum, vel ad Mō-  
 empessulanum profecti, facti sunt clientuli me-  
 licorum & repentè , quales fuerant Philosophi,  
 ales in momento medici eruperunt. Fallaci-  
 ous enim referti experimentis, in breui redeunt,  
 edulo exercentes, quod di dicerunt. Hippocra-  
 em ostentant aut Galenum : verba proferunt  
 naudita : ad omnia suos loquuntur aphorismos;  
 & mentes humanas , velut afflatas tonitruis, sic  
 percellunt nominibus inauditis. creduntur om-  
 nia posse , quia omnia iactitant , omnia polli-  
 centur. Duo tamen deprehendi eos fideliore te-  
 nuisse memoriâ , & frequentius in eorum ope-  
 ratione versari. Alterum quidem Hippocratis  
 est : ( sed ibi vergit ad alium intellectum ) vbi  
 inquit, *indigentia non oportet laborare.* & reuera inop-  
 ortunum & inofficiosum opinantes, dare operam  
 indigentibus , & eis qui nolunt aut nequeunt,  
 vel solis verbis , eorum plenè gratiam referre  
 mercedis. Alterum profectò est, non, quod me-  
 minerim, Hippocratis, sed diligentium adiectio  
 medicorum ; *Dum dolet accipe.* occasio siquidem  
 exigendi maximè opportuna est , cum dolor  
 cruciat ægrotantem , sibi que cooperantur lan-  
 uentis exulceratio , & auaritia medentis. Si  
 conualescit æger , operam danti medico ascri-  
 atur , si deficit, eius inualescat auctoritas , qui  
 hoc antea familiaribus suis reuelauit. Si quidem  
 impossibile est non euenire , quod de industria  
 æuaticinatus est , cum huic sospitatem , isti



sinistrum exitum pronunciauit ægrotantis. Si euasurus est æger, curatur facile : nisi quatenus incolumitatē eius medicus propediē imperitus. Sin autem, vt Sollius Sidonius ait, *pecciditur officiosissima*. Quid ni ? Nunc quid enim naturæ secretos latentesque cuniculos deprehendet homo totius Philosophiæ ignarus ? & qui nec rectē loqui nouit, nec rectē intelligere quæ scripta sunt, aut quæ dicuntur, cum ferē quot disciplinæ sunt, tot sunt linguæ, & in ipsis plerumque authoribus, non sit maior in corporali compositione, diuersitas facierum, quam in vsu varietas linguarum. homo enim homini assimilatur : sed nec gemelli inuicem vsque quaque se exprimunt. vox voci conformatur interdum. Sed nec *fororum* & si *vis* nec Musarum eadem etiam vocis agilitas. consonant enim voces, sed dispares. ipsaque disparitas, suis coëquata proportionibus, est apta concentui. Et quodammodo gratior quā si identitatem, pareret similitudo. habent itaque linguæ idiomata sua, & singuli suum loquendi modum, quem, qui ignorat, non magis commodè Philosophabitur, quæ si picam humana conantem verba, velit homini coæquare. Alij profecto, similes mei, se nugis curialibus mancipauerunt. vt magnorum virorum patrociniū freti, possēt, ad diuitias aspirare : quibus se videbant, & iudicio conscientiæ quicquid lingua dissimulet, fatebātur, indignos. Taceo vias istorum. quoniam eas *Policraticus* noster diligenter exequitur. etsi omnes plenè non sufficiat indagare : hoc enim vires excedit humanas. alij autē Cornificiō similes ad vulgi profes-

siones, easque prophanas relapsi sunt : parū curantes quid Philolophia doceat ; quid appetendum, fugiendumue denunciet : dummodo rem faciant, si possunt, rectè, si non quocumque modo. exercent fenebrem pecuniam, alternis vicibus inæqualia rotundantes ; & adiectione multiplici quod rotundauerant, abæquantes. Nihil enim sordidum putant, nihil stultum, nisi paupertatis angustias, & solas opes ducunt esse fructum sapientiæ. Siquidem celebre est in corde eorum, quod ait Ethicus, & si hoc eum, quia contemnitur, dixisse non nouerint.

*Et genus & formam regina premia donat*

*Es benè numatum decorat Suadela, Venusque.*

Hoc autem quasi quadriuiro, sibi utique necessario, euadebant illi repentini Philosophi, & um Cornificio, non modo triuij nostri, Sed otius quadriuij contemptores. Nā, ut dictum est aut sub prætextu religionis mergebantur in laustris, aut sub imagine philosophandi, & uitatis publicæ confugiebant ad physicam, aut ibi honestatis velamine quo splenderent, & iblimarentur, se præclaris domibus ingereant ; aut sub obtentu necessitatis, exerndique officij, dum lucrum fitebant, multiplicis auaritiæ voragine absorbebantur. Adeo uidem ut sic proficientium Philosophorum, it, ut verius dixerim, deficientium collatione, si ius in turba prophanæ multitudinis rudis, flagitia videretur.

*Quantis virus, & cur familia illa destrahere audeat.*

**S**OLEBAT magister Gilebertus, (tum quidem Cancellarius Carnotensis, & postmodum venerabilis Episcopus Pictauorum) temporis eius, nescio ridens, aut dolens, insaniam, cum eos videbat ad studia, quæ prædicta sunt, euolare. eis artem pistoriæ polliceri, quoniam illa est, ut aiebat, ingente sua, quæ sola accipere consuevit omnes alijs operibus aut *artificio* destitutos. Ars enim facillime exercetur, & subsidiaria est aliarum, præsertim apud eos, qui panem potius, quam artificium quærunt. Sed & alij viri, amatores literarum, (utpote magister Theodoricus, artium studiosissimus inuestigator; ibidem Vilielmus de conchis, grammaticus, post Bernardum Carnotensem, opulentissimus, & peripateticus Palatinus, qui logicæ opinionem præripuit omnibus coætaneis suis, adeo ut solus Aristotelis crederetur vsus *colloquio*, se omnes opposuerunt errori. Sed nec vniuersi insanientibus resistere potuerunt, insipientes itaque facti sunt, dum insipientiæ resistebant: & erronei diutius habitati, dum obuiare nitebantur errori. Verumtamen, fumus ille citò euauit, & prædictorum opera magistrorum, & diligentia, redierunt artes, & quasi iure postliminij, honorem pristinum nactæ sunt, & post exilium, gratiam, & gloriam, ampliorem. Inuidit

Cornificius, & turpe reputans, vt senex mitteretur ad scholas, & vt sensu puer appareret, senex ætate, culpæ cœpit, quod se posse consequi desperabat. Sententias carpebat omnium, eò quòd ei dissimiliter vniuersi sentirent. sic vulpes ades, peratione cerasa culpat, & vt dici solet rusticano prouerbio, quod negatur, ducit inutile. Inde ergo iræ, hinc lachrimæ, hinc indignatio, quam aduersus discipulos memoratorum sapientium concepit Cornificij domus: vnde exerceret dentem, & in soliditate eorû frangit vt dicitur genuinum. Impudenter, etiam, (in latebris tamen, quia palam non licet) obfuscare nititur splendidissima lumina Galliarum: Lauduni gloriam, fratres Theologos, Ansellum & Radulfum: quorum memoria in iucunditate & benedictione est: quos nemo lacerauit impunè, & qui solis displicuerunt hæreticis, aut flagitiorum turpitudine obuolutis. Nam de *Alberico Remensi*, & Symone Parisiensi palam loquuntur & prouerbum nullum dicunt, & sequaces eorum, non modo philosophos negant: mo nec clericos patiuntur, vix homines sinunt esse, sed boues Abraham, vel asinos Balaamitos, luntaxat nominant, imò derident, aut si quid cômaticè magis, aut lædoricè in eos dici potest. Guilelmus de Campellis, errasse convincitur scriptis propriis. Vix parcitur magistro Huoni de Sancto Victore, Et hoc quidem magis propter habitum religionis, quam propter reuerentiam scientiæ, aut doctrinæ. Deo enim in so deferunt, non personæ. Rodbertus Pullus, cuius memoria bonis omnibus iucunda est, di-

ceretur filius subiugalis, nisi sedi Apostolicæ deferretur, quæ ipsum, de doctore scholastico, Cancellarium fecit, ut autem licentius hæc familia aliis derogaret, religionem extrinsecam induit paterfamilias (de interna enim cognosceret Dominus, & iudicabit) & Cisterciensium, Cluniacensium, Præmonstratensium, aliorumque quorum fama hilarior est, familiaritatem captat, ut ab eorum autoritate possit esse insignis. Ego autem detractioem eius familiæ æquanimiter porto & me fateor aliquos præmissorum habuisse doctores, & itidem aliorum audisse discipulos: & ab eis modicum id didicisse, quod novi, neque enim, ut Cornificius, me ipsum docui. nec multum curo, quid ineptum in auribus suorum Cornicetur. Ingratus enim est, & peruersi ingenij, qui profectus sui disfitetur auctorem. Sed hæc hæc hactenus. nunc prætermisissis personæ ineptijs, ipsius sententiæ redarguamus errorem.

## CAPITVLVM. VI.

*Quibus rationibus nitatur.*

**N**ON est ergo, ex eius sententia (si tamen falsa opinio sententia dicenda est,) studendum præceptis eloquentiæ: quoniam eam cunctis natura ministrat, aut negat. Si ultro ministrat, aut spontè, opera superfluit, & diligentia. Si verò negat, inefficax est & inanis. Nam plerumque ad maximarum propositionum robur accedit: *tantum quemque posse, quantum natura permiserit.* Adeo quidem, ut apud serietatem fi-

delium historicorum constet, Dædalum non volasse, quoniam ei natura alas negauerat, sed tyrannicam rabiem, subitò euasisse nauigio. Præterea ratio præceptorum, quod pollicetur, non efficit: & omnino impossibile est, ut quis eloquens sit etiam diligentissimo studio præceptorum. Sufficit enim vsus verbi, loquendique inter cohabitantes commercium: & linguæ cuiusque habet potissimam facultatem, qui officium eius crebro exercet.

Apud Græcos planum est hoc, & Latinos, Galli nobis attestantur & Britones: apud Scythas & Arabes, imo ubique locorum, verum est, quia vsus magistrum reddit: labor improbus vincit omnia, & assiduitas operis, in qua vis arte, præstantissimum facit opificem. Ad hæc & si eloquentiæ præcepta proficerent, plus habent laboris, quàm utilitatis; nec dispendium operæ æqua vnquam compensabitur retributione mercedis. Græca plebs, & Hebræa, sine præceptorum difficultate, linguæ suæ compellio vtitur. & tam Galli, quam Britones, & aliæ tidem gentes, commercium verbi, ante à nutricum sinu, quam à cathedra doctorum excipiunt. Nutricis linguam plerumque redolet ætas virilis: nec potest interdum ab eo, quod enerior ætas ebiberat, doctorum diligentia *emendari*. Quam rectè loquentur, quam expedite, singulæ gentes, in linguis, quas eis *decreti* diuini cōstitutio assignauit. Nunquid artem orationis expectant, aut præcepta eloquentiæ? Postremò uid est eloquentiæ cum philosophia? altera enim consistit in verbo, altera sapientiæ viis

affectat, inuestigat, & circuit, & interdum pro studio efficaciter apprehendit. Planè eloquentiæ præcepta, sapientiam non conferunt: sed nec amorem eius: & sapissimè quidem ei obtinendæ non conferunt. Res enim philosophia; aut finis eius, quæ est sapientia, quærit: non verba. Itaque ex his liquet, quia præcepta eloquentiæ ab operis suis philosophia eliminat.

## CAP. VII.

*De commendatione eloquentiæ.*

CORNICATUR hæc domus insulsa (suis tamen verbis) & quæ constat totius eloquij contempsisse præcepta. Sicut enim de se ipsa testatur, grauium temporum casuumque non potest simul curare iuncturam; & constructioni sensuum operam dare. Esto, loquatur falsò dùm verū sentiat, sed planè non adquiescet: quia homo ore mendax, & spiritu falsū loquitur, & falsum sentit. ait enim, superflua sunt præcepta eloquentiæ, quoniam ea naturaliter adest aut abest. Quid, inquam, falsius? Est enim eloquentia, facultas dicendi commodè, quod sibi vult animus expediri. Quod enim in abdito cordis est, hoc quodāmodo in lucem profert, & producit in publicum. siquidem non est eloquens, quisquis loquitur: aut quicquid voluerit, vtrunque loquitur, sed ille duntaxat, qui animi sui arbitrium commodè profert. Ipsaque comoditas, exigit facultatem, *quæ à facilitate dicitur* ) vt sequamur morem nostrum quibus gratum est, in

ea parte, Stoicos imitari, qui ad verborū faciliorem intelligentiam rerum, etiam originē studiosius perscrutantur. Ergo cui facilitas adest commodè exprimendi verbo quidem, quod sentit, eloquens est. Et hoc faciendi facultas re-ctissimè eloquentia nominatur. Quā quid esse præstantius possit ad vsum, compendiosius ad opes, fidelius ad gratiam, commodius ad gloriam, non facile video. Nihil enim dotem istam naturæ & gratiæ antecedit, aut rarum. Siquidem cum virtus & sapientia quæ fortè sicut Victorino placet, verbis potius quàm substantia, differunt, in appetendis locis primū obtineant: secundum sibi eloquentia vendicat, tertius autem cedit locus bonis corporeis, eique ad materiam gerendorum, cohabitantium fauor, & rerum copia, quarto loco succedunt. Secutus est hunc ordinem Ethicus, votorumque seriem, in ordine expetendorum, eleganter expressit.

*Quid voueat dulci nutricula maius alumno*

*Quam Sapere & fari possit quæ sentiat, & cui*

*Gratia, fama, Valitudo, contingat abunde*

*Et mundus victus, non deficiente crumena.*

Si ergo verbi & rationis vfu, aliorum animantium naturam, humana dignitas antecedit, quid conducibilius ad omnia, quid ad claritatem cōsilandam potentius, quam in eo, naturæ præenire consortes & generis, in quo solus homo cetera vincit. hæc autem, cum omnem ætatem doceat, & exornet, clariorem efficit iuventutem: eo quod ætas tenerior gratiæ quodammodo lenocinatur, vt ingenium vendicat. Qui sunt enim, qui florēt inter cōciues? qui sunt qui opi-



bus pollent? qui sunt, qui prævalent viribus, Et in omnibus negotium obtinent nisi eloquentes? Nam ut Cicero est auctor nihil est tam incredibile quod non dicendo fiat probabile: nihil tã horrendũ, & incultum, quod non splendescat oratione, & quodãmodo mansuescat tãquam si excolatur. Qui ergo tanti boni contemptor est, manifestissimè desipit. Qui autem diligit, imò se diligere simulat, & non excolit: nimis negligens est, & desipientiæ proximus.

## CAPITVLVM. VIII.

*Quod natura inuanda est usu & exercitio.*

**C**Æ T E R V M hanc aliquando habituris, gratis, ipsa natura largitur: & non habituris, eam negat, & perpetuò subtrahit ut liquiddò constet, operam vltiorem, aut inanem esse, aut supervacuã. Quare ergo, doctissimi Cornificiani, peritiam omnium non habetis linguarum; Quare non saltẽ Hebræam nostis? quam, ut aiunt, natura parens primigenis tradidit, & generi conservauit humano, donec vnitatem scidit impietas, & confusione linguarum prostrata est elatio.

Quæ in cælum conscendere, non virtute, sed viribus moliebatur, turre constructa. quare non hanc, quæ ceteris naturalior est, ut sic dicatur, natura docente loquuntur? Est autem natura, ut quibusdam placet, ( licet eam sit definire difficile, ) vis quædam genitiua, rebus omnibus

infita ex qua facere vel pati possunt. genitiua autem dicitur, eo quod ipsam, res quæque contrahat à causa suæ generationis, & ab eo quod cuique est principium existendi: res enim quælibet a componentibus contrahit, vnde ad hoc apta sit, vel ad illud: siue componentia partium nomine censeantur; siue accedant ad originem materiæ & formæ: vt in simplicibus, quæ coæruationem partium non admittunt; siue ratio componendi ad solius diuinæ bonitatis decretum accedat. nã & hæc ipsa prima natura est, auctore Platone, qui sicut Victorinus, & alij multi testantur; & certissimam omnium rerum naturam esse asseruit diuinam voluntatem: siquidem natura creata, ab hoc fonte manat, & quicquid operatur, operis sui Deum habet auctorem. ita quidem nisi sit corruptionis opus, & culpæ; in quo, ab auctore suo natura degenerat. Vis itaq. originaliter indita cuique ex qua opus, aut aptitudo procedit, natura quidem est, sed creata alias quidem definitiones, quæ sparsim in diuersis, reperiuntur, authoribus; eo plerumque trahendas arbitror, vt natura, quæ creata est, describatur. Nam & ignis artifex, qui per invisibiles vias, procedit ad res visibiles procreandas, creatus quidem est: sed pace Aristotelis, & Calcidij eum naturam esse aliqui diffitentur. Item principium motus secundum se, à Deo habuisse initium. Nec Aristotelem negaturum credo. nam deo ètio certus sum: quia id, quod facere vel pati potest, non negabit esse creatum. sed & namquamque rem informans specifica differentia aut ab eo est per quem facta sunt omnia:



aut omnino nihil est: Alijs quoque modis natura describitur. sed. quicquid aliud à Platónico pōnitur aut de rerum numero tollendum est, aut divinis operibus ascribendum, sed vtamur ad præsens prima definitione: quæ ad vsum præsentis articuli magis videtur accedere, Esto ergo; sit potens, & efficax vis illa genitiua, indita rebus originaliter. certè, sicut vitio corrumpi, aut impediri sic variis adminiculis reparari vel adiuuari potest. Nam & pueri vulgò garriunt, cum gerendi aliquid habere aptitudinem naturalem, cui aptitudinis negatus est vsus. quod enim gressibile est, interdum gradi non potest, & qui bipes est natura, actu plerumque caret utroque pede vel altero: cura itaque non superfluit, sed naturam iuvat, faciliusque reddit quod tamen utcunque fortè fieri posset. Nam & Socrates, vt traditur, natura petulcus erat, & muliebrosus: (vt verbo vtar historiæ) naturæ tamen intemperantiam, castigatione philosophiæ, & virtutis exercitatione repressit, & domuit. Obtusioris ingenij tradunt fuisse Scaurum Rufum: sed sedulitate exercitij in id viriū euasisse, vt Ciceronem ipsum Allobroga nominaret. Si exemplis vtendum fuerit vndique fiet conspicuum, quia ne dilligentia inanis est, vbi est natura obtusior & nec abundat cura, vt potè superflua, & sic vt fuerit ad aliquid agendum natura benignior. Licet enim plerumque natura dominetur, & sit procliuior in alterutro; tamen, sicut facilè corrumpitur à negligentia, sic à culturâ, & à curâ sæpiusque mansuescit.

*Ingenio feret laudabile carmen, an arte.*

*Quæsitum est, ego nec studium sine diuite vena  
Nec rude quid possit video, ingenium: alterius, sic  
Altera possit opem, res: Et coniurat amice.*

Prodest utique natura, sed eatenus aut nunquam aut raro, ut sine studio culmen obtineat: nihil enim est tam validum, tam robustum, quod diligentia non eneruet, nihil tam erectum quod non deiiciat, sicut est contra quamlibet humilem gradum, cura diligens erigit, & conseruat. Ergo si natura propitia est, contemni non debet, sed excoli ut facile proficit: si aduersa, eò diligentiorum cultum exigit, ut ope virtutis, facilius & gloriosius inualescat.

## CAPITVLVM. IX.

*Quod homines nititur elingues facere, qui  
logicam impugnat.*

**Q**Uis autem ab ope naturæ hunc assecutus est titulum, ut sine studio in omnibus immo vel in vna linguarum eloquentissimus haberetur. utique si eloquentem esse, bonum est, & eloquentissimum, melius erit. Neque enim hic in contrarium boni, quod proponitur, comparationis gradus excrescunt. Quemadmodum in eo, qui disertus dicitur, aut disertior, cum positius sapientiæ sensum habeat, & eloquentiæ quantum excrescit comparatio tantum decrescit sapientia, & eloquii fluius inualescit. Sic enim nonnullis grammaticis placuit, sed & cet aliqua artium contingentium, & docentium virtutem, eloquij naturam attingant, illa

tamen quæ ad placitum fere est, naturaliter sciri non potest: quia nec naturalis est, non est enim eadem apud omnes. Quæ ergo id quod est homini præcipue debitum imprudenter sine hominis beneficio à natura exigitur: at hæc domus, non eloquentiam criminatur, quæ omnibus necessaria est, & commendatur ab omnibus sed artes, eam pollicentium, arguite esse inutiles. Eo itaque opinionis vergit intentio, vt non omnes mutos faciat, quod nec fieri potest, nec expedit sed vt de medio logicam tollat. Est enim fallax, vt autem professio verboforum, & quod multorum consumpsit ingenia, & non modo philosophiæ studiis præclusit viam, sed gerendis omnibus rationem & exitum interclusit.

## CAPITVLVM. X.

*Quid significet nomen logica, & quod omnes artes colende, nisi reprobata sint.*

**E**CCE propositi planior est intentio, & logicam aggreditur expugnare, quæ omnis philosophiæ semitas pari furore persequitur. Verùm tamen ab aliqua tærat inchoandum. Illam itaque præferri placuit, quæ cæteris notior, & huic hæresi familiarior videbatur. Congrediamur ergo, & quid censeatur nomine logicæ proferatur in medium. Est itaque logica, (vt nominis significatio latissimè pateat) loquendi vel disserendi ratio. Contrahitur enim interdum & duntaxat circa disserendi rationes vis nominis coarctatur. Siue itaque ratiocinandi vias doceat, siue

omnium sermonum regulam præbeat, profecto desipiunt, qui eam dicunt esse inutilē: cum utiūque ratione vanissima doceatur esse pernecessarium. Duplicitatem vero huius significationis, nomen, à Græca quidem origine contrahit, quoniam ibi, λόγος, nunc sermonem, nunc rationem significat. Sed ut quam latissimè protendatur significatio, ei, ad præsens, sermonum omnium magisterium tribuatur: ut nusquam vincatur esse inutilis, cum etiam secundum generalioremodum tota perutilis esse, & necessaria apparuerit. Si enim ut sæpe dictum est, necessarius, (quod nemo negat) est usus verbi quanto compendiosius docetur, tanto est doctrina utilior & certè fidelior. Stultum enim est in eo diutius cū labore & difficultate versari, quod aliter expediri facilè & cito potest. Solet hoc negligentibus evenire, & qui iacturam temporis, nullius putant esse momenti. Omnium itaque gerendorum artes amplectendæ sunt & colendæ, eo quidem studiosius quo ab optima parente natura originem ducunt, & nobilitatem generis, facili & fœlici gerendorum protestantur effectu. Gerendorum idcirco dixerim artes colendas, ad discretionem artium, quæ versantur in maleficijs: ut sunt sortilegorum, & cæteræ reprobatae mathescos: quæ quoniam ab officijs alienæ sunt, à toto hominum cœtu, rectè philosophantium, decreto, eliminari debent. sed de his latius dictum est in Polycratico.

## CAPITVLVM XI.

*Quid ars, & de speciebus ingeniorum & quod  
artibus excolenda sunt.*

**E**ST autem ars, ratio, quæ compendio sui naturaliter possibilem expedit facultatē. Neque enim impossibilem, ratio præstat, aut pollicetur effectum; sed eorum, quæ fieri possunt quasi quodam dispendioso naturæ circuitu compendiosū iter præbet, & parit, (vt ita dixerim) difficilem facultatem. Vnde & Græci eam *μὴ ὁδοῦ* dicunt, quasi compendiarium rationem quæ naturæ vitet dispendium, & anfractuosum eius circuitum dirigat, vt quod fieri expedit, rectius & facilius fiat. Natura enim, quamvis viuida, nisi erudiatur ad artis facilitatem non peruenit, artium tamen omnium parens est, eisque, quo proficiant, & perficiantur, dat nutriculum rationem. Excitat enim primo ingenium ad res aliquas percipiendas: & cum eas perceperit, deponit quasi in custodia & thesauro memoriæ, ratio quæ percepta, & cōmendāda vel cōmendata sunt studio diligenti examinat, & ex natura singulorū de singulis, (nisi fortè labatur, in aliquo), verum profert, incotuptumque iudicium. Hæc tria quidem, quasi omnium artium fundamenta, & instrumenta natura præmittit. Est autē ingeniū, (vt Isidoro placet) vis quædam animo naturaliter insita, per se valens. Hoc autem exprimere videtur ista descriptio, quod natura animo vim quandam indidit, quæ aut primitivus  
motus

motus animæ est, aut motū excitat primitivum, quem anima exercet in rerum investigatione. unde & per se dicitur, *Valens*, eò quod nullius præcedentis opem expectat, & omnes prævenit, & iuvat subsequentes. præcedit enim investigatio comprehensionem, examinationem, & custodiam omnium sciendorum. itaque proficitur à naturâ, studio iuvatur, & exercitio : ut quod difficile fuerat in prima agitatione, ab assiduitate usus reddatur facilius. & cū regulas, hoc faciendi deprehenderit, fiat, nisi desuetudinis & negligentia torpor obsistat, facillimum. & hæc quidem est omniū origo artium, ut cum natura periacēs, usum & exercitiū studij peperit, usus & exercitatio artem, ars autem, eam, de quâ nunc agitur facultatem. valet itaque per se ingenium, exercitatio, ex usu ab utroque memoria; & ab his etiam ipsa ratio conualescit, artesque producit. & hoc quidē pro capacitate ingeniorum. Horum autem tria sunt genera sicut Carnotensis senex Bernardus, frequenti colloquio, suis auditoribus tradere consuevit. Aliud enim aduolās aliud infimum, aliud mediocre est. Aduolans quidem eadem facilitate, qua percipit, recedit à perceptis nec in aliqua sede invenit requiem. Infimum autem sublimari non potest, ideoque perfectum nescit at mediocrē & quia habet in quo sedeat & quia sublimari potest, nec de profectu desperat, & philosophantis exercitio accommodissimū est & in hac quidem specie naturam, opinor artium fundamenta iecisse, usus enim, huius studio invalescit. est autem, (ut Ciceroni placet) studium, assidua & vehemens



animi applicatio ad aliquid agendum magna cum voluntate. Memoria verò quasi mentis arca firmaque & fidelis custodia perceptorum. Ratio eorum quæ sensibus, aut animo occurrunt examinatrix animi vis est, & fidelis arbitra potiorum quæ rerum similitudines dissimilitudinesque perpendens, tandem artem statuit, quasi quandam infinitorum finitam esse scientiam: Cum enim in à desinant nomina infinita, ea omnia fœminino definiuntur articulo: ijs exclusis, quæ certa suæ proprietatis assignatione distinxit. Species infinitæ sunt: sed hoc in eis finitum tradidit, vt cuicumque adest species, & genus. Numeri infiniti: omnem tamen parem vel imparem esse definiuit & vt quod dicitur, liquido comprobetur exemplo, Disceptionem primam casus intulit: vsûm disceptandi exercitatio auxit. disceptandi formam, quæ ars eius operis est, ratio deprehendit, ars culta contulit facultatem: & quia artium natura mater est, meritó in iniuriam parentis redundat contemptus earum: sedulo igitur ingenium, tam studij quam remissionis moderatione excollendum est: vt ab altero conualescat, ab altero confortetur vnde egregiè sapiens quidem (cui dicti habeo gratiam) ait, ingenium à natura proficiscitur, iuvatur vsu, immoderato labore retunditur, & temperato acuitur exercitio. si enim compositum fuerit, & legitimè exerceatur, non modo ad artium capacitatem sufficiet, sed ad res quodammodo naturaliter inaccessibiles, rectam & expeditam inueniet viam: & ad discendum aut

docendum quicquid oportet, aut expeditè fidelissimum erit.

CAPITVLVM. XII.

*Vnde artes dicantur liberales.*

**S**E D cum artium multa sint genera, ingenio philosophantis animi primæ omnium liberales occurrunt. hæc quidem omnes, aut Triuij, aut Quadriuij ratione clauduntur? & tantam dicunt obtinuissè efficaciam apud maiores, qui eis diligenter institerant, vt omnem aperirent lectionem, ad omnia intellectum erigerent, & omnium quæstionum, quæ probari possint, difficultatem sufficerent enodare, neque enim doctore egebant in aperiendis libris aut quæstionibus dissoluendis hij quibus aut ratio Triuij omnium sermonum, aut Quadriuij lex, totius naturæ secreta exponebat. Vnde sicut artes dictæ sunt, eò quod arctant regulis & præceptis vel à virtute quæ græcè ἀρετή dicitur & animos roborat ad percipiendas vias sapientiæ aut à ratione, cui alimenta & incrementa parant quæ à Græcis arto nominantur. sic & liberales dictæ sunt, vel ex eo, quod antiqui liberos suos iis procurebant institui, vel ab hoc quod quærunt hominis libertatē, vt curis liber sapientiæ vacet & sepius ab iis liberantur curis, quarum principium sapientia nō admittit. Necessarias quoque sæpe excludunt, vt agitationi mentis ad philosophiam sit expeditior via.

## CAPITVLVM. XIII.

*Vnde dicatur Grammatica.*

**H**ARVM autem omnium prima est logica. Hab ea tamen sui parte, quæ in prima sermonum institutione versatur, vt nomen logices, sicut iam dictum est, quàm latissimè pateat: & non modo ad differendi scientiam contrahatur, est enim Grammatica, scientia rectè loquendi scribendique & origo omnium liberalium disciplinarum eadem quoque est totius philosophiæ cunabulum, & (vt ita dixerim) totius literatorij studij altrix prima: quæ omnium nascentium de sinu naturæ teneritudinem excipit, nutrit infantiam, cuiusque gradus incrementa in philosophia provehit, & sedulitate maternâ, omnem philosophantis producit & custodit ætatem vnde à primis, tam scribendi quàm loquendi principijs grammatica appellatur. Grammatica enim, litera vel linea est, & inde literalis: eò quod literas doceat quo nomine, tam simplicium vocum figuræ, quàm elementa idest voces figurarum intelliguntur aut etiam linearis est, eò quod sicut in magnitudinis incremento, dimensio lineæ prima occurrit: & quasi quædam materia est superficei aut corporis. sic aspirantibus ad perfectum sapientiæ, disciplina hæc prima succurrit, quæ linguam erudit; & tam per aures, quam per oculos, vt sic procedat oratio, sapientiam

introducitur: verba enim per aurem intromissa, pulsant & excitant intellectum qui (vt ait Augustinus) quædam animæ manus est, rerum capax, & perceptibilis objectorum. Literæ autem idest figuræ primo vocum indices sunt, deinde rerum quas animæ, per oculorum fenestras opponunt & frequenter absentiū dicta, sine voce loquuntur. Tradit ergo prima elementa sermonis ars ista oculorum & aurium iudicium instruit, vt non facilius queat aliquis præter eam philosophari, quam inter philosophos eminere qui semper cæcus & surdus fuit.

## CAPITVLVM XIV.

*Quod ipsa & si naturalis non sit, naturam imitatur.*

**C**OETERVM cum hæc ad placitum sit, non à natura videtur esse profecta, siquidē naturalia eadem sunt apud omnes, hæc autem apud omnes non eadem est artium: verò matrem superius collectum est, esse naturam: sed licet hæc aliquatenus immo ex maxima parte ab hominum institutione processerit, naturam tamen imitatur & pro parte ab ipsa originem ducit ei que in omnibus, quantum potest, studet esse conformis, vnde & ad eius natum, vocalium numerum, apud omnes gentes, quantum ad elementa spectat, quinario inclusit. nam apud plerosque, figurarum numerus multiplicior est. *Teuredu* tamen noster, grammaticus scientiā quàm opinione potentior, etiam in sonis ele-

mentariis ampliorē numerum convincebat. Si enim attendantur vocum (vt ait) differentiæ septem sunt in ipsis quoque consonantibus, diuersas species semivocalium & mutarum, item simplicium dupliciumque, natura formauit: quarum differentiam patienter aduertit, si quis attendat ora, mirabili lege naturæ, modulatione voces & potestatem eorum subtili examinatione perpendat. Ipsa quoque nominum impositio, aliarumque dictionum etsi arbitrio humano processerit, naturæ quodammodo obnoxia est: quam pro modulo suo probabiliter imitatur. Homo enim ad exequendum diuinæ dispensationis effectum, & ad instituendum inter homines verbi commercium, rebus eis primo vocabula indidit, quæ præiacebant, naturæ manu formatæ & quas illa, vel ex quatuor elementis, vel ex materiâ & forma compegerat & distinxerat, vt rationali creaturæ possent sensibus obiiici, earumque diuersitas, sicut proprietatibus, sic & vocabulis insigniri. Inde ergo, (sicut Boëtius auctor est) contigit vt *hoc vocetur homo*, illud lignum, aliud verò lapis & sic substantiis omnibus, sua quasi impressa sunt nomina. Sed quoniam ipsarum multæ sunt differentiæ: aliæ quidem à quantitate, aliæ à qualitate, aliæ à variis accidentium formis: item aliæ ab his, quæ familiariora sunt, & ad esse conducunt: Idcirco quibus hoc designaretur nomina sunt inventa quæ possent adiici substantiuis, & eorum vim & naturam quodammodo depingerent: sicut præmissæ substantiarum differentiæ suis proprietatibus exprimentur. Sicut

enim accidentia substantiam vestiunt, & informant, sic quædam proportionem rationis, ab adiectiuis substantiva informantur & vt familiarius rationis institutio naturæ cohæreat, sicut substantia cuiusque rei, intentionis & remissionis ignara est, sic substantiva ad comparationis gradus non veniunt sed nec nomina differentiarum substantialium, licet adiectiva sint, eò quod substantiæ quandam iudicent qualitatem. Item nec illa comparantur, quæ adijciuntur substantijs à quantitate, eò quod ipsa quantitas, non suscipit magis & minus & in summa sicut solum accidens comparabile est, nec id tamen omne, sic sola adiectiva accidentium, nec ea tamen omnia comparantur. Nec in solis nominibus conspicua est hæc naturæ imitatio, sed in aliis omnibus orationis partibus, si diligentius attendatur pro eo quod substantia, quæ sensui aut rationi obiicitur, sine motu, quo agendo vel patiando aliquid temporaliter mouetur esse non potest, ideo ad designandos motus temporales agentis aut patientis excogitata sunt verba vnde quia motus non est sine tempore, nec verbum esse potuit sine temporis consignificatione & sicut motus is non semper vniformis est, sed, vt sic dicam, multicolor alio aliter vel alias agente vel patiente, ad exprimendas differentias eius ad modum nominum adiectivorum adverbia processerunt. Quid etiã quod verba quædam, aliquibus temporibus carent sicut meditatiua, & inchoatiua, præterito eo quod gerendorum deliberatio non statim completur, nec initia rerum, ad sui perfe-

34 IO. SARESBURIENSIS  
fectionem accedunt hoc nonne est expressum  
naturæ, apud humanam rationem vestigium.

## CAPITVLVM XV.

*Quod adiectiva secundæ impositionis, substan-  
tivis primæ non aptè copulantur, ut  
equus patronomicus.*

PROEEDAT ratio ad secundæ imposi-  
tionis originem, vbi, etsi non tam liquido, do-  
minantis tamen naturæ claret authoritas rebus  
itaque vt dictum est cum nomina primitus es-  
sent imposita, reuersus ad se animus imponen-  
tis, ipsis nominibus vocabula indidit per quæ  
sermonum doctrina procederet dum eorum  
adminiculo, alter, in mentem alterius suum  
traiceret intellectum. Ergo quod casualiter fle-  
ctitur, & temporis expers est, dictum est no-  
men substantiuum quidem, si substantiam si-  
gnificat, aut substantivè. Adiectivum, si for-  
maliter, vt sic dici liceat, id quod inest substantiæ  
vel aliquid ad imaginem eius. Quod autem mo-  
tum eius significat temporalem, (ita tamen vt  
temporaliter) verbum est appellatum. Activum  
quidem, si eum, vt in agente; passivum, si vt in  
patientie significat. Ad similitudinem itaque di-  
ctionum primæ impositionis, earum, quæ se-  
cundario processerunt, facta est institutio vt  
quemadmodum in illis, tam substantiuis, quàm  
adiectiuis, dicuntur quædam propria singulo-  
rum, alia plurium sunt suâ ratione communia;

ita quædam singulariter dicta, quædam accepta communiter inueniantur in istis. Quod enim nomen dicitur, aut enunciatio, ad substantiuorum accedit rationem. quod appellatiuum, aut categorica præmissis adnectuntur, adiectiuæ virtutis explet officium, quæ substantiuorum determinat qualitatem. Verumtamen, sicut in operibus naturæ subtilior est speculatio eorum quæ insunt, utpote simplicium, quam eorum, quæ compositio sensui ingerit, aut intellectui; sic in adiectiuis secundæ impositionis, si non adiiciantur his, quibus naturaliter addicta sunt quid significant, difficilius est intelligere, solidior est enim natura substantiæ quam verborum: & accidentia eius, quam eorum, sensui aut intellectui familiarius occurrunt. Adeo quidem, ut qui secundæ impositionis adiectiua, primæ institutionis substantiuis applicant, aut nihil omnino dicant, aut nugilo qui sint. Si enim *equus* dicatur *patronomicus* aut *hypothetici* *seculares*; iunctura incompetens est præpediente quidem rationem intelligendi principali significatione verborum; non aliquâ discohærentia accidentiū. Nam quod ad genus numerum, & casum attinet; substantiuo satis coheret adiectiuum. Sed principalia significata coniungere, non modo mentiri, sed etiam nugari est. Reus acyrologiæ Virgilius criminatur, dicēs *gramineo in cāpo* eo quod *graminoso in cāpo* dici oportuit & planè magis reus esset, & procul-dubio longè nugarior, si dixisset *in campo categorico*, vel *patronomico*. Dissoluit autem instantiam eorum, qui ex solis nituntur accidentibus, in similitudine cohæ-



rentibus sibi, quod non omnis consonans, vocali subiuncta, Syllabam facit. Siquidem I & V consonantes subiunctæ, non magis proficiunt ad Syllabam, quam adiectiua secundæ impositionis, primis substantiuis apposita, ad rectam & æquimodam locutionem. Constat equidem duo esse peccata loquentium; alterum mentientis; alterum transgredientis positam loquutionem. quod ad minus isti committunt. Primæ & secundæ personæ pronomina, verbis ineptè coniunguntur, nisi causa discretionis, aut significantiæ, licet sibi satis congruunt accidentia dictionum. Nugatoriæ autem dictionis rationem, non hic ita coarcto, vt idem frequenter dicere, intelligatur. vt si in substantiui, adiectiuum, quod in eo intelligitur, quis fortè adijciat quale est, *homo rationalis ambulat*; sed ad omnem dicendi formam extenditur, vbi dictionum iunctura inutilis, & quodammodo suæ legis implendæ inefficax est. Sed nec inutilis est iunctura licet falsi nota sit, & quod nunc explicat nunc involuit. Lex enim grammatices, mentiri non prohibet; sed si ea socientur, ex quibus nullus, linguæ peritiam habenti, provenit intellectus. Ex eo autem liquidius est quia primis, secundariorum competens non sit adiectio, quod si adiectiua æquipollenter in alia resoluantur, (vt si fortè reddatur pro nominibus definitio) appositionem æquipollentis termini nequaquam horrebit animus & ipsius adiectiui secundæ impositionis formidabit auditum. Verbi gratia *propositio predicatiua est*, hoc æquipollenter videtur asserere, quod simpliciter, id est, sine con-

ditione aliqua enuntiat, aut quod terminum habeat prædicatum. Dicatur ergo, *tunica est categorica*: hærebit intellectus, ob adiectionis incompetentiam, & fortè citius de inepta dictionum iunctura causabitur quam mendacij rerum arguat proponentem. Sin autem dicat, *tunica simpliciter* id est *sine conditione*, aliquid enuntiat, aut terminum habet prædicatum statim falsum arguet auditor, nec tamen citò prosiliet ad causandas iuncturæ ineptias. vtique cū dicitur propositio categorica intelligitur habens prædicatum terminum, & subiectum. Cum verò, *silogismus categoricus*; significatur, quoniam ex categoricis constat. *Equus categoricus*, quicquid significet, ignotum habeo: sed interim credo, quod nihil significat. Quod enim non inuenitur vsquam, esse puto nusquam. Similis quoque abusus, Si quis dicat *equus desinit in s.* & similia. Item; *Cato sedens inter ianiculam, & Kalendas Martias, vestes populi Romani quaternario, aut senione resarcit*, aut sermo non est, aut quouis sermone nugatorio corruptior. Huiusmodi sermo quidem *stichiologus*, dicitur, id est, *sermo inuersus*: eo quod aduersus loquendi leges coëunt verba. Nam *συχος* *versus* vnde *distichium*, duorum versuum carmen Cum super hoc articulo multos conferentes, & varia sentientes audierim, non pigebit referre nec fortè audire displicebit, quod à Græco interprete, & qui latinam linguam commodè nouerat, dum in Apulia morarer, accepi Nam & ipsi volo referre gratiam, & si non *utilitati*, (quæ tamen in his aliqua est.) saltem bonæ voluntatis, qua auditoribus prodesse cupie-

bat. Primus ergo huius sententiæ aut opinionis articulus est, quæ præmissi? quod adiectiuorum secundæ impositionis, & substantiuorum primæ, coniunctio etiam secundum grammaticæ rationes, inconsequens est. habet autem nescio quid latentis ἀφωπιας, id est *inconsonantie*: vel (vt Quintiliani verbo utar) ocacozugix id est *male coniunctionis*, hæc appositio quam etsi nequeamus tam facile perspicuis rationibus condemnare, per se tamen displicet Grammatico auditori. Talia quidem multa sunt, quæ statim offendunt, licet eorum improbatio, longius absit. Quod fortè in his euenit, quorum virtus aut vitium perspicuum est vt multum parcat hic Grammatica ἀκυρόλογια deprehendit & arguit. Illa enim non modo accidentium dissidentiam, in dictionum iunctura causatur: sed secundariæ inuentionis adiectionem, in substantiuus primæ, ducit absurdam. Et quidem ea ratione *absurda est*, quod ad iuncturam huiusmodi *animus obsurdescit*. Sed quis auditus rectè examinat ea, ad quæ surdus est. Nonne vox laissa est, quæ in aurem surdam effunditur. Quia ergo intellectus; sicut *anima manus*, ita quodammodo auris est. nihil omnino ad vocem concepit, cuius rei intelligentiam absurditas præclusit. Attamen absurdus interdum ducitur, cuius est, *pro tempore*, insolens & infrequens vsus. nec tamen vsque quaque absurdum est. sicut *mulier infirmis* malè quidem formata, non tamen omnino carens forma: & sicut in literis, quædam mutæ, non quod omnino nihil, sed quod aliarum respectu minimum sonent. Hæc autem adiectio, pœni-

tus quidem absurda est, non solum falso, aut malè sonans in aure audientis, falsa enim, non omnia absurda sunt: etsi ea veri examinatore reprobet, & repellat. *Absurda quoque dicuntur singula pro iudicio facultatum, quæ dictorum factorumve qualitatem examinant.* Grammatica enim, absurdam habet incompetentem iuncturam dictionum: sed ad examinandi veri iudiciū non adspirat: *Cæsar*, in libro de analogia Grammaticus quidem est, & *evitandum esse denuntiat, quicquid auditori perito potest esse absurdum, ut nautæ inquit, scopulum fugiunt, sic fugiendum est infrequens atque insolens verbum.* Dialectica autem, id dumtaxat acceptat, quod verum est, aut verisimile & quicquid ab his longius dissidet, ducit absurdum. Neque enim utilis aut honesti finem attendit, *civilis autem scientia, utilis ista metitur: versaturque in fine iusti, aut honesti: & quæ à iure bono & equo longius absunt, (vera aut falsa sint) æquè abhorret, palam erit hoc & in cæteris disciplinis.* Sed nunc græci interpretis nostri procedat explanatio, *homo est rationalis*, rebus, existentibus ut nunc sunt, hæc quodammodo necessaria est, *homo est risibilis*, hæc probabilis est: *homo est albus*, hæc quidem possibilis dubia tamen, eo quod æquè vera potest esse & falsa: *homo est rudibilis*, hæc quidem impossibilis est, ut omnino vera esse non possit.

Nullam istarum grammaticus abhorret: quia ubique invenit legem suam: Nihil istorum corrigit, nihil immutat: gratanter accipit omnia. Quartam corripit & redarguit logicus. eoque sibi veri falsique commissa est examinatio. Et

ob hoc quidem, ei præbere aurem, ducit absurdum. Modò præmissis quintam adice, homo categoricus est: hanc utique absurditatis damnat grammaticus: qui non modo dubiam non modo falsam, sed etiam impossibilem admittebat. Quare, inquit, nisi quia non sequitur leges suas, perpetuo, enim dicebat inhibitum, hæc adiectiua illis copulari subiectis.

## CAPITVLVM XVI.

*Quod adiectiua primæ, substantiuis primis iunguntur.*

**N**ON autem vicēuersā, adiectiua primæ impositionis, secundæ institutionis nominibus adiici, impossibile, aut inconsequens est. Natura enim copiosa est, & vbertatis suæ gratiam, humanæ indigentia facit. Inde ergo est, quod proprietas rerum, redundat in voces, dum ratio affectat sermones, rebus, de quibus loquitur, esse cognatos. Dicitur ergo durus sermo aut mollis: verbum asperum, aut leue, nomen dulce, aut amarum: cum hæc tamen propriè corporum, sint non sermonum, Inueniuntur & plurima in hunc modum, quorum nihil absonum est, aut falsi arguitur apud iudicem bonæ fidei, vel auditorem, licet enim fides rationalis creaturæ duntaxat virtus sit, sermo tamen fidelis dicitur, itemque fraudulentus: Etsi non in ipso, sed in homine esse fraudulentiam conuincatur. Solent enim naturalia, vt sic dixerim transferri nomina ad explendam indigentiam rationalium cum è contra, transsumptio ratio;

nalium , ad naturalia , in tam frequenti vſu nequaquam verſetur , ſit autem tranſlatio , nunc quidem neceſſitatis cauſa , nunc ornatus , ſed vt celebrè eſt apud eruditos : *que ornatus cauſa non fit , ab equiuocatione non eſt aliena.* Quorum ergo neceſſaria eſt tranſlatio , multis commodè applicantur , & pro modo eorum , quæ dicuntur accidentaliter prædicari , ſenſum plerumque mutant ad ſingula : nemo tamen coniunctionis incompetentiam reprehendit. Et licet improprius .i. tranſlationis ſenſus ſuæ dictionis .i. quem à prima inſtitutione ſic obtinente vſu ſæpè præualeat , ſi fortè ad domesticum redeant ſenſum , vtique aut nulla abſurditas eſt , aut non tanta , quantam arguimus , cùm adiectiua verborum eo trahuntur vt rerum ſignificent qualitatem. Ecce conuertibile in his ex vſu obtinet , quæ ſe prædicatione mutua circumſcribunt : vt inſpecie , & definitione , aut proprio.

Item *ſinitum & infinitum* , ad designandas eorum qualitates , nomini adiciuntur , & verbo ſed quoniam hæc à rebus ſumpta ſunt , nequaquam abſonum eſt , ſi velut à peregrinatione domum redeant , vt res aliqua conuertibilis , aut finita , dicatur , aut infinita. Similiter *vnuerſale & particulare* , licet in verbis eorum vigeat appellatio , quoniam à rebus mutuata ſunt , ( ſecundæ enim impoſitionis non ſunt ) poſſunt ſine abſurditate rerum nominibus adiectiue coniungi. Et quidem quæ à rebus ſumpta ſunt , ad res redire poſſunt. ſed quæ inuenta ſunt vt verborum indicent qualitatem , non ea commoditate , vel vſu , deuocantur , vt rerum indiçent

*honore vocabula, si volet usus: Quem penes arbitrium est, & ius & norma loquendi. Sicut enim in iure dicitur, quod consuetudo optima legum interpret est? sic & usus rectè loquentium, est potentissimus interpret regularum. vnde consequens arbitror: quia id quod nusquam scriptum legitur, nec alicubi à rectè loquentibus auditur, sed nec aliquid generis eius, aut pridem damnatum esse, aut certè nondum à grammaticis approbatum. sed nec primæ inuentionis nomina vniuersa, credo ad omnia commodè posse transferri. Et si ad usum transsumptionis sicut generaliora, ita cōmodiora sint. Sed quia frequens est, aliquid extra regulam inueniri, erit fortasse aliter, quā dictum sit, alicubi inueniri, sed quod propositum est, usus obtinet. Nam & ea vicissitudo, quæ rerum est ad sermones, sermonumque ad res, quæ sibi inuicem, quasi collatione mutua, suas proprietates attribuunt, translatiuis sermonibus, quam his, quos institutio secundaria promulgauit, frequentius explicatur. Regulæ enim vniuersitati fortasse, casus derogat. Sed nos usum loquimur. Hæc itaque translationis vis dum sermonibus, quod rerum est, & rebus quod sermonum est ascribit quandam loquendi parit indifferentiam, quæ sicut compendio sui, compositis ingeniis prodest, sic indiscreta confundit, & prostermit: eisque totius veritatis præcludit intelligentiam. Necesse enim est, ei, qui ad notitiam veritatis aspirat, vt composito perpēdat ingenio, quid velit dicere etiam qui balbutit. nam & is, sæpissimè verum dicit.*

## CAPITVLVM. XVII.

*Quod & in poeticâ naturam imitatur.*

**I**N aliis quoque naturam grammatica imitatur, præcepta enim poeticæ naturam morum patenter exprimunt. exiguntque vt artis opifex sequatur naturam. *format enim natura prius nos in-*  
*tus ad omnem fortunarum habitum ; iuuat, aut im-*  
*pellit ad iram, aut in humum merore graui deducit &*  
*angit.* Post effert animi motus interprete linguâ.  
 cò quidem hæc, vt à naturæ vestigiis poeta non recedat, sed habitu & gestu, item verbo, ei toto nisu studeat cohærere. *Si vis me flere, dolendum est primum ipsi tibi : Si gaudere prius gaudendum, alioquin malè si mandata loqueris. aut dormitabor, rut ridebo.* Ad hæc, non modò pedum aut temporum ibi ratio habenda est, sed ætatum, locorum, temporum aliorûque quæ, sigillatim referre, ad rem præsentem non attinet : cum omnia à naturæ officina proueniant. A deò quidem affidet poetica rebus naturalibus, vt eam plerique negauerint græmaticæ specië esse : asserentes eam esse artem per se, nec magis ad grammaticam, quam ad Rhetoricam pertinere, affinem tamen vtrique, cò quòd cum his habeat præcepta communia. Riuentur super hoc qui voluerint. Non enim hanc protendo litem, sed omnium pace, opinor vt sit hoc ad grammaticam referenda, tanquam ad matrem, & altricem studij sui, licet autem neutra illarum, omnino natu-



talis sit; & ex maxima parte substantiæ suæ, hominem, qui eas inuenit vtraque laudet auctorem, natura tamen aliquid iuris sibi vendicat, in vtraque profecto, aut poeticam grammatica obtinebit, aut poetica à numero liberalium disciplinarum eliminabitur.

## CAPITVLVM XVIII.

*Quid sequi doceat, & quid vitare grāmaticā.*

**T**RADITVM quidem est, *grammaticam esse rectè scribendi rectèque loquendi scientiam. Rectè*: quidem dicitur, vt vitium excludat, vt scilicet in scribendo sequatur orthographiam in loquendo, artis & vsus auctoritatem. In eo autem orthographia, id est, recta scriptura consistit, vt quæque litera suo ponatur loco, nec alterius vsurpet officium aut deferat. loqui autem, est articulata & literata voce suum interpretari intellectum. Nam quod dicitur, *nutu signisque loquuntur*, à sermone proprietatis recedit. Rectè quidem loqui, est solæcismi & barbarismi vitium in sermone declinare. Est autem *Barbarismus*, *Corruptio dictionis, non barbare, id est, quæ græca sit, aut latina.* Si enim Barbara dictione in nostro vtamur eloquio, non barbarismus, sed barbarolexis est. *Solæcismus* autem est, *Corruptio non quidem dictionis, sed constructionis*: cum aduersus legem construendi, incumpetenter verba iungantur. fit autem dupliciter: aut per partes ipsius orationis, aut per accidentia partium, per

partes quidem, vt si *alteram* quis ponat, pro *altera* puta, præpositionem pro aduerbio: vel è contra, aut si in eadem parte, genus vnum verborum, quis pro altero ponat. puta, secundæ intentionis, pro eo, quod primæ esse oportuit. per accidentia verò, vt per qualitates, genera casus, numeros, & figuras. Similiter & in metro metaplasmus reperitur, qui fit in vno verbo licentiùs vrgente metri lege. sicut & barbarismus, vnius dictionis est in soluto eloquio. Dicitur autē *metaplasmus*, quasi transformatio, vel deformatio eo quod, quasi à iure suo dictionem trāsformat, aut deformat. Sunt item Schemata, quæ *figura* interpretantur, in verbis, aut in sententiis. fiuntque per varias dictionum formas, ad eloquij venustatem. Ergo *Barbarismus*, & *Metaplasmas*, in verbis singulis deprehenduntur? solæcismus, & schemata, non in singulis, sed in plurium coniunctione fiunt. Cum autem tria sint, ars, vitium, & figura: notitiam singulorum necesse est habere grammaticum. Alioquin nec arte muniri, nec vitium declinare, nec venustates auctorum facile poterit imitari. Quod si eorū ignārus, rectè scribit, aut loquitur, peritiæ eius adscribendum nō est; eò quod casus, agit virtutis opus. Ars itaq. est quasi *strata publica*, quā ire, ambulare, & agere, sine calumnia, & concussione omnibus ius est. Vitiū est omnibus deuium, vt qui in eo, iter, actū ve exercet, aut præcipitiū subeat, aut calumniam & concussione interpellantium patiat. Figura verò, medium tenet locum: & dum aliquatenus recedit ab vtroque, nō cadit in altervtrius rationem. Omnes itaque sequuntur artem, quia

precipitur : declinant vitium , quia prohibetur  
 sed nonnulli figuris vtuntur , quia permittitur.  
 Nam inter vitia , *Barbarismum* , scilicet , & *solæcismum* , & artem , quæ virtus eloquij est , & norma ,  
 figuræ & scemata sunt. *Metaplasmus* scilicet , si  
 ratione peccetur in verbo : *scema* , si ex causa probabili delictum sit in contextu verborum. Est  
 enim teste Isidoro , figura *Vitium cum ratōe* , ideoque  
 solis auctoribus , auctōrumque similibus  
 viris scilicet eruditissimis , qui dicendorum tacendorumque nouerunt rationes , hæc licentia  
 indulgetur. *magnis* , vt ait Cicero , & *diuinis bonis*  
*hanc licentiam assequeuti sunt & assequuntur* . Non  
 est leuis auctoritas personarum : omnia dicta , vel  
 facta laudem afferunt , vel crimina auferunt quæ  
 frustra affectat , nisi qui se in magnis bonis inimitabilem prebet , profecto hæc aliarum virtutum ,  
 autoritas meruit , vt hoc vitia maiorum , dulcia  
 sint & grata posteris , vnde in *secundo de ordine* ,  
*Augustinus* , *solæcismos & Barbarismos* , quos vocant ,  
 poetæ , & quos adamauerunt , scemata & metaplasmos , mutatis maluerunt appellare nominibus ,  
 quam manifesta vitia declinare . Detrahe  
 tamen ista carminibus suauissima condimenta ,  
 desiderabo . *Transfer* in liberam forensemque  
 dictionem : quis non eam fugere , atque in theatra  
 se condere iubebit ? congere multa in vnum locum ,  
 totum arte , putidum rancidum fastidibo .  
 Ergo moderator rerum ordo , ea nec vbilibet ,  
 nec nusquam , esse patietur quibus interpositis ,  
 alias iacens & *vilis* erigitur & illustratur oratio ,  
*Hæc ille* vt à præcepta constet autoritate , quàm  
 necessaria sit noticia eorum , quæ doctioribus

concessa , omnem ferè latitudinem occupant scripturarum , vt qui propriè & figuratè dicta itemque vitiosa , non differint , raro fidelem, nunquam verò facilem eorum, quæ scripta sunt, intelligentiam assequatur.

## CAPITVLVM. XIX.

*Quid sequi doceat , & quid vitare Gram-  
matica.*

**D**I S P O N I T & tropos; id est *modos loquutio-  
num*, vt cum à propria significatione ex  
causa probabili, sermo ad non propriam trahi-  
tur significationem. qualis est *Metaphora*, *Meto-  
nimia*, & *Synechdoche*, & similes, quas enume-  
rare, longum est. Sed & hij ad modum Schema-  
tum priuilegiati sunt, & solis eruditissimis patet,  
ysus eorum , vnde & lex eorum , arctior est, quàm  
non permittuntur longius euagari. Regulariter  
enim proditum est, quia figuras extendere non  
licet. Si quis etiam in translationibus & figuris  
authorum studiosius imitator est, caueat ne sit  
dura translatione figura inculta. *Virtus enim ser-  
monis optima est perspicuitas , & facilitas intelligendi.*  
Et Schematum causa est , *necessitas aut ornatus.* Nā  
sermo institutus est, vt explicet intellectum : &  
figuræ admissæ, vt quod in eis ab arte dissidet,  
aliqua cōmoditate compensēt. Horum autem  
maximè necessaria est cognitio, quia in omnibus  
quæ præpeditant intellectum, tria solent præ cæ-  
teris, accusari. hæc autem sunt *schemata* adiun-  
ctis tropis oratorum , *sophismata* quæ fallacia-

rum nube obducunt animos auditorum, & rationum diuersitas, quæ præiacet in animo dicentis, & rectam intelligentiæ cognita parat viam. Siquidem vt Hilarius ait, *intelligentia sumenda est, ex causis dicendi*. alioquin etiam in scripturis canonicis rixabuntur patres, sibi que erunt etiam Euangelistæ contrarij: si iudex insulsus, ad solam dictorum superficiem, & non ad dicentium mentes aspiciat. hoc itaque peruersi ingenij est, & suum aspernantis profectum. Nonne Salomon, non modo in eodem libro, & in eadem pagina, sed etiam continuis versibus, dicit *No respondeas stulto secundum stultitiam suam, ne efficiaris ei similis, & responde stulto secundum stultitiam suam, ne sibi sapiens videatur*. Itaque regulæ sciendæ sunt, vt ad illas constet, quid in sermone rectum sit, quid enorme; quia nisi ad regulam, praua non corriges, nulloque studio ignotum præcipitium declinabis. At in regulis, vix aliquid vtilius, aut compendiosius dixerim ea parte artium quæ dū figuras notat authorum, virtutes & vitia sermonum luculenter ostendit. Vnde miror quare tantopere à coëthaneis nostris negligitur: cum vtilissima sit, & compendiosissima: & ferè ab omnibus scriptoribus huius artis diligentissime pertractata. Donatus, Seruius, Priscianus, Isidorus, Cassiodorus, Bæda noster, & alij quam plures, eam, singuli tractant. vt nisi ex negligentia, ignota esse non possit. Quintilianus quoque dum hanc tradit, & tantis effert præconiis & sine hæc nec nomen professionis dicat constare Grammatico, & frustra ad artis peritiam aspirare. Verborum autem significatio diligentius excutienda est, & quid

sermo quilibet in se, quid ab adiunctis in contextu, possit, Solertius perscrutandum, ut sophismatum umbras, quæ verum obnubilant, discutere possit. Dicendi autem ratio pensanda est, ex circumstantia dictorum, ex qualitate personæ, ex qualitate auditorum, ex loco & tempore, aliisque vario modo, apud diligentem exploratorem considerandis. Si quis autem his diligenter institerit, quæ aduersus tria intellectus repagula proposita sunt: profectum suum in scriptis & dictis intelligendis, & ipse mirabitur & aliis venerabilis apparebit.

## CAPITVLVM XX.

*Quod figurarum perutilis est cognitio.*

**V**ERSATUR & circa alia grammaticæ studium & non modo literarum, syllabarum, dictionumque naturam considerat, sed pedes in metris, accentus in syllabis, attendit. sed & figuras accentuum ut scias cui syllabæ grauis, accutus, aut circumflexus accētus innitatur. sensus quoque distinguit posituris, id est, figuris indicantibus ubi colon, ubi comma, ubi periodus, id est, ubi subdistinctio, aut mediadistinctio, aut distinctio facienda est. Quod quidem significantius interpretari possimus, ut sit colon membrum, coma articulus, periodus circuitus, qui sermonis sententiam claudit. Sed quidam ut Patentius sit, dicunt, (an rectè viderint ipsi,) colon esse ubi vulgariter punctum dicimus, aut quendam spi-

ritus tractum : *conima*, vbi quasi diuisione media partimur versum; periodum, quæ sermonis cum integritate concludit. Sunt & notæ, quæ scripturarum distinguunt modos: vt deprehendatur, quid in eis lucidum, quid obscurum, quid certum, quid dubium & in hunc modum, plurima. Pars hæc tamē artis iā ex maxima parte in desuetudine abiit adeo quidem, vt studiosissimi literarum merito querantur, & ferè lugeāt, rem vtilissimā, & tam ad res retinendas, quam intelligēdas, efficacissimam, maiorum nostrorum inuidia aut negligentia, artem dico deperisse notariam. nec miretur quis, tantam vim fuisse in notulis: cum & Musici cantores, paucis charecteribus, multas acutarum, & grauium differentias, indicent vocum. Et ob hoc quidem, charecteres illos musicæ claues dicunt. Si tamen tanta scientiæ clauis fuit in notulis, mirum est nostros, licet plura scierint, non agnouisse maiores, aut tantæ scientiæ perditas esse claues. Seneca se artem comparandæ memoriæ traditurum facillimè pollicetur: & vtinam innotuisset mihi, sed quod eam tradiderit, omnino non recolo. Tullius in Rhetoricis operam dedisse visus est. Sed similibus mei multum non prodest. Exstant autem, quæ discere vix sufficimus. Sed minus curamus. proficeret tamen plurimum regulæ analogiarū, etymologiarum, glossematum, differentiarum: & quæ Barbarismi, Solæcismi, aliorumque vitandorum vitia monstrant: metaplasim, scematumque, & troporum licentiosas & ornatas edocent rationes: profas aperiūt, metrorū leges educunt, & exponūt, causas & quæ ratione vti oport-

teat in historiis aut narrationibus fabulosis. Si quis istorum definitiones, figurasque desiderat, superiorum, grammaticorum libros euoluat, quos si vniuersos ad manum habere non potest, exploret quid scitu dignum carpat à singulis, quia, etsi *non omnis ad omnia, quisque utilis inuenitur* ad multa Isidorus tamen, & satis communis est & diligenti breuitate laudabilis, & si totus haberi non potest, ad instructionem legendorum, plurimum confert ipsius memoriter vel hanc tenuisse particulam.

## CAPITVLVM. XXI.

*In quibus Grammaticum oporteat occupari.*

**P**A T E T ex his, non circa vnum, grammaticā occupari: sed ad omnia, quæ verbo doceri possunt, vt eorum capax sit animum præformare vnde quantum ei omnes aliæ disciplinæ obnoxix sint, quisque consideret. Ad laudem suam referendum putant quidam nostrorum, quod sine grammatica garriunt, eamque credunt inutilem, & palam culpant, gloriantes se ei operam non dedisse. at Marcus Tullius non ode- rat filium, à quo in epistolis sicut apparet, grammaticam instantissimè exigebat. Caius Cæsar de analogia libros edidit: scitus sine ea, neque ad philosophiam, (in qua peritissimus erat) nec ad eloquentiam, (in qua potentissimus,) posse quempiam peruenire. Quintilianus eam commendat adeo, vt dicat, *quia vsus grammatices &*



*- amor lectionis, nō scholarum temporibus, sed vitæ spatio terminetur.* Nam & intelligere docet, & dicere: accentus regit, & ipsius vocis, qua utimur prout personis & rebus convenit, vsquequaque instrumenta componit. Nam & pronuntiationis lex, alia metro, alia prosæ prescribitur. Siquidē alia metica, alia metrica, alia significatiua est. sed ad musicam metica pertinet. Vnde & Cæsar pretextatus egregio scommate lusit in quendam *Si legis cantas; si cantas male cantas.* Eò spectat quod *Martianus* in nuptiis Mercurij & Philologiz, Grammaticam ducit cum scalpro, & ferula, & vnguentaria pixide medicorum. Scalpro siquidem, oris vitia purgat, & infantium linguas, qui ad artem philosophiæ, Ea prælactante, cibante, & ducente ituri sunt, radit, dum crudit: & ne barbarismo, aut solæcismo balbutiant in sermone performat: peccantes autem castigat ferula; & vnguento honestatis, & vtilitatis, quæ ex ea provenit, patientium mitigat penam. Manum quoque ad rectè scribendum reddit idoneam. acuit & visum; vt ei paties literæ, dentiores, aut velum multipliciter elaboratum, obstare non possit. Aperit aures: & tam grauib, quam acutis; imo & cunctis vocibus, reddit accommodas. Si ergo tantum vtilitatis præstat, & clavis est omnium scripturarum, & totius sermonis mater & arbitra, quis eam à philosophiæ liminibus arcebit, nisi qui intelligentiam eorum quæ dicuntur, aut scripta sunt, ad philosophandum credit esse superfluum. Vtique qui eam abiiciūt, aut contemnunt cæcos & surdos philosophicis studiis faciunt aptiores, quam eos, qui-

54 I O. SARRSBERIENSIS  
bus naturæ gratia, integri sensus vigorem con-  
tulit, & conseruat.

CAPITVLVM. XXII.

*Quantis viris placuerit, & quod sine ea non  
magis quis philosophari potest, quam si  
sit surdus aut mutus.*

**M**AGNO tamen se Cornificius tuetur iu-  
dice, & erroris sui *Senecam* laudat aucto-  
rem. Qui quidem duabus de causis, merito à  
pluribus commendatur, Multus enim est in lau-  
de virtutis, morumque doctrina, & cōmatico  
genere dicendi vtens, quod breuiter & succinctè,  
sententias colligit, ornatu verborum splendet, vt  
eis displicere non possit, qui aut virtutem amāt,  
aut eloquentiam. Nam vt, pace Quintiliani lo-  
quar, (qui sic hominis ingenium laudat, vt iu-  
diciū culpet, dicitque cum dulcibus vitiis  
abundasse, & magis placuisse pueris quàm eru-  
ditis, & summas rerum minutissimis sententiis  
frangere vnde libri eius ab vno imperatorum  
appellati sunt, arena sine calce) nullus inter gen-  
tiles ethicus inuenitur, aut rarus, cuius verbis aut  
sententiis in omni negotio commodiùs vti pos-  
sis. Ad omnia enim, suum aliquid confert. Sentit  
hic, quod disciplinæ liberales, virum bonum  
non faciunt. Ego ei consentio: & de aliis hoc  
ipsum arbitror. Scientia enim inflat, sed charitas  
sola, virum facit bonum. Deprimit artes: sed ta-  
men à philosophia non reijcit. neque enim soli

philosophi boni viri sunt. *grammaticus, inquit, circa curam sermonis versatur, ut & longius enagetur, circa historias. Ut longissimè procedat, circa carmina. hoc autem parum non est, sed plurimum prodest ad informationem virtutis quæ facit virum bonū. Gloriatur Horatius, se, virtutis causa, re-legisse Homerum; qui quid sit pulchrum, quid turpe, quid utile quid non pulchrius & melius Crispino & Can-sore dicit. Poetas, philosophorum cunas esse, ce-lebre est. Disciplinas libærales tantæ utilitatis esse tradit antiquitas, ut quicumque eas plenè norint, libros omnes & quæcūque scripta sunt, possint intelligere etiam sine doctore. Ut enim ait Quintilianus, non nocent hæ disculpina per, illas euntibus, sed circa illas hærentibus.*

CAPITVLVM XXIII.

*Quod auctoritate Seneca suum tueatur errorem.*

**P**RÆCIPVA autem sunt ad totius philoso-phix & virtutis exercitium, lectio, doctrina, meditatio, & assiduitas operis, *Lectio* verò scrip-torum præiacentem habet materiam. *doctrina* & scriptis plerumque incumbit, & interdum ad non scripta progreditur, quæ tamen in arcanis memoriæ reconditæ sunt; aut in præsentis rei in-telligentia eminet. At meditatio etiam ad igno-ta protenditur, & vsque ad incomprehensibilia sæpe se ipsam erigit: & tam manifesta rerum, quàm abdita, rimatur. Quartum, operis scilicet; *assiduitas* & si à præexistente cognitione formetur

scientiamque desideret, vias tamen parat intelligentiæ: eo quod intellectus bonus est omnibus facientibus eum. Et præcones veritatis ut scriptum est, *Annunciaverunt opera Dei, & facta eius intellexerunt.* Cæterum operationem cultumque virtutis, scientia naturaliter precedit, neque enim virtus currit in incertum, aut in pugna; quam exercet cum vitiis, aerem verberat, *sed videt quò tendit & in quod dirigit arcum. Nec passim cornus sequitur testoque lutoque.* At lectio, doctrina, & meditatio, scientiam pariunt. unde constat quod Grammatica, quæ istorum fundamentum est & radix, quodammodo sementem iacet quasi in sulcis naturæ, gratia tamen præunte: quæ si ei cooperatrix quoque gratia affuerit in solidæ virtutis robur coalescit & crescit multipliciter, ut boni operis fructum faciat, unde boni viri & nominantur, & sunt, sola tamen gratia quæ & velle bonum & perficere operatur, virum bonum facit, & præ cæteris omnibus rectè scribendi & rectè loquendi, quibus datum est, facultatem impertitur, artesque ministrat varias & cum se indigentibus benignè effert, contemni non debet. Si enim contemnitur, iustè recedit, nec contemptori relinquitur conquæstionis locus.

## CAPITVLVM XXIV.

*Quæ præcipua sunt ad exercitium philosophiæ  
& virtutis, & quod grammatica est eo-  
rum fundamentum.*

**Q**VI ergo ad philosophiam aspirat, apprehendat lectionem, doctrinam, & meditationem, cum exercitio boni operis, nequando irascatur dominus, & quod videbatur habere, auferatur ab eo. Sed quia legendi verbum, æquivocum est, tam ad docentis & discantis exercitium, quam ad occupationem per se scrutantis scripturas. Alterum, id est, quod inter doctorem & discipulum communicatur, (ut verbo utamur Quintiliani) dicatur prolexio, Alterum quod ad scrutinium meditantis accedit, lectio simpliciter appelletur. Ergo ab auctoritate eiusdem Quintiliani, in prælegendo, Grammaticus & illa quidem minora præstare debebit, ut partes orationis reddi sibi soluto versu desideret: & pedum proprietates quæ debent in carminibus notæ esse deprehendat quæ barbara, quæ impropria, aut aliàs contra legem loquendi composita. Non tamen ut poëtas improbet, quibus ob metri necessitatem adeo ignoscitur, ut vitia virtutum nomine censeantur, laudem enim virtutis plerumque occupat necessitatis improbitas, cui sine dispendio negari non potest assensus.

Metaplasnum, schematismumque & oratorios tropos multipliciter dictionum cum af-

fuerint, & diuersus sic vel sic dicen di rationes, ostendat: & crebris commonitionibus agat in memoriam auditorum, auctores excutiat, & sine intuentium risu eos plumis spoliet, quasi (admodum corniculæ) ex variis disciplinis; vt color aptior sit, suis operibus indiderunt. Quantum pluribus disciplinis & abundantius quisque imbutus fuerit, tanto elegantiam auctorum plenius intnebitur, planiusque docebit. Illi enim per diacrisim quam nos illustrationem, siue picturationē possumus appellare, cum rudem materiam historiarum, aut argumenti, aut fabularum, aliamve quamlibet suscepissent, eam tanta disciplinarum copia, & tanta compositionis & condimenti gratia excolebant, vt opus consummatum, omnium artium quodammodo videtur imago. Siquidem Grammatica, poeticaque se totas infundunt, & eius, quod exponitur, totam superficiem occupant. huic, vt dici solet, *campo, logica*, probandi colores afferens, suas immittit rationes, in fulgore auri: & rhetorica in locis persuasionum & nitore eloquij, candorem argenteum æmulatur. Mathematica, quadruij sui rotis vertitur, aliarumque vestigiis insistens, colores, & venustates suas multiplici varietate contextit. Physica exploratis naturæ consilijs, de promptuario suo affert multiplicem colorum venustatem. Illa autem quæ cæteris philosophiæ partibus præeminet, Ethicam dico, sine qua nec philosophi subsistit nomen collati decoris gratia omnes alias antecedit. Excute Virgilium, aut Lucanum, & ibi, cuiuscunque philosophiæ professor sis, eiusdem iuuenies condituram

turam. Ergo pro capacitate discantis, aut docentis industria, & diligentia, constat fructus prælectionis auctorum. Sequebatur hunc morem Bernardus Carnotensis exundantissimus modernis temporibus fons literarum in Gallia, & in authorum lectione quid simplex esset, & ad imaginem regulæ positum, ostendebat. figuras grammaticæ, colores rhetoricos cauillationes sophismatum & qua parte sui, propositæ lectionis articulus, respiciebat alias disciplinas, proponebat in medio: ita tamen, vt non in singulis vniuersa doceret, sed pro capacitate audientium, dispensaret eis in tempore, doctrinæ mensuram. Et quia splendor orationis, aut à *proprietas* est; id est cum adiectiuum aut verbum, substantiuo eleganter adiungitur; aut à *translatione*, id est, vbi sermo ex causa, probabili, ad alienam traducitur significationem: hæc sumpta occasione inculcabat mētibus auditorum. Et quoniam memoria exercitio firmatur, ingeniumque acuitur ad imitandum ea, quæ audiebant, alios admonitionibus, alios flagellis & penis vrgebat. Cogebantur exsoluere singuli, die sequenti aliquid eorum, quæ præcedenti audierant: alij plus, alij minus. erat enim apud eos præcedētis discipulus sequens dies. Vespertinum exercitium, quod declinatio dicebatur tanta copiositate grāmaticæ refertum erat, vt si quis in eo per annum integrum versaretur, rationem loquendi & scribendi, si non esset hebetior, haberet ad manum, & significationem sermonum, qui in communi vsu versantur, ignorare non posset. Sed quia nec scholam, nec diem aliquam, decet, esse

religionis expertem, ea proponebatur materia, quæ fidem ædificaret, & mores: & vnde qui convenerant, quasi collatione quadam, animarentur ad bonum. Nouissimus autem huius declinationis, inmo philosophicæ collationis, articulus, pietatis vestigia præferebat: & animas defunctorum commendabat, devota oblatione psalmi, qui, in penitentialibus, sextus est, & in oratione Dominica, Redemptori suo. Quibus autem indicebantur præexercitamina puerorum, in prosis, aut pœmatibus imitandis, poëtas, aut oratores proponebat, & eorum iubebat vestigia imitari, ostendens iuncturas dictionum & elegantes sermonum clausulas. Si quis autem, ad splendorem sui operis, alienum pannum alluerat, deprehensum redarguebat furtum: sed pœnam sæpissimè non infligebat. Sic verò redargutum, si hoc tamen meruerat inepta positio, ad exprimendam auctorum imaginem, modestâ indulgentiâ, conscendere iubebat, faciebatque, ut qui maiores imitabatur, fieret posteris imitandus. Id quoque inter prima rudimenta docebat, & infligebat animis, quæ in œconomia virtus, quæ in decore rerum, quæ in verbis, laudanda sunt: vbi tenuitas, & quasi macies sermonis, vbi copia probabilis, vbi excedens, vbi omnium modus. Historias, pœmata, percurrenda monebat, diligenter quidem, & qui velut nullis calcaribus vrgebantur ad fugam: & ex singulis, aliquid reconditum in memoria diurnum debitum, diligenti instantia exigebat. Superflua tamen fugienda dicebat; & ea sufficere, quæ à claris authoribus scripta sunt: siquidem



persequi quid quis unquam contemptissimorum hominum dixerit, aut nimia miseria, aut inanis iactantia est, & detinet, atque obruit ingenia, melius alius vacatura: quod autem melius tollit, eo usque non prodest, quod nec boni censetur nomine: omnes enim schedas excutere, & voluere scripturas, etiam lectione indignas, non magis ad rem pertinet, quam anilibus fabulis, operâ dare. Vt enim ait August. in lib. de ordine. *Quis ferat imperitum. Videri hominem, qui volasse Dedalum non audierit: mendacem illum, qui dixerit: stultum, qui crediderit, impudentem, qui interrogauerit, non videri: aut in quo nostros familiares grauius miserari soleo, qui si non responderint quid vocata sit mater Euriali, accusantur infamia: cum ipsi eos, à quibus interrogantur, vanos, ineptos, & curiosos, non audeant appellare: hæc quidem ille, eleganter, & verè. Vnde inter virtutes grammatici merito reputatum est ab antiquis, aliqua ignorare.* Et quia in toto præexercitamine erudiendorum, nihil vtilius est, quam ei, quod fieri ex arte oportet, assuescere, profas, & pœmata quotidie scriptitabant, & se mutuis exercebant collationibus, quo quidem exercitio, nihil vtilius ad eloquentiam, nihil expeditius ad scientiam, & plurimum confert ad vitam. si tamen hanc sedulitatem regit caritas, si in profectu literario seruetur humilitas. Non est enim eiusdem hominis, literis & carnalibus vitis inservire. ad huius magistri formam præceptores mei in grammatica, Gulielmus de Conchis, & Richardus, cognomento Episcopus, officio nunc Archidiaconus Constantiensis, vita & conversatione vir bonus, suos discipulos aliquandiu informaverunt. Sed postmodum, ex quo

opinio veritati præiudicium fecit, & homines videri, quàm esse philosophi maluerunt, professoresque artium, se, totam philosophiam brevius, quàm triennio, aut biennio, transfusuros auditoribus pollicebantur, impetu multitudinis imperitæ victi, cesserunt. Ex inde autem, minus temporis, & dilligentia, in grammaticæ studio impersum est. Ex quo contigit, vt qui omnes artes, tam liberales quàm mechanicas, profitentur, nec primam nouerint: sine qua, frustra quis progredietur ad reliquas. Licet autē & aliæ disciplinæ, ad literaturam proficiant, hæc tamen priuilegio singulari facere dicitur *literatum*. Siquidem Romulus eam literaturam, Varro verò literationem appellat. & professor eius, siue assertor, dicitur literatus. antiquitùs tamen, vocabatur *literator* iuxta illud Catulli; *Munus dat tibi Silla literator*. vnde probabile est, quod contemptor grammaticæ, non modo literator non est, sed nec literatus dici debet.

## CAPITVLVM. XXV.

*De vsu legendi & prælegendi & consuetudine  
Bernardi Carnotensis & sequacium eius.*

**S**ED quia isti hesterni pueri, magistri hodierni, heri vapulantes in ferula, hodie stolti docentes in cathedra, ex ignorantia aliarum, arguunt grammaticam commendari, quid de laude eius inueniatur, in libro de institutione oratoris, audiant patienter & si placet in nocētibus

grāmaticis parcant. Ait ergo: Ne quis tanquā parua fastidias grammatica elementa; Non quia magna sit opera discernere à vocalibus consonantes, easque ipsas, in semivocalium numerum, mutarumque partiri, sed quia interiora, uelut sacri huius aduentibus, apparebit rerum multa subtilitas, quæ non modo acuerè ingenia puerilia, sed exercere altissimam quoque eruditionem, ac scientiam, possit. Quo minus ferendi sunt, qui hanc artem, ut tenuem, atque ieiuniam, cauillantur. Quæ, nisi oratoris futuri fundamenta fideliter ieceris, quicquid superstruxeris, corruet. hac est igitur liberalium artium prima, necessaria pueris, iocunda senibus dulcis secretorum comes; Et quæ sola, in omni studiorum genere, plus habeat operis, quàm ostentationis.



# INCIPIT LIBER SECUNDVS.

**S**UPERIORIS libri serie, satis arbitror expeditum, grammaticam non esse inutilem. & quod sine illâ, non modò eloquentia perfecta non cōstat, sed nec ad alias philosophiæ professiones, eo tendentibus, aliqua patet via. pro eâ quoque mitius interpretandum est. eò quod non modo naturæ obnoxia subiaceret, sed voluntati hominum adquiescit. Nam & leges ciuium, ab humana constitutione plerumque vigorem sumunt: & quod publicæ vtilitati creditur expedire, naturali iustitiæ cōquatur. Nondum tamen absoluta est Logica, quoniam etsi mutilus sit, sed amplius mutilandus Cornificius, parietem solidum, cœcati more palpans, impudenter attemptat: & impudentius criminatur. vti-que veritatis amatori non placent iurgia, & vltro, ne dum spontè, se subtrahit contentioni quisquis amplectitur caritatem. Sit aut non sit grammatica pars logices: non contendo: constat enim, quod in sermonibus vertitur, eosque ministraret & si non omnes sermonum examinet rationes. Tu verò cui de re constat, de nomine

iudicabis: eamque cunctis applicabis sermonibus: aut circa rationum duntaxat instantiam coarctabis. Non formido iudicium, qui & de æquitate causæ & indicis peritia, & sinceritate, confido. Respiciamus ergo an *rationalis*, utilis sit & vires eius, reluctante æmulo metiamur. in quo quidem, tanto minus laboris, meo incumbit officio, quanto fauorem sumam etiam citra persuasionem, facilius impendit auditor. Omnes enim se esse logicos gloriantur, non modo qui sciētiam aliquibus *subarrauerunt* blanditijs, sed & illi, qui eam nondum salutauerunt à limine.

CAPITVLVM. I.

*Quod logica, eo quod verum querit, ad totam proficit philosophiam.*

**V**ritaque nominis significatio contrahatur. logica est ratio differendi, per quam totius prudentiæ agitatio solidatur. Cum enim omnium experibilibum prima sit sapientia, ipsiusque fructus in amore boni & virtutum cultu consistat, mentem, necesse est in illius investigatione versari, & res, plena inquisitione, discutere. vt ei de singulis esse possit purum incorruptumque iudicium. Cōstat ergo exercitatio eius in scrutinio veritatis, quæ sicut Cic. in lib. de officijs auctor est, materia est virtutis primitivæ, quàm prudentiam vocant, reliquis enim tribus utilitates, necessitatesque, subiectæ sunt. prudentia ve-

rò tota cōsistit in perspicientia veri, & quadam  
 solertia illud examinandi : porro iustitia illud  
 amplectitur : fortitudo tuetur : temperantia ,  
 virtutum præcedentium exercitia mēderatur.  
 vnde libet prudentiam , virtutum omnium esse  
 radicem, quæ si præcidatur, ceteræ, velut rami,  
 naturæ beneficio destitutis, marcida quadam ari-  
 ditate evanescent. Quis enim amplectetur aut  
 colet, quod ignorat. at veritas, materia est pru-  
 dentia, & virtutum fons : quam, qui plene no-  
 uerit, sapiens est, qui amauerit, bonus, & bea-  
 tus qui tenuerit eam. vnde nostrorum doctissi-  
 mus Poëta tum, vitæ beatæ monstrans originē,  
 ait, *Felix qui potuit rerum cognoscere causas : atque  
 metus omnes, & inextinguibile fatum, subiecit pedibus,  
 strepitumque Acherontis avari.* Et alius fide & no-  
 titia veritatis præstantior, *Felix qui potuit boni  
 fontem videre lucidum : felix qui potuit grauis terreo  
 soluere vincula :* ac si aliis verbis dicant, sed eodem  
 sensu : *felix cui rerum collata est intelligentia.* quia  
 quo familiarius fluida, & ad momentum tran-  
 sientia, innotescunt, eò amplius, apud men-  
 tem sui compotem, pericula vilescunt. Nec iu-  
 go premitur viciorum, quem, de seruitute, ve-  
 ritas in libertatem vindicat, & educit. *Impossi-  
 bile enim, est, ut diligat, & colat Vanitatem ; quisquæ  
 ex toto corde quarit, & amplectitur Veritatem.*

## CAPITVLVM II.

*De secta Peripateticorum, & ortu Logices, &  
eius auctore.*

**P**ERIPATETICORVM hinc orta est secta, quæ in cognitione veri, summum bonum vitæ humanæ esse constituit. Omnium ergo rerum naturas scrutati sunt, vt scirent, quid in omnibus rebus fugiendum, tanquam malum, quid contemnendum, tanquam non bonum, quid petendum, vt simpliciter bonum, quid præferendum, vt magis bonum, quid ex casu, boni nomen sortiatur, aut mali. Natæ sunt ergo duæ partes Philosophiæ, naturalis, & moralis, quæ, aliis nominibus, Physica & Ethica appellantur. Sed quia per imperitiam differendi, multa inconuenientia colligebant sicuti Epicurus qui ex atomis, & inani, mundum, sine auctore Deo, constituit: & Stoici, qui materiam, Deo fingeant coæternam: & omnia peccata æqualia: necesse fuit inuestigari, & promulgari scientiam, quæ discretionem faceret vocum & intellectuum, & fallaciarum nubeculas dissiparet, & hic quidem, sicut Boëtius in commento secundo super Porphyrium asserit, est ortus Logicæ disciplinæ. Oportuit enim esse scientiam, quæ verum à falso discerneret, & doceret quæ ratiocinatio, veram teneat semitam disputandi, quæ verisimilem: & quæ ficta sit, & quæ debeat esse suspecta. Alioquin veritas, per ratiocinantis operam, non poterat inueniri, &

licet Parmenides Ægyptius in rupe vitam egerit, vt rationes Logices inueniret, tot & tantos studij habuit successores, vt ei inuentionis suæ, totam ferè præripuerint gloriam. Tradunt ergo Apuleius, Augustinus, & Isidorus, quod Plato Philosophiam perfecisse laudatur. Physicè, quã Pithagoras, & Ethicè, quã Isocrates plenè docuerant, adiiciens Logicam, per qua mdiscussis, rerum morumque causis, vim penderet rationum, non tamen hanc in artis redegit peritiam, præerat tamen vsus & exercitatio. quæ sicut in aliis ita & hic, præcepta antecessit. Deinde Aristoteles, artis regulas deprehendit & tradidit, hic est Peripateticorum princeps, quem ars ista præcipuum laudat auctorem, & qui alias disciplinas, communes habet cum auctoribus suis: sed hæc suo iure vëdicans, à possessione illius exclusit ceteros, & licet alibi de eo plenius scripserim, nequaquam hic silendū credidi, quid de eò dicit Quintilianus; *Quid Aristotelem memorem, quem sententiã rarum, dubito, an scriptorum copia, an eloquendi vsu, an suauitate eloqui, an inuentionum acumine, an varietate operum, clariorem putem.*

## CAPITVLVM III.

*Quod logica philosophantibus prælegenda est,  
& de differentia demonstratiua, itemque  
probabilis, Logica, & sophistica.*

**V**IDENTES itaque peripatetici, quòd opus in  
vsu, vsu transire potest in artem quod vagum fuerat & licentiosum, certis regulis sub-



iecerunt:excludentes mendacia, suppletes imperfecta;refecantes superflua;&in omnibus præcepta congrua præscribentes. profecta igitur hinc est, & sic perfecta,scientia differendi; quæ disputandi modos,& rationes probationum aperit: procedentibus viam parat,quid in dictis verum, quid falsum, quid necessarium, quid impossibile sit,innotescit: alijs philosophicis disciplinis posterior tempore, sed ordine prima.inchoantibus enim philosophiam,prælegenda est. eò quod vocum&intellectum interpres est.sine quibus nullus,philosophiæ articulus rectè procedit in lucem. Qui verò sine logica philosophiam doceri putat, idem à sapientiæ cultu, omnium rerum exterminet rationes. quia eis logica præsidet. vt diuertamus ad fabulas *Φορμιον* sororem *αληθια*, nec sterilem, reputauit antiquitas: sed egregiam eius sobolem, castis Mercurij iunxit amplexibus:est enim soror veritatis prudentia.& amorem rationis, & scientiæ, per eloquentiam, fecundat, & illustrat. siquidem hoc est philologiam Mercurio copulari.pro eo namque Logica dicta est, quod rationalis,id est, rationum ministratoria & exanimatrix est. Diuisit eam Plato in dialecticam,& Rhetoricam: sed qui efficaciam eius *altius* metiuntur, ei plura attribuunt. Si quidem ei demonstratiua, probabilis, & sophistica subiiciuntur, videlicet demonstratiua à disciplinalibus viget principiis, & ad eorum consequutiua progreditur.necessitate gaudet:& quod cui videatur,dum tamen ita esse oporteat,non multum attendit. Decet hoc Philosophicam, rectè docentium, maiestatem

quæ suo, citra auditorum assensum, roboratur arbitrio. Probabilis autem versatur in his, quæ videntur omnibus, aut pluribus, aut sapientibus, & his, vel omnibus, vel pluribus, vel maximè notis, & probabilibus, aut consecutinis eorum. hæc quidem Dialecticam, & Rhetoricam, continet. quoniam dialecticus, & orator, persuadere intentes, alter aduersario, alter iudici, non multum referre arbitrantur, vera, an falsa sint argumenta eorum, dummodò veri similitudinem teneant. At sophistica, quæ apparens, & non assistens sapientia est, probabilitatis, aut necessitatis, affectat imaginem: parum curans quid sit hoc aut illud, dum phantasticis imaginibus, & velut umbris fallacibus, inuoluat eum, cum quo sermo conferitur. profecto, quam, præceteris, omnes ambiunt, sed pauci, meo iudicio, assequuntur. Dialectica est, quæ nec ad docentium aspirat grauitatem, nec vndis ciuilibus mergitur, nec seducit fallaciis, sed prompta & modico probabilitate verum examinat.

### C A P I T V L V M   I I I I .

#### *Quid Dialectica & vnde dicatur.*

**E**S T autem Dialectica, vt Augustino placet, benè disputandi scientia. quod quidem ita accipiendum est, vt vis habeatur in verbis ne scilicet: dialectici credantur, quos casus iuuat artis beneficio destitutos. Item benè non disputat, qui id, quod intendit, verè, & probabiliter, nequaquam probat. pace dixerim demonstratoris,

& sophistæ, quorum neuter benè procedit ad propositum dialectici: si alter probabilitatem non habet, alter deserit veritatem: vterque tamen, si suum metiatur officium, benè probat, dum non omittit quicquam ex contingentibus suæ facultatis. Est autem *disputare*, aliquid eorū, quæ dubia sunt, aut in contradictione posita, aut quæ sic vel sic proponuntur ratione subposita, probare, vel improbare. quod quidem quisquis ex arte probabiliter facit ad dialectici pertingit metam. Hoc autem ei nomen Aristoteles auctor huius, imposuit, eo quod in ipsa, & per ipsam, de dictis disputatur vt enim Grammatica de dictionibus, teste *Remigio*; sic ista, de dictis, & in dictis est. illa verba sensuum principaliter; sed hæc examinat sensus verborum nam λεκτων, græco eloquio (sicut ait Isidorus,) dictum appellatur. siue autem dicat à græco λεξις, quod locutio interpretatur, sicut Quintiliano in præexercitaminibus placet, siue à λεκτων, quod dictum nuucupatur, non multum refert: cum examinare locutionis vim & eius, quod dicitur veritatem, & sensum, idem, aut ferè idem, sit. vis enim verbi, sensus est. quo si destituatur, sermo cassus, & inutilis est, & (vt sic dixerim) mortuus. vt quodammodo, sicut corpus ad vitam vegetatur ab animâ, sic ad vitam quandam verbi, sensus proficiat. qui enim sine sensu sermonem profert, utique non loquitur, sed aërem verberat.

## CAPITVLVM. V.

*De partibus Dialecticæ, & sine Logicorum.*

**V**ERVM vt à specie redeamus ad genus quoniam quædam adhuc videntur dicenda; communiter *logicam* diuiserunt auctores in scientiam inveniendi & scientiam iudicandi; eandemque totam in diuisionibus, diffinitionibus, collectionibusque versari docuerunt. siquidem inveniendi & iudicandi magistra est. & diuidendi, diffiniendique, & argumentandi peritum habet, immo facit opificem. Inter ceteras itaque philosophiæ partes, priuilegio duplici insignita est: quia & principalis membri decoratur honore, & in toto philosophiæ corpore, efficacis instrumenti exercet officium. Physicus enim, & Ethicus, in suis assertionibus non procedunt, nisi probationibus à Logico mutuatis. Nemo eorum rectè definit, aut diuidit nisi eis, artis suæ, Logicus gratiam faciat. alioquin successus eorum, non scientia, sed casus, promouet. *Rationalis enim* est; vt cõstet ex nomine, quis, ei sit in philosophia processus, qui rationis expers est: licet enim quis perspicacem habeat rationem, animæ virtutem dico, in philosophiæ tamen negotijs ad multa subsistit ostendicula, si non habeat rationem propositi faciendi: quæ quidem est methodus, id est ratio compendiaria, propositi pariens & expediens facultatem. Versantur autem in his & quæ dictæ sunt pertinentes ad Logicam disciplinæ. Nā *demonstratiua & probabilis & sophisti-*

omnes quidem consistunt in inventione, & iudicio, & itidem diuidētes diffinientes & colligentes, domesticis rationibus vtuntur: & si iueria, aut sine, aut modo agendi, dissimiles sint, cum verò ratio multipliciter dicatur, latissimè patet hic officium nominis. neque enim coartatur ad id dumtaxat, quod ratio est: sed ad id protenditur etiam, quod videtur. Nam vt alias taceam nominis significationes, dicunt hoc nomen grammatici *absolutum*; quod ad intelligentiam sui, non indiget adiectione, vt *Deus*: nisi fortè causa significantiæ, vt cum dicitur Deus omnipotens, ad differentiam idolorum, quæ nihil, aut demoniorum, quæ minimum possunt. Sic ratio necessaria, aut vera, ad differentiam eius, quæ casus potest, vel mendacio, viciari. Est autem hic, vt opinor, ratio quicquid adducitur, vel adduci potest, ad statuendam opinionem, vel sententiã roborandã. Opinio enim plerumque labitur; at sententiã sēper assidet veritati. Ita quidem, si rectè sermonibus vtimur: vsurpatur tamē alterū pro altero. ergo & Sophistica sic rationalis est: & quāvis fallat sibi inter partes philosophiæ locum vendicat. Suas enim rationes inducit, & nunc se demonstratiuā simulat, nūc Dialecticam mentitur; nec seipsā profitetur alicubi, sed ubique habitū induit alienum. apparēs namque sapientia est, & inducit ad statuendam opinionem plerumque, non quod verum aut verissimile, sed quod alterūtrū videatur. Interdum autem vtitur & ijs cavillatrix enim est, & sæpe à veris & manifestis perminutas interrogationes, aliasve doli sui insidias, ad dubia & falsa progreditur.

transfigurat enim se in ministram lucis, & Neptuni more quem inde via abducit, aut periculis exponit, aut risuj. Philosophus autem, demonstrativa utens, negotiatur ad veritatem: Dialecticus ad opinionem: siquidem probabilitate contentus est. Sophistæ autē sufficit, si vel videatur esse probabile. unde non facile dixerim, eam esse inutilem scitu quæ non mediocriter exercet ingenia, & ignaris rerum efficacius nocet, si sit ignota. Dolus enim, scienti non infertur: sibi que imputet, qui casum declinare noluit, quæ prævidit. Qui autem demonstrativam, & probabilem, non amplectitur, utique non diligit veritatem. sed nec probabilium quærit habere notitiam: *Planè nec virtutem quis sine Veritate*, assequitur: & qui probabilia contemnit, non probatur.

## CAPITVLVM. VI.

*Quod omnes Logicam appetunt, sed non omnes assequuntur.*

EX præmissis itaque, magnū aliquid videtur logica polliceri, quæ inuentionis & iudicij copiam præstat: diuidendi, definiendi, & convincendi, ministrat facultatem. & sic philosophiæ pars insignis est, ut per omnia membra eius quadam spiritus vice discurrat. iners enim est omnis philosophia, quæ ad logicam non disponitur. merito ergo ad eam tantus undique est cursus populorum, ut sola plures teneat occupatos, quam omnes aliæ officinæ illius, quæ actus

actus humanos disponit, & verba; certè & cogitatus si rectè processerunt; Philosophiam loquor, sine qua, quicquid est, insulsum & insipidum est, & planè erroneum, & bonis moribus displicens: Clamant omnes ad *inuicem*, occupet *extremum scabies*, & qui non accedit ad logicam, continuis & perennibus versetur in sordibus. ergo & *mibi turpe relinqui est*, probrosum, & periculosum; vellem videre lumen, quod solis istis præconibus reuelatum est. accedo & humili supplicatione deosco, vt me doceant, & si fieri potest, similem sui faciant. promittunt grandia; sed interim Pithagoreorum silentium mihi indicunt, quod ad arcana Mineruæ, quæ sibi credita esse iactitât. permittunt tamen imò & præcipiunt, vt congarriam eis: hoc siquidem est talium disputare. Tandem, cum ex longa familiaritate benignius audior, diligentius insto, vehementius pulso, affectuosius peto, mihi *ostium* artis aperiri. A definitione ergo incipimus. docet me paucis, quicquid voluero definire, iubet enim vt eius, de quo agitur, genus præmittam; eique aggregem differentiâs substantiales, donec ad conuertentiam propositi coæquantur. Suprema enim, quia genere; & infima quia differentiis carent, definiri non possunt. eis tamen descriptio applicatur quæ sit ex proprietatibus; quarû alibi non reperitur collectio. Substantialis enim definitio, sine genere propositi, & aliqua substantialium differentiarum, esse non potest: ecce sic artem definiendi edoctus sum: iubetque me quodlibet propositorum commodè definire vel saltem describere. Progredimur ad diuidēdi

scientiam, & genus in species, aut per differentias, aut per affirmationem & negationem, sufficienter diuidere moneor. Totum integrum in eas partes resoluendum est, ex quibus integraliter constat. vniuersale in subiecta, & in potentias virtuale. Si vocis est diuisio facienda, aut significationes illius, enumerentur, aut modi. Accidens in subiecta diuidere doceor admonitusque illius susceptibilia sint, aperite: subiectum quoque in accidentia, cum eorum, quæ ei accidunt diuersitatem contingit assignare: Sed & accidentis in coaccidētia; cum, pro sublectorum varietate, excedentia esse docentur, & excessa. Cōpendiosè itaque institutus sum, duas partes exercitij huius. Restat tertia quidem magis necessaria, si haberetur, & longè verbosior, vt docetur, ars scilicet colligendi: quæ ad aduersarium convincendum proficit: vel in philosophia, ad veritatem demonstrandam, quicquid sentient auditores. eius itaque proponuntur pauca præcepta, & quæ ego compendij gratia paucioribus differā. Est itaque dilligēter observādū, vt ad faciendam fidem eius de quò agitur aliquid præmittamus ex quo illud probabiliter inferri possit, aut necessario quale est genus, ad positionem speciej: aut vno contrariorumposito reliquum tolli: Procedo itaque quoniam homo obtusioris ingenij sum, & cui fides est ex auditu; & qui vix & rarò intelligere possum audita vel scripta: Quoniam ergo regulæ innotescunt, sollicito doctores, & qui nihil nescire dignantur, vt deductis exemplis librorum me illarum doceant vsum. Non enim magnum est ei, qui



artem definiendi habet, si in definitionibus pri-  
 dem scriptis, aliena inventa recenseat. Siqui-  
 dem, si Logica definitiva est, eo quod aliquas  
 habeat definitiones; & multæ disciplinæ, quia  
 pluribus abundant definitionibus, magis defini-  
 tiuæ erunt. Indignantur ergo puri philosophi, &  
 qui omnia, præter Logicam dedignantur, æquæ  
 grammaticæ, ut Physicæ expertes, & ethicæ, &  
 me improbum, obtusum, & caudicem aut lapi-  
 dem criminantur. Sufficere enim debuerat, ad  
 artis triplicem facultatem, quod prædictum  
 est. Urgent etiam ad solutionem promissæ mer-  
 cedis. Quod si excipio, iuxta illud ethicum, *mer-*  
*cedem apellas quid enim scio?* Continuo replicant,  
 iuxta eundem, *culpa docentis scilicet arguitur, cum*  
*in laus parte mamilla nil salis Arcadio inueni.* Sic, sic,  
 inquiunt, *nosse vellent omnes, mercedem solvere nemo;*  
 quia itaque vereor ingratiitudinis notam, Doctri-  
 nam, pro doctrinâ, necessariam pro necessaria,  
 eis rependo. Regularum trado compendium,  
 indicens eis, ut earum sibi comparent usum. &  
 quia tres artes accepi, easque utiles, tres itidem  
 doceo, sed utiliores. Sit ergo prima militaris;  
 secunda medicinalis; tertia iuris civilis, & de-  
 cretorum, & totius ethicæ perfectionem absol-  
 uat. Quotiens ergo cum hoste congregiendum  
 est, cautè provideas, ne te hostis ledat in aliquo.  
 & tu in primo conflictu totus insurgas in eum,  
 & illesus vulnere vulnus infligas. donec ille aut  
 te fateatur esse victorem, aut exanimis tibi iu-  
 dicio publico victoriam cædat. In Physicâ verò  
 ante omnia causam ægritudinis prævide; eam-  
 que cura, & amoue. & exinde tamdiu reparati,

uis & conseruatiuis. agrum erige & foue, donec plenissimè conuale scat. Porro in ciuilibus, vsquequaque iusticiam sequere, te amabilem omnibus facito, & iuxta comicum, sine inuidia laudem inuenias & amicos pares. Quid multa? in omnibus indue charitatem: nam & mihi in promptu est vsus horum, sicut eis exercitium præmissorum. Eo ergo miserabiliores sunt, quo miseriam suam non agnoscunt, Dum seipso fallunt id agentes in studio veritatis, vt nihil sciant. Neque enim fideli humilitatis via queritur veritas. Sic Pilatus veritatis auditâ mentione, quid esset interrogauit. sed infidelitas querentis egit, vt docetem ante tumidus declinaret auditor, quam sacre responsionis instrueretur oraculo.

## CAPITVLVM. VII.

*Quod nugiloquos ventilatores dedoceri oportet, vt sciant.*

**N**ON tamen, vt in Logicam inuehar, hæc propono. scientia enim iucunda est, & fructuosa: sed vt illi seam liqueat non adeste, qui clamant, in compitis, & in triuijs docent, & in ea, quam solam profitentur, non decennium, aut vicennium, totam consumpserunt ætatem. Nam & cum sed senectus ingruit, corpus enervat, sensuum retundit acumina, & præcedentes comprimit voluptates, sola hæc in ore voluitur, versatur in manibus, & alijs omnibus studiis præripit locum. Fiunt itaque in puerilibus Academici Senes, omnem dictorum, aut

Scriptorum excutiunt syllabam, imo & literam; dubitantes ad omnia, quærentes semper sed nunquam ad scientiam pervenientes. & tandem conuertuntur ad vaniloquium, nescientes quid loquuntur, aut de quibus asserant errores condunt novos, & antiquorum aut nesciunt, aut dedignantur sententias imitari. Compilant omnium opiniones, & ea quæ etiam à vilissimis dicta vel scripta sunt, ab inopia iudicij scribunt, & referunt. proponunt enim omnia, quia nesciunt præferre meliora. Tanta est opinionum, oppositionumque congeries, ut vix suo nota esse possit auctori? Accidit hoc *Didymo*, quo nemo plura scripsit, ut cum historiarum cuidam tanquam vanæ, repugnaret, ipsius proferretur liber, qui eam continebat. Sed nunc multos inuenies *Didymos*, quorum pleni, imo referti sunt commentarij, huiusmodi Logicorum impedimentis. Rectè autem dicuntur oppositiones, quia melioribus studijs opponuntur. Obstant enim profectui. sed nec *Aristoteles*, quem nugidici solum ventilatores isti dignantur agnoscere, auditur: dicens quidem fideliter eleganter & verè quia *quolibet contraria opinionibus proferente sollicitum esse stultum est*. Refert *Quintilius* *Timotheum* quendam, clarum in arte tibiarum, sollitum exigere duplas mercedes ab his, quos alius instituisset, quàm si traderentur rudes omnino. Duplex enim labor est, alter in eluenda vitiosa doctrina; quam perceperant, alter ut vera & recta fideliter imbuantur. Ad hæc, qui iam artificis nomen vendicat, non potest leuiter humiliari, ut ad minora descendat: sine

quibus tamen proficere nequit. Timotheus utique sapiebat, quia quo *semele est imbuta recens, servavit odorem testa diu.* & quisque sui iuris effectus curret ad illam, quam primum rupto prædam gustaverat oño.

## CAPITVLVM, VIII.

*Quod eos Aristoteles compescuerat  
si audiretur.*

**V**SUS tamen aliquis interdum est, in malo isto: scilicet, quod qui talibus assuescunt, si tamen modestia instituantur, verborum copiam præparant, volubilitatem linguæ, capacitatem memoriæ. ad hoc enim proficit frequens hæc, & de omnibus concertatio: quantum quoque adiicit, subtilitatem ingenij. Continuo si quidem proficit exercitio: si autem moderatio desit, omnia hæc in contrarium cedunt. subtrahitur namque subtilitati utilitas. Nihil autem, ut in primo declamationum ait Seneca, *odebilis subtilitate ubi nihil aliud est, quam subtilitas.* & ad Lucilium, *nihil est acutius arista. Sed hæc, ad quid utilis?* Tale utique est illud ingenium, quod sola subtilitate lasciuiens, nulla residet gravitate. hoc est quod in libro de institutione oratoris præcoquum dicitur, *non temere pervenit ad frugem.* laudatur in pueris, sed in senibus contemnitur, & culpatur pueri enim ex hoc facile parva faciunt, & audacia prouecti quicquid possunt statim ostendunt, possunt id demum quod in proximo est. verba coccinant, & continuant, *hæc vultu interrito, nulla tardati verecundia proferunt.* Non multum præstare,

sed citò non subest veravis nec penitus immixtis  
 dicibus nititur: vt quæ solo summo sparsa sũt  
 semina celerius se effundunt, & imitatae spicas  
 herbusæ, inanibus aristis ante messem flauescũt,  
 & ingenia, quæ subtilitatem aut copiam affe-  
 ctant deducta grauitate, placent hæc annis com-  
 parata. deinde stat profectus, admiratio decre-  
 cit. sic & in *visio* Flauo, qui referente Seneca apud  
*Arelum* declamabat, aliquid extra eloquentiam  
 cõmendabat, *sic puero scilicet eloquentiã senocinium*  
 erat ingenij ætas. sed nec verborũ copia perpe-  
 tuo laudẽ habet. vt enim ait Sidonius, *nõ est minor*  
*gloria dixisse quod noueris, quã siluisse quod nescias.* sed &  
 Cicero verba rædarguit, quæ sine vtilitate aut  
 voluptate tam dicentis quàm audiẽtis inuoluntè  
 proferuntur. Obtinet enim illud poëticum.

*Aut prodesse nolunt, aut delectare poëta.*

*Aut simul & iucunda & idonea dicere vitæ,*

*Omne tulit punctum qui miscuit vtile dolci.*

Et multiloquium peccata comitantur. linguæ  
 autem volubilitas tunc demum prodest, si ad  
 sapientiam disponatur. in vdo enim est, & citò  
 labitur. licet autem sit membrum modicum, ro-  
 tam humanæ natiuitatis succendit, conturbat  
 vitam, & totum hominem, nisi moderationis  
 vinculo refrænctur agit in præceps. Quid au-  
 tem prodest illa in *archiuiis* memoriæ recondisse,  
 quorum nullus est vsus. sicut enim de lana ca-  
 prina contendere in officiosum est, sic ea quæ  
 inutiliter proferuntur, commendare memoriæ,  
 ineptum & indiscretum est. Quis unquam inu-  
 tilia folia & aristas thesaurifans congeffit, vt opi-  
 bus abundet. Debuerat Aristoteles hanc conpes-

cuisse intemperiem eorum, qui indiscretam loquacitatem, dialecticæ exercitium putant. Et sanè compescuerat, si audiretur. non oportet, inquit, omne problema, nec omnem positionem, considerare, sed quam dubitabis aliquis rationis egentium, & pena, vel sensus. Nam qui dubitant utrum oportet Deos vere-ri, & parentes honorare, vel non, pena indigent. Qui verò utrum nix alba est, aut non, sensus. Neque verò quorum propinqua est demonstratio, neque quorum valde longè. nam hæc quidem non habent dubitationem, illa autem magis, quam secundum exercitiam. hæc ille. sed illi, eo inconsulto, imo & prohibente, semper, ubique, & de omnibus æque disputant: fortè quia notitiam omnium æque habent.

## CAPITVLVM. IX.

*Quod inefficax est dialectica si aliarum disciplinarum destituitur subsidio.*

**E**LOQVENTIAM sine sapientia non prodesse celeberrè est, & verum vnde ipsam, ut proficit, à sapientia contrahere, manifestum est. ergo & pro modulo sapientiæ, quam quisque adeptus est, eloquentia prodest. nocet enim hæc, si dissocietur ab illa. Ex quo liquet dialecticam, que inter ministras eloquentiæ expeditissima est, & promptissima unicuique prodesse ad mensuram scientiæ suæ. Ei enim prodest plurimum, qui habet notitiam plurimorum, & ei, qui pauca nouit, minimum prodest. Nam sicut gladius Herculis in manu Pigmæi, aut pumilionis, inefficax est, &

idem in manu Achillis, aut Hectoris, ad modum fulminis vniversa prostermit: sic Dialectica, si aliarum disciplinarū vigore destituatur, quodammodo manca est & inutilis ferè: si aliarū robore vigeat, potens est omnē destruere falsitatem: & vt minimū ei ascribam, sufficit de omnibus probabiliter disputare. Neque enim magnum est, si, in ore nostrorū, iugiter in se rotetur, se circumeat sua rimetur archana: & in illis duntaxat versetur, quæ nec domi, nec militiae, nec in foro, nec in claustro, nec in curia, nec in Ecclesia, imò nusquam, nisi in schola, profunt. ibi enim teneriori ætati plura indulgentur ad modum & modicum, quæ mox magis seriùs philosophiæ tractatus eliminat. Siquidem hic cum ad maturam scientiæ vel vitæ, venit ætatem, non modò verba puerilia, & licentioris indulgentiæ, sed totos plerumque reijcit libros. hoc est enim quod sub poëtici nube figmenti in Mercurij & philologiæ docemur nuptijs, Deorum omnium auspicio contractis, & vtiliter hominibus amplectendis. ibi namque philologia, postquam cœli templa conscenderat & purioris status nacta est libertatem, librorum copiam, quibus sæcunda erat, euomuisse describitur. Est autem cuique opifici facillimum de arte sua loqui: sed ex arte, quod artis est, facere, difficillimum est. Quis est enim medicus, qui non de elementis & humoribus, & complexionibus, & morbis & cæteris pertinentibus ad physicam, sæpè loquatur, & multùm? Sed qui ad hoc conualescit, magis poterat ægrotare. Quis ethicus morum regulis, dùm in linguâ versatur non

abundat? Sed planè longè difficilior est vt exprinantur in vita. Mechanici opifices, facillè singuli loquuntur, de artibus suis; sed nemo eorum tam leui opera architectum exercet, aut pugilem: Idem est in reliquis. Sic de definitione, aut argumentis, aut genere, pro similibus loqui facillimum est. sed eadem ad artis explendum officium in singulis facultatibus invenire, longè difficilior. Ergo qui disciplinarum inopia premitur, copiam, quam Dialectica pollicetur, & præstat, non habebit.

## CAPITVLVM X.

*Quorum auctoritate præcedentia & sequentia consent.*

**C**V M pimum, adolescens admodum, studiorum causa migrassem in Gallias, anno altero postquam illustris rex Anglorum Henricus, Leo iustitiæ, rebus excessit humanis. Con tuli me ad Peripateticum Palatinum, qui tunc in monte sanctæ Genouefæ clarus doctor & admirabilis omnibus præsidebat. ibi, ad pedes eius prima artis huius rudimenta accepi, & pro modulo ingenioli mei, quicquid excidebat ab ore eius, tota mentis auiditate excipiebam. Deinde, post discessum eius, qui mihi præproperus visus est, adhæsi magistro Alberico, qui inter cæteros *opinatissimus* Dialecticus enitebat, & erat reuera *nominalis sectæ* acerrimus impugnator. Sic fermè toto biennio conuersatus in monte, artis huius præceptoribus vsus sum Alberico & magistro



Roberto *Meludensi*, vt cognomine designetur, quod meruit in scholarum regimine. natione siquidem Angligena est: quorum alter ad omnia scrupulosus, locum quæstionis inueniebat vbi-que: vt quamuis polita planicies, offendiculo non careret, & vt aiunt, scirpusei non esset *enodis*. Nam & ibi monstrabat, quod oporteat enodari. Alter autem in responsione promptissimus subterfugij causa propositum nunquam declinauit articulum, quim alteram contradictionis partem eligeret, aut determinata multiplicata sermonis, doceret vnam non esse responsionem. Ille ergo in quæstionibus subtilis & multus: iste in responsionibus perspicax, brevis, & commodus. quæ duo, si *pariter eis*, *alicui* omnium contigissent, parem vtique disputatorem nostra ætate non esset inuenire. Ambo enim acuti erant ingenij, & studij pervicacis: & vt reor, magni præclarique viri in physicis studiis enituisse, si de magno literarum niterentur fundamento, si tantum institissent vestigiis maiorum, quantum suis applaudebant inuentis. hæc pro tempore, quo illis adhæsi. Nam postea vnus eorum profectus Bononiam, dedit, quod docuerat: siquidem & reuersus dedocuit. An melius, iudicent qui eum ante & postea audierunt. Porro alter in diuinis proficiens literis, etiam eminentioris philosophiæ & celebrioris nominis affecutus est gloriam. Apud hos toto bienio, sic locis assignandis assueui, & regulis, & aliis rudimentorum elementis, quibus pueriles animi imbuuntur, & in quibus præfati doctores potentissimi erant, & expeditissimi, vt hæc

omnia mihi viderer nosse tanquam vagues digitosque meos. hoc enim planè didiceram, vt iuvenili leuitate pluris facerem scientiam meam, quàm esset. Videbar mihi sciulus, eo quod in iis quæ audieram, promptus eram. Deinde reuersus in me, & metiens vires meas, bona præceptorum meorum gratia, consultò me ad grammaticum *de Conchis* transtuli, ipsumque triennio docentem audiui. Interim legi plura nec me vnquam pœnitebit temporis eius. Postmodum vero Richardum cognomento Episcopum, hominem, ferè nullius disciplinæ expertem, & qui plus pectoris habet, quàm oris, plus scientiæ, quàm facundiæ, veritatis quàm vanitatis, virtutis quàm ostentationis, secutus sum : & quæ ab alijs audieram, ab eo cuncta relegi, & inaudita quædam ad quadruium pertinentia, in quo aliquatenus Teutonicum præaudieram Hardeivinum. Relegi quoque rhetoricam, quam priùs cùm quibusdam alijs à magistro Theodorico tenuiter auditis, paululum intelligebam : Sed eam postea à Petro Helia plenius accepi. Et quia nobilium liberos, qui mihi, amicorum & cognatorum auxilijs destituto, paupertati meæ solaciante Deo, alimenta præstabant, instruendos susceperam, ex necessitate officii & instantia iuvenum vrgebar quod audieram, ad memoriam crebrius revocare. vnde ad magistrum Adam, accurtissimi virum ingenij, & quicquid alij sentiant, multarum literarum, qui Aristoteli præ cæteris incumbebat, familiaritatem contraxi vltiorem : vt, licet eum doctorem non habuerim, mihi sua

benignè communicaret, & se, quod aut nulli faciebat, aut paucis alienis, mihi patentius exponerebat. Putabatur enim invidia laborare. Interim Vvillermum Sueffionensem, qui ad expugnandam, ut aiunt, sui, logicæ vestutatem, & consequentias inopinabiles construendas, & antiquorum sententias diruendas, machinam postmodum fecit. Prima Logices docui elementa, & tandem iam dicto præceptori apposui. Ibi fortè didicit idem esse ex contradictione cum Aristoteles obloquatur, quia idem cum sit, & non sit, non necesse est idem esse. Et item cum aliquid sit, non necesse est idem esse, & non esse. *Nihil* enim ex contradictione euenit & contradictionem impossibile est ex aliquo euenire. Vnde nec amici machina impellente vrgeri potui, ut credam ex vno impossibili omnia impossibilia provenire. Extraxerunt me hinc rei familiaris angustia, sociorum petitio, & consilium amicorum, ut officium docentis aggrederer. Parui. Reuersus itaque in fine triennij, perperi magistrum Gilbertum, ipsumque audiui in Logicis, & divinis: sed nimis citò subtractus est. Successit Robertus Pullus, quæ vita pariter & scientia cõmendabant. Deinde me excepit *Simõ Pexiacensis*, fidus lector, sed obtusior disputator. Sed hos duos in solis Theologicis habui præceptores. Sic ferè *duodenniũ* mihi elapsũ est, diversis studijs occupato. Lucundũ itaque visum est, veteres quos relinquerã, & quos adhuc Dialectica detinebat in mõte, reuifere socios, conferre cũ eis super ambiguitatibus pristinis: ut nostrũ inuicem, ex collatione mutua, cõ-

metiremur profectum: inventi sunt qui fuerant, & ubi, neque enim ad palmum visi sunt processisse ad quæstiones pristinas dirimendas, neque propositiunculam vnam adiecerant. Quibus urgebant stimulis, eisdem & ipsi urgebantur, profecerant in vno duntaxat, *dedicerant modum, modestiam nesciebant*: adeo quidem ut de reparatione eorum posset desperari. Expertus itaque sum quod liquido colligi potest, quia sicut Dialectica alias expedit disciplinas, sic, si Sola fuerit, iacet exsanguis & sterilis, nec ad fructum philosophiæ fecundat animā, si aliud de nō concipit.

## CAPITVLVM XI.

*Quid sola Dialectica possit.*

EST tamen quod solitaria pollicetur & præstat solius grammaticæ subnixæ præsidio, propositas enim de se expedit quæstiones, sed ad alia non confurgit. quale est, an affirmare sic enunciare, & an simul exstare possit contradictio. hoc autem quid ad vsum vitæ conferat, si non est adminiculans alij quisque diiudicet: Cæterum an voluptas bona sit: an præeligenda virtus, an in summo bonæ habitudines, an sit in indigentia laborandum; purus & simplex Dialecticus raro examinat: at in ijs viuendi, vel ad beatitudinem, vel ad incolumitatem, versatur utilitas: licet enim logica seipsam expediat, propter alia tamen magis inventa est. ferè ergo, ut spiritus animalium, ea disponit, & vegetat, & humores regit, & fouet ad vitam animale: ab

ipsis tamen humoribus nascitur, & subtilitate sua, & vigore, magnam molem agitat, & ad se disponit, *quantum non noxia tardant corpora*: sic logica ab aliis ducit originem, easque disponit, & mouet, quantum inertiae & ignorantiae no cumento non retardatur. quod planum est iis, qui & artem differendi nouerunt, & alias disciplinas.

## CAPITVLVM. XII.

*In quibus constet exercitium eius & quo vtitur instrumento.*

**V**ERSATUR exercitium Dialecticæ in omnibus disciplinis, Siquidem quæstionē habet materiam. sed eam, quæ hypothesis dicitur, id est, quæ circōstantiis implicatur relinquit oratori. Sunt autem circūstantiæ, quas Bæthius in quarto Topicorum enumerat, *quis, quid, vbi, quibus adminiculis, cur, quomodo, quando*. Thesis verò vendicat sibi: id est quæstionem, à prædictarum circūstātiarum nexibus absolutam: Communiorem enim speculationem aggreditur, nec iure suo descendit ad singula: quod si quando euenit, hospitis more, bonis fruitur alienis. Porro instrumentum quo alterutra vtitur, proposito suo deseruiens, oratio est. Illā enim quæ iudicem mouet, alium à confligentibus, continua vtitur oratione, & inductione frequentius. eo quod ad plures est, & plerumque populum capiat: Hæc autem intercisa oratione, &

crebrius vtitur syllogismis : quia de aduersarij pendet iudicio ; & ad vnum est , cui si fidem fecerit , finem propositi apprehendit. Neque enim sermone in habet ad populum , nec arbitrium legis expectat. Ipsa quoque ratio , quam oratio vestit , & adminiculo sermonis , ad animam , per aurem , ingrediens , ipsam mouet , itidem instrumentum est. Immo hæc est quæ facit vt oratio sit instrumentum. Virtus enim orationis est mens atque sententia : sine qua nec vigere nec mouere potest oratio. cum itaque quæstio sit materia , ratio vel oratio instrumentum , artis opera singulariter in eo versatur , vt instrumenti copiam faciat , & doceat vsum eius. materiam enim præstant communiter & aliæ disciplinæ. siquidem vndique emergunt quæstiones , sed non vndique absoluntur.

### C A P I T V L V M XIII.

*Quante utilitatis sit scientia probabilium , & quæ simpliciter necessaria non facile innotescunt.*

**T**R E S itaque facultates , naturalis , moralis , & rationalis , materiam præstant : quia singulæ suas exponunt quæstiones. quærit enim ethica , parentibus magis , an legibus , oporteat obedire , si fortè dissentiant. Physica , Mundus æternus sit , aut perpetuus , aut initium habuerit , & sit finem habiturus in tempore , aut sit nihil horum. Logica , an contrariorum sit eaden

de disciplina, quoniā eorū idem sensus. quærunt ergo singulæ, & licet suis muniantur principiis, eis tamē Logica methodos suas cōpendij, scilicet rationes, cōmuniter subministrat, vnde non modo ad exercitationem, sed ad obuiationes, & ad, secundū philosophiam disciplinas vtilissima est. Nam & de proposito methodum habens, facile argumentatur, & qui multorum opiniones sciens, non ab extraneis, sed à propriis loquitur documentis. commodè obuiat, immutans quicquid non benè dictum videtur : & qui circumstantes attendit rationes, in singulis verum facilius discernit à falso, & habilior redditur ad intelligendum & docendum, quod philosophantis propositum expetit, & officium exigit. Cum autem dialectica inquisitiua sit, ad omnium methodorum principia viam habet: Siquidem ars quælibet suas habet methodos, quas nos figuraliter aduiationes vel aditus possumus interpretari, & inquisitioni succedit inuentio, nec apprehendit scientiæ fructum, cui quærendi displicet studium. Sed demonstratiua necessarias methodos quærir, & quæ illam rerum inhærentiam docent, quam impossibile est dissolui. hoc enim dumtaxat necessarium est, quod aliter esse impossibile est. Cæterum quia vires naturæ, aut nullus pæne scrutatur, aut rarus, & numerum possibilium solus Deus nouit, de necessariis plerūque non modo incertum, sed & temerarium iudicium est: Quis enim nouit penitus, quid esse possit, aut non possit. Si peperit, cum aliquo concubuit, & corrupta est, necessarium esse duxerunt secula multa.

Sed tandem in fine temporum non necessarium esse docuit integerrimæ virginis partus. Quod enim simpliciter necesse est, nullo modo aliter esse potest: mutari verò potest, quod à determinatione necesse est. Victorinus in Rhetoricis in explanatione necessarij hoc ipsum docet, & quod ad partum corruptio, non quidem necessario, sed probabiliter, consequatur. Augustinus quoque rationes, quæ necessariae sunt, esse asserit sempiternas, & nullo modo euacuari posse. Probabilium verò rationes mutare posse palam est, nisi necessaria fuerint. Vnde constat quàm arduum sit demonstratoris propositum, qui semper necessitatem sequitur, & à veritatis, quam profitetur, principiis non recedit. Si enim veritatem deprehendere quæ (vt aiunt Academici nostri) tanquam in profundo putei latet, magnum est, quantæ viuacitatis est, non modo veritatē, sed ipsius necessitatis penetrare arcana.

Siquidem existentium, quàm possibilium, faciliore est assignatio. Vacillat itaque in naturalibus, plerumque (corporalibus, & mutabilibus dico) ratio demonstrandi: sed in mathematicis efficacissimè conualescit. quicquid enim in numeris, proportionibus, figuris, similibusque ab ea colligitur, indubitanter verum est, & aliter esse non potest. itaque ad demonstrandi scientiam non aspiret, cui probabilia nota non fuerint. Demonstratiuè ergo principia necessaria sunt: dialecticè, probabilia. vnde & Dialecticus ab illis abstinebit, quæ nulli videntur, ne habeatur insanus: & à manifestis, ne palpare videatur in tenebris: & iis duntaxat insistet, quæ



aut omnibus, aut pluribus, aut præcipuis, in vnoquoque generum nota erunt.

## CAPITVLVM XIII.

*Item de eodem.*

**P**RINCIPIA itaque Dialecticæ probabilia sunt; sic Demonstratiua necessaria. Quod si quid probabile, & necessarium est, ad vtraque poterit pertinere: sed aliunde ad alteram. Sola enim probabilitas dialectico sufficit. vnde Cicerō in secundo Tusculanatum: *Nos qui sequimur probabilia; nec vltra quàm quod verisimile occurrit, progredi possumus, & refellere sine iracundia, & refelli sine pertinacia parati sumus.* Idem quoque alibi. *Hanc novis dicit Academia nostra licentiam, ut quicquid probabile occurrit nostro iure liceat defendere.* Est autem probabile, quod habenti iudicium, etiam à superficie innotescit, sic quidem in omnibus, & semper; aut in paucissimis, & admodum rarò aliter existens. Quod enim semper sic; aut frequentissimè: aut probabile est, aut videtur probabile: etsi aliter esse possit: Tanto autem probabilius, quanto habenti iudicium facilius & certius innotescit. Sunt enim quædam tanta probabilitatis luce conspicua, ut etiam necessaria reputentur. Quædam autem, eo quod opinioni minus familiaria sunt, vix ascribuntur probabilibus. Siquidem si opinio tennis; iudicio vacillat incerto: si vehemens, transit in fidem, & ad iudicium certum aspirnat. Si autem adhuc eius vehementia inualescat. ut aut non protendi aut

parum possit, licet infra scientiam sit, tamen scientiæ, quod ad certitudinem iudicij, coæquatur. Quod quidem palam est, authore Aristotele, an his, quæ sensu solo cognoscuntur, & aliter esse possunt. ignotum enim erit, cum occiderit Sol, si adhuc feratur super terram aut in nostrum sit hemisphærium reuersurus. eo quod tunc cesset sensus, per quem lationis eius habebatur scientia. fides tamen lationis & reditus tanta est, ut aliquatenus videatur æquis cum scientia passibus ambulare. Si verò sensus scientiā parit eius, quod aliter esse non potest, ut si quis lineam, visu docente, longam sciat, aut superficiem coloratam, cessante visu non evanescit quidē scientia, eo quod rem ita esse necesse est. Ergo quod diuissim in omnibus, vel in pluribus alicuius generis, inuenitur, & vniuersaliter in omnibus statuendum est: aut ferenda instantia in quo non sic. Est autem instantia alicuius, talis obuia positio, collectæ vniuersitati præiudicans. Scientia itaque probabilium copiosa, expeditissimam ad omnia viam parat.

## CAPITVLVM XV.

*Quæ propositio sit dialectica, quid problema.*

EST autem dialectica propositio, contra quàm sic in pluribus se habentem, non est instantia: id est, argumentum ad positionem. Qui verò tales propositiones præ mente habet, & si quæ sunt positionum instantiæ in omni genere controuersandi, ad alteram quidem copiosus erit, & etiam si philosophi cè secum exerceatur,

non modicè fœlix. Potens enim est de omni problemate, ethico scilicet, physico, & Logico probabiliter disputare. Est autem problema dialecticum, speculatio contendens vel ad electionem & fugam, vel ad veritatem & scientiam; aut ipsum, aut vt adminiculans ad aliquid aliud huiusmodi: de quo aut neutro modo opinantur, aut contrariè, plurimi sapientibus, aut sapientes plurimis, aut vtrique idem eisdem. authorem definitionis indicat stylus, & Aristotelem faciunt verba manifestum. Sed & sensus verborum. Neque enim problema dialecticum censuit, quicquid inter affirmationem negationemque deducitur, nec artis suæ opificem, in illius ventilatione credidit exercendum, quod nec per se, nec per aliud, prædictarum disciplinarum alicui prodest. *Nam quod ait, contendens ad electionem vel fugam, etsi sint qui ad ethicas duntaxat quæstiones referendum putant, ego etiam ad phisicas arbitror pertinere.* Sed ad Logicas, aut nihil, aut minimum. Siquidem & ibi virtus, & vitium, & similia electioni vel fugæ materiam præstant, hic autem sanitas, ægritudo causæ, signa, & circumstantiæ singulorum. Porro ad scientiam & veritatem trium disciplinarum quæstiones æque contendunt. vtrum voluptas eligenda sit, vel non, ethica speculatio, propter se utilis. vtrum mundus æternus, vel non, speculatio quidem Phisica est, ad scientiam & veritatem. & fortè ad aliud prodest. vt cum creatus innotuerit, tanti operis veneremur authorem, cum transitoriis, vilescat moribus piis, eo quod vanitati subiectus est to-

tus. an contradictoriarum, sit semper altera vera, vel non, Logica speculatur, & ad aliud confert veritatis huius habere scientiam. qui igitur de lana caprina contendunt iugiter, dialectica quidem problemata non exercent; & tam ab artificis materia, quam ab officio remoti sunt. Si quidem materia eius thesis, vel positio est. Est autem positio, opinio extranea alicuius notorum secundum philosophiam, ut quoniam omnia mouentur, quod Heraclitus: aut vnum est. eius, quod Melissus. nullus enim, qui mentem habeat, deducet in quaestionem, quod nulli videatur, nec quod omnibus manifestum est, aut his, quorum iudicium obtinet. Nam hæc non habent dubitationem: illa autem nemo ponet. Quocirca nullam liberalium disciplinarum utiliore esse crediderim, quam istam: à qua in omnes philosophiæ partes facilis & sælix est processus. ad nullam enim scientiam inuenitur infirmus, cui probabilia innotescunt.

## C A P I T V L V M. X V I.

*Quod omnes alij professores huius Aristotelis cedunt.*

**V**NDE quidem manifestæ videtur insanix, illi detrahere disciplinæ, quæ omnes alias instruit, & sine cuius beneficio nullus rectè investigationibus phisicis procedit. Scripserunt de ea quâ plures, & hij quidē sicut acutissimi, ita & diligentissimi philosophorum. quos omnes reprehendi palam est, ab his, qui artem hanc cri-

minantur. Studij namque detractio, authoris dubitata criminatio est. vnū scio, quod Cornificium posteritas illis nequaquam præferet. Nā Aristoteles, Apuleius, Cicero, Porphirius, Boëcius, Augustinus, vt Eudemum, Alexandrum, Theophrastum, & alios expositores taceam, (quorum tamen celebris gloria est) omnes artis huius, velut triumphatricis, inter alias grandi præconio erexere vexillum. Sed cum singuli suis meritis splendeant, omnes se Aristotelis adorare vestigia glorientur. Adeo quidem vt commune omnium philosophorum nomen *præminentia quadam* sibi proprium fecerit. Nam & antonomasticè, id est, excellenter philosophus appellatur.

Hic ergo probabilium rationes redegit irarrem, & quasi ab elementis incipiens vsque ad propositi perfectionem euexit. hoc autem planum est his, qui scrutantur, & discutiunt opera eius. voces enim primo significatiuas, id est sermones incomplexos, de grammatici manu accipiens, differentias & vires eorum diligenter exposuit, vt ad complexionem enunciationum, & inueniendi iudicandique scientiam faciliùs accedant. Sed quia ad hunc elementarem librum, magis elementarem quodam modo scripsit Porphirius, eum ante Aristotelem esse credidit antiquitas prælegendum. Rectè quidem si rectè doceatur: id est, vt tenebras non inducat erudiendis, nec consumat ætatem. Indignum enim est si in quinque voculis addiscendis, quis vitam; vt ei desit spatium procedendi ad illa, quorum gratia debuerant hæc prædoceri. vnde quo

niam ad alia introductorius est, nomine Isagogarum inscribitur. Itaque inscriptioni derogant, qui sic versantur in hoc, ut locum principalibus non relinquunt. quibus ignotis, non est quod introductentis operæ gratia debeat.

## CAPITVLVM XVII.

*Quam perniciosè doceatur, & quæ fuerit de  
generibus & speciebus opiniones moder-  
norum.*

**N**O STRI verò ad ostentationem scientiæ suæ, sic suos instituunt auditores, ut non intelligantur ab eis: & apices singulos secretis Mineræ grauidos opinantur. quicquid vnquā ab aliquo dictum aut factum est, excutiant, & teneris ingerunt auribus. ut vitio, quod à Cicerone arguitur, *sapē minus intellecti sunt ob rerum multitudinem*; quàm ob difficultatem, utile quidem est, & obuiantibus, sicut ait Aristoteles nosse opiniones multorum: ut ex earum conflictu ad inuicem, quicquid non benè dictum videtur, refelli valeat, aut mutari. Sed nunc non erat his locus, cum oratio simplex, res brevis & facilis quantum potest debeat introducendis. adeò quidem, ut & multa in rebus difficilibus, facilius quam earum natura erigat, licētius proponantur. eò quod in puerilibus annis addiscuntur multa, quæ serior philosophiæ tractatus eliminat. naturam tamen vniuersalium hic omnes expediunt, & altissimum negotium, & maioris

inquisitionis, contra mentem auctoris explicare nituntur. Alius ergo consistit in vocibus (licet hæc opinio cum Rocelino suo ferè omnino iam euauerit) alius sermones intuetur, & ad illos detorquet, quicquid alicubi de vniuersalibus meminit scriptum. In hac autem opinione deprehensus est Peripateticus Palatinus Abaelardus noster qui multos reliquit, & adhuc quidem aliquos habet professionis huius sectatores & testes. amici mei sunt. Licet ita plerumque captiuatam detorqueant literam, vt vel durior animus, miseratione illius moueatur. Rem de re prædicari monstrum ducunt. licet Aristoteles monstruositatis huius auctor sit & rem de re sapissimè asserat prædicari. quod palam est, nisi dissimulent, familiaribus eius. Alius versatur in intellectibus. & eos duntaxat genera dicit esse, & species. Sumunt enim occasionem à Cicerone & Boëtio, qui Aristotelem laudant Auctorem quod hæc credi & dici debeant notiones. Est autem, vt aiunt, notio ex ante percepta forma cuiusque rei cognitio, enodatione indigens. & alibi. Notio est quidam intellectus & simplex animi conceptio. eò ergo deflectitur quicquid scriptum est, vt intellectus aut notio, vniuersaliū vniuersitatem claudat. eorū verò, qui rebus inherēt, multæ sunt & diuersæ opiniones. siquidem hic, idèò quod omne quod vnū est, numero est, aut rem vniuersalem, aut vnā numero esse, aut omnino non esse concludit. sed quia impossibile substantialia non esse, existentibus his quorum sunt substantialia, denuò colligunt, vniuersalia singularibus, quod ad essentiam, vniuen-

da. partiuntur itaque status dūce *Gautero de Mauritania*, & Platonē, in eò quod Plato est, dicūt indiuiduū, in eo quod homo, speciē in eo quod animal, genus; sed subalternū; in eo quod substantia; generalissimum habuit hęc opinio aliquos assertores, sed pridē hanc nullus profitetur. Ille idē asponit, Platonē amulatus & imitāns Bernardum Carnotensem & nihil, preter eas, genus dicit esse vel speciē, est autē idē, sicut Seneca definit, eorū, quæ naturā sunt exemplare eternum. & quoniā vniuersalia corruptioni non subiacent, nec motibus alterātur, quibus mouentur singularia, & quasi ad momentū, aliis succedentibus, alia defluunt, propriē & verē dicuntur esse vniuersalia. siquidem res singulæ verbi substantiui nuncupatione creduntur indignæ, cum nequaquam stent, & fugiant, nec expectent appellationem, adeo namque variantur qualitatibus, tēporibus, locis, & multimodis proprietatibus, vt totum esse eorum non status stabilis: sed mutabilis quidem transitus videatur. Esse autem, inquit Boëtius, ea dicimus, quæ neque intensione crescunt, neque retractatione minuuntur, sed semper suæ naturæ subnixa subsidiis sese custodiunt. Hæc, autem sunt quantitates, qualitates, relationes, loca, tempora, habitudines, & quicquid quodammodo adunatum corporibus inuenitur. quæ quidem corporibus adiuncta, mutari videntur: sed in naturā sui immutabilia permanent. Sic & rerum species transeuntibus indiuiduis permanent eadē. quemadmodum præterfluentibus vndis, *notus amnis manet in flumine*, nam & idem dicitur. vnde illud apud Senecam: alienum tamen: *bis in idem flumen descendi-*



*mus, & non descendimus.* hæc autem ideæ, idest exemplares formæ, rerum primeuæ omnium rationes sunt. quæ nec diminutionem suscipiunt nec augmentû ; stables & perpetuæ : vt etsi mundus totus corporalis pereat nequeât interire. Rerum omnium corporalium numerus consistit in his. & sicut in libro de libero arbitrio videtur astruere Augustinus, quia hæc semper sunt, etiam si temporalia perire contingat, rerum numerus nec minuitur, nec augetur. Magnû profectò est, & notum philosophis, contemplantibus altiora, quod isti pollicentur. Sed, sicut Boëtius & alij multi testantur auctores, à sententiâ Aristotelis penitus alienum est. Nam & ipse huic sententiæ, sicut euident est in libris eius, sæpius aduersatur. Egerunt operosius Bernardus Carnotensis, & eius sectatores, vt componerent inter Aristotelem & Platonem, sed eos tardè venisse arbitror, & laborasse in vanum vt reconciliarent mortuos, qui quâdiu in vita licuit dissenserunt. Porro alius vt Aristotelē exprimat, cum Gilberto Episcopo Pictauiensi, vniuersalitatem formis natiuis attribuit, & in earum conformitate labrat. Est autem forma natiua, originalis exemplû & quæ non in mente Dei consistit, sed rebus creatis inhæret. hæc græco eloquio dicitur *εἰδος*; habens se ad idæam, vt exemplum ad exemplar, sensibilis quidem in re sensibili: sed mente concipitur insensibilis: Singularis quoque in singulis sed in omnibus vniuersalis. Est & alius, qui, cum Gausleno Suefionensi Episcopo, vniuersalitatem rebus in vnum collectis attribuit, & singulis eandem demit. Exinde, cum ad interpretandas auctoritates

ventum est, laborat præ dolore: quia in locis pluribus *rectum literæ indignantis ferre non sustinet*. est aliquis qui confugiat ad subsidium nouæ linguæ, quia latinæ peritiā non satis habet. Nunc enim, cum genus audit, vel species, res quidem dicit intelligendas vniuersales, nunc rerum *maneries* interpretatur. hoc autem nomen in quo auctorum inuenerit, vel hanc distinctionem incertum habeo: ni fortè in *glossematibus*, aut modernorum linguis doctorum. Sed & ibi quid significet non video nisi rerum collectionem cum Gaufleno, aut rem vniuersalem. quòd tamen fugit *maneriem* dici. Nam ad vtrumque potest ab interpretatione nomen referri. eò quod *maneries*, rerum numerus, aut status, dici potest, in quo talis permanet res, Nec deest qui rerum status attendat, & eos genera dicit esse & species.

## CAPITVLVM XVIII.

*Quod posteriores semper priorum opiniones  
immutant*

**L**ONGVM erit, & à proposito penitus alienum, si singulorum opiniones posuero, vel errores: cum, vt verbo Comici vtar, *serè quot homines, tot sententia*. Nam de magistris aut nullus, aut rarus est, qui doctoris sui velit in hære vestigiis. vt sibi faciat nomen, quisque proprium cudit errorem. Sicque fit, vt dum se doctorem corrigere promittit, seipsum corrigendum, aut reprehendendum, tam discipulis quàm posteris

præbeat. Ego ipse mihi legem hanc non ambigo imminere, vt dum ab aliis dissentio, & dissensu scripto profiteor, me obiicio reprehensionibus plurimorum. Qui enim loquitur iudicatur ab vno, vel à paucis: Sed qui scribit, omnium sententias excipit, & totius orbis, & omnis ætatis se exponit iudicio. Vt autem cum doctoribus mitius agam, sæpius ad nomen, quàm ad rem, videntur plurimi disputare. Nihil tamen est quod artis huius minus debeat professorem, quoniam modus hic viro graui inconuenientissimus est. vt enim ait Aristoteles, omninò verendum dialecticis huiusmodi ad nomen disputare: nisi quis aliter non possit de proposito disputare. sane in articulis, vbi plurimum dissidere videntur, alter alterius interpretationem admittit, etsi eam contendat esse ineptam. Itaque vicissim ducunt in crimine sermonem, non sensum alienum.

## CAPITVLVM. XIX.

*In quo non sit parcendum doctoribus huiusmodi.*

**S**IT ergo quod sententiis parcam; in quibus nec ipsi, si interpretationes inuicem supponere liceat, dissident. pauca tamen sunt in quibus eis non arbitror ignoscendum. Primum quod onera importabilia teneris auditorum humeris imponunt. Deinde, quod docendi ordine prætermisso, diligentissimè cauent, ne singula quæque locum teneant, sortita decenter. finem enim

artis, vt sic dixerim, legunt in titulo, & non in modo Topicorum, sed Analyticorum & Elenchorum vim Porphyrius prædocet. Postremò quod quasi ab aduerso petentes, veniunt contra mentem auctoris, & vt Aristoteles planior sit, Platonis sententiam docent, aut erroneam opinionem, quæ & quo errore deuiat à sententia Aristotelis & Platonis. Siquidem omnes Aristotelem profitentur.

## CAPITVLVM XX.

*Sententia Aristotelis de generibus & speciebus circumvallata rationibus multis, & multarum testimonio scripturarum.*

PORRÒ hic, genera & species non esse, sed intelligi tantum asseruit. quid ergo ad rem attinet quærere, *quid genus sit*, si illud omnino non esse constiterit. In eo enim, quod, non est, ineptè quæritur. quid, quantum, aut quale est. si enim substantiam tuleris cuique nihil ei relinquitur aliorum. Ergo si Aristoteles verus est, qui eis esse tollit: inanis est opéra præcedentis inuestigationis, in inquisitione substantiæ, quantitatis, aut qualitatis, aut causæ; cum illius quod non est substantia, aut quantitas, aut qualitas, nequeat assignari: aut causa propter quam, quod non est, hoc aut illud sit, aut tantum, aut tale. quare ab Aristotele recedendum est, concedendo vt vniuersalia sint, aut refragandum opinionibus, quæ eadem: *vocibus, sermonibus, sensibilibus re.*

*bis, ideis, formis, nativis*, collectionibus aggregant; cū singula horū esse non dubitantur. Qui autem ea esse statuit, Aristoteli aduersatur. Nec verēdum vt cassus sit intellectus, qui ea perceperit seorsum à singularibus, cū tamen à singularibus seorsum esse non possint. Intellectus enim quandoque rem simpliciter intuetur: velut si hominem per se intueatur, aut lapidem, & ob hoc simplex est: quandoque gradatim suis incedit passibus, vt si hominem albere, vel equum currere contempletur. Et hic quidem dicitur esse compositus. Porro simplex rem interdum inspicit *vt est*, vt si Platonem attendat: interdum alio modo: Nunc enim componendo, quæ non sunt composita, nunc abstrahendo, quæ nō possunt esse disiuncta, qui enim hircocervum cogitat, aut centaurum, ignotam, naturæ hominis ad bestiam, aut bestię ad bestiam, compositionem opinatur. At qui lineam aut superficiem attendit sine corpore, formam vtique contemplationis oculo à materia disiungit: cum tamen sine matéria forma esse non possit, non tamen formam sine materia esse abstrahens hic concipit intellectus (compositus enim esset) sed simpliciter alterum sine altero, cū tamē sine altero esse non possit intuetur. Nec hoc quidē simplicitati eius præiudicat. sed eo simplicior est, quò simpliciora, sine aliorum admixtione, perspicit singulatim. hoc autem naturæ rerum non aduersatur, quæ ad sui inuestigationem hanc potestatem contulit intellectui, vt possit coniuncta disiungere, & disiuncta coniungere.

Cæterum componens, qui disiuncta con-

iungit inanis est : Abstrahens, verò fidelis, & quasi quædam officina omnium artium. Et quidem rebus existendi vnus est modus, quem scilicet natura contulit, sed easdem intelligendi aut significandi non vnus est modus. Licet enim esse nequeat homo, qui non sit iste, vel alius homo, intelligi tamen potest & significari : ita quòd nec intelligatur, nec significetur iste vel alius. Ergo ad significationem incomplexorum per abstrahentem intellectum genera concipiuntur & species. quæ tamen, si quis in rerum natura, diligentiùs à sensibilibus remota, quærat, nihil agat & frustra laborabit. Nihil enim tale natura peperit. Ratio autem ea deprehendit, substantialem similitudinem rerum differentium pertractans apud se, diffinitque sicut Boëtius ait, generale conceptum suum, quod de hominum conformitate perpendit, sic, *animal rationale mortale*. Quod vtique, nisi in singularibus, esse non potest. Sunt itaque genera & species non quidem res à singularibus actu & naturaliter alienæ, sed quædam naturalium & actualium phantasiæ, renitentes intellectui, de similitudine actualium, tanquam in speculo naturæ puritatis ipsius animæ, quas græci *εἰκόνες* siue *εἰκονόφαντες* appellant, hoc est rerum imagines in mente apparentes. anima enim quasi reuerberata acie contemplationis suæ, in seipsa repperit, quod diffinit. Nam & eius exemplar in ipsa est, exemplum verò in actualibus. Sicut enim cum in gràmatica dicitur, *nomina quæ sic desinunt, feminina, vel neutra sunt*, generalis quædā præscribitur ratio; quæ quasi multorū declinabilium exempla

plar est, exēpla verò in omnibus illius terminati-  
onis dictionibus manifesta sunt, sic quædā exē-  
plaria concipiuntur in mentē quorum exempla  
natura formauit & sēsis obijcit. Illa itaq. exē-  
plaria, cogitabilia quidem sunt, & sunt quasi  
phantasiæ & vmbre existentium, secundum A-  
ristotelem: quas si quis apprehendere nititur  
per existentiam, quam habeant à singularibus  
separatam, velut somnia elabuntur. Monstra  
enim sunt, & soli intellectui patent. Quod au-  
tem vniuersalia dicuntur esse substantialia sin-  
gularibus, ad causam cognitionis referendum  
est, singulariumque naturam. Hoc enim in sin-  
gulis patet, siquidem inferiora, sine superiori-  
bus, nec esse, nec intelligi possunt. homo nam-  
que non est, nisi sit animal. sed nec intelligitur  
homo, quin cointelligatur animal. quoniam  
homo est animal tale. Sic in Platone, homo  
quoniam Plato & est & intelligitur, talis autem  
iste homo. Ad hoc autem vt sit homo, exigi-  
tur esse animal, nec conuertitur, vt animal esse  
non possit, aut intelligi, si non sit, aut non in-  
telligatur homo. Nam in ratione hominis, *ani-*  
*mal*; sed non in animalis ratione est homo. Quia  
ergo tale, exigit tale, & non exigitur à tali, tam  
ad essentiam, quam ad notitiam, ideo hoc illi  
substantiale dicitur esse. Idem est in indiuiduis,  
quæ exigunt species, & genera; sed nequaquam  
exiguntur ab eis. hoc enim nec substantiam ha-  
bebit, nec in notitiam veniet, nisi sit species aut  
genus. i. nisi quid sit, aut innotescat tale, vel ta-  
le. Vniuersalia tamen & res dicuntur esse, & ple-  
rumque simpliciter esse: sed non ob hoc, aut

moles corporum, aut subtilitas spirituum, aut singularium discreta essentia in eis attendenda est. Nā & ea, quæ iacent sub affirmatione & negatione *res* dicuntur, & vera sapissimè dicuntur esse. nec tamen substantijs vel accidentibus aggregantur, aut nomē *suspiciunt* creatoris aut creature.

Siquidem, ut ait *Vlgerius* venerabilis Andegavorum Episcopus in *venalitis disciplinarum, gratiosum ad inuicem debet esse verbi commercium*. Nam in philosophantium foro exuberat bonitas & verba distrahuntur ad gratiam. Itaque detur ut sint vniuersalia, aut etiam ut res sint, si hoc pertinacibus placet; non tamen ob hoc verum erit rerum numerum augeri vel minus per eo quod ista non sunt in numero rerum. Si quis vniuersalia seorsim recenscat, numero quidem inueniet esse subiecta; sed cui singularium numerus non aggregatur. sicut enim collegijs aut corporibus non connumerantur capita, aut capitibus corpora, sic nec vniuersalia singularibus, nec singularia numeri accessione vniuersalibus accrescunt, numerus enim duntaxat illa completitur, quæ eiusdem rationis sunt, & quæ in singulis rerum generibus natura discretuit. Nihil autem vniuersale est, nisi quod in singularibus inuenitur. seorsim tamen à multis quæsitum est, sed tandem nihil inuenerunt omnes in manibus suis. quoniam seorsim à singularibus, nihil est. nisi fortè qualia sunt vera, aut similia complexorum significata sermonum. Nec moueat quod singularia & corpora, exempla sunt vniuersalium & incorporealium. cum omnis ratio *gerendi* (ut ait August.) incorporea sit, & in-



sensibilis. Illud tamen quod geritur, & actus, quo geritur, plerumque sensibilis sit. Ergo quod mens communiter intelligit, & ad singularia multa æquè pertinet quod vox communiter significat, & æquè de multis verum est, indubitanter vniuersale est. Sed & hoc ipsum, scilicet quod intelligitur, quod significatur, benignius interpretandum est, vt nequaquam ad disputandi decurratur angustias, & artis grammaticæ subtilitatem; quæ ex sui naturâ, nisi venia licentiæ impetrata, demonstratiuas dictiones, infinitas esse non patitur: sed nec relatiuas, vagas esse permittit, quin earum significatio, aut determinatione personæ, aut actus, aut actiuis alterius coarctetur. siquidem relatiua dictio est, quæ significat rē, vt de qua præcessit sermo, vel cogitatio. Itaque cum dicitur sapiens est, & felix, *qui* bona nouit, & ea fideliter exercet, relatiuæ dictiones, scilicet *qui* & *ea*, etiam si personam non exprimant, actus cognoscendi determinatione, à sua quodammodo infinitate arctantur. Necessè tamen est aliquem vnum dictionibus subesse, qui & bona nouerit, & exerceat, & ex eo sit felix.

Nam vt nihil certum & finitum sit, in quod cadat relatio, non contingit, sine vitio aut figura. vnde si equus promittatur in genere, & dicat stipulator, equus qui mihi promissus est, sanus aut æger est, cū omnis equus sit aut sanus aut æger, arguitur nugari, eo quod non est equus, qui sit ei promissus: non dico, *non est*, eo quod non existat, nam & illud quod non existit, vt partus Arethuse, in certissimam deducitur obligationem, sed

quia species, id est res discreta, obligationem generis non attingit. Cum enim dico, quòd promittitur, quòd significatur, quòd intelligitur, & similia, discretum aliquid promissioni, aut significationi subiectum est: si tamen propria est ipsa relatio, fiunt tamen relationes in genere, quæ, salvo intellectu veri, nequeunt reuocari ad speciem. vt cum dicitur, *mulier quæ saluauit, dānauit. Lignum quod mortis, & vitæ causam dedit: & quas boreas aufert, reuehit mitis Zephyrus frondes* sic & in iis, quæ prædixi, relatiuas dictiones accipiendas arbitror, vt non decurrant ad speciem; id est ad definitum aliquod, quod discernant, sed subsistant in genere. Puta quod significatur hoc nomine *homo* species est, quoniam & homo significatur: & homo animalium species est. Quod significatur hoc nomine *animal*, est genus: nam & animal significatur, & animal genus rerum est. est enim significatum vocis, in quod descendit, aut quod animus rationabiliter concipit ex voce audita. Itaque qui audit hanc vocem homo nec omnes percurrit homines, (quoniam hoc infinitum, & vires excedit.) nec tenetur in vno; quoniam hoc imperfectum & ad doctrinam parum. Sic & qui definit animal esse substantiam animatam, atque sensibilem non aliquid, ne imperfectum, nec omne definit, ne laboret in infinitum. singulum enim horum non simpliciter quid significat, aut definit, sed potius quale quid, non enim simpliciter hoc, sed potius quid tale. simile est quod Galenus in *πρῶτῃ* medicinam dicit scientiam sanorum aegrorum & neurotorum. Non inquit omnium,

quoniam hoc infinitum, non quorundam, quoniam hoc ad artem imperfectum, sed potius <sup>minus</sup> ~~quorum~~ <sup>magis</sup> ~~qualsum~~. Item Aristoteles, Genera, inquit & species, circa substantiam, qualitatem determinant. Non enim simpliciter *quid*, sed quodam modo *quale quid* determinant. Item in Elenchis: homo & omne commune, non *hoc aliquid* sed *quale quid*, vel *ad aliquid aliquo modo*, vel *huius modo* quid significat. Et post pauca: manifestum quoniam non dandum *hoc aliquid esse*, quod communiter prædicatur de omnibus, sed aut quale, aut ad aliquid, aut quantum, aut talium quid, significare. Profectò quòd non est *hoc aliquid*, significatione expressa non potest explanari quid sit, existentium enim à natura certus est finis, & singula suis ab invicem proprietatibus discreta sunt, sed eorumdem est plerumque minus finita cognitio, & quodam modo conceptio vaga. Nec istis præiudicat, quod ferè in omnium ore celebre est aliud, scilicet esse quod appellatiua significant, & aliud esse quod nominant, Nominantur singularia, sed vniuersalia significantur. plane si relationem simplicem, quæ sit in genere, quis attendat, præcedentibus nihil obest, Si verò discretionem quærit, fortè non palam est, quòd discernat. Regulariter præditum est, quia Demonstratio, primam, relatio, secundam facit cognitionem. Porro cognitio, rem, quatenus nouit, sibi, quadam mentis capacitate definiens, circumscribit. vt nec prima, nec secunda possit procedere cognitio, si res vsquequaque occurrat animo infinita. Omnis enim scientia, siue notitia creaturæ, finita est: solius autem, Dei

quoniã infinitus est, scientia infinita: suo tamen fine, scilicet infinito, quamlibet infinita, certissimè *definit*, & immensitatis suæ scientia, & sapientia cuius numerus, aut finis nō est, *circumscribit*. Sed nos modulum humanum prosequimur, qui non primam, non secundam, non tertiam, sed nec aliquam rei infinitæ, nisi quod ignota, quatenus infinita est, sibi scientiæ gloriam vendicat. Omnis itaque dictio, quæ demonstratiuè aut relatiuè significat, aut non satis propriè ponitur, aut certo, & sua ratione definito innititur subiecto. Alioquin suo priuabuntur officio. cum ratio cognitionis certitudinis finem quærat, aut teneat. Frequens tamen est usurpatio, & illicitorum ex causa commoditatis, plerumque multus est vsus. Admittitur itaque non modo ad cauillationem eorum, quibus de quavis materiâ satis est *oggarrire*. sed etiã ad statuendam, in auditoribus bonæ fidei, veri intelligentiam, *quia omnis homo diligit se*. Quod si ex relatiuæ dictionis proprietate discutias, incongruè dictum fortè causaberis, & falsum. *quidem nec omnis omnem diligit*. nec aliquis est qui diligitur ab omni, vt siue collectiuè siue distributiue accipiat, quod dictum est, omnis, pronomen relatiuum, *se*, quod subiungitur, nec vniuersitati singulorum, nec aliqui omnium, veraciter aptetur. Est itaque licentiosa relatio: & quasi legis suæ venia impetrata, fidem vniuersalis de singularium veritate conuincit. Quoniam enim in singulis verum est, quia quisque diligit se, & distributiua ratione quadam, de vniuersis in commune affirmatur, *quod omnis homo diligit se*,

benignius quidem accepta relatione, *quàm* *ut*, ex angustia Grammaticæ, vel vniuersitatem colligat, vel aliquod singulorum, ab vniuersitate singulatim excerpatur. Vnde ex sententia eorum, qui angustis & subtilitatibus semper insistant, nec bonæ fidei rationem in colloquiis aut lectionibus curant, hæc potius enuntiationis forma est, quàm regularis formæ enuntiatio. Idem quoque asserunt, quotiens pronominis sit ad nomen appellatiuum relatio, eo quod pronomen, quod semper, demonstratiuum, aut relatiuum est, proprii nominis expleat vicem, si tamen primæ inuentionis causæ rectè respondeat. Nam interdum ex indulgentia satius euagatur. itaque cum dicitur, si aliquid est homo, illud est animal, non tam hypotheticæ dictionis consequentia est, quam, in hypotheticè dicendis, consequentiæ forma. Illud enim quod dicitur, nec refertur ad hominem, ex angustia disputandi, nec *aliò* patet certum quid, quo referatur. Vnde & importunitates multæ, ab his, qui rerum ignaros, aut benigniores ingenij homines vexant, cum ipsi inquieti obiurgatores, & peruciaci instantiæ insistentes, aut ex ignorantia, aut ex proteruitate laborent, aut auuiditate conproficiendi. Ergo sicut cognitio certitudinem quærit, sic *demonstratiua*, & *relatiua*, quæ aut primam aut alteram faciunt cognitionem, certo & definito innituntur subiecto, & illud, si propriè fuerint posita, animo singulariter ostendunt. Sed esto, ut *statum aliquem* generalem, appellatiua significant: Non enim confectionibus delector, qui me in his quæ sunt dubi-

fabilia sapienti, academicum esse pridem professus sum. Status ille quid sit, in quo singula vniuntur, & nihil singulorum est, & si aliquo modo somniare possim; tamen quomodo sententiae Aristotelis coaptetur, qui vniuersalia non esse contendit, non perspicuum habeo. Sed & nomina, quae praemissi, *incorporeum*, & insensibile, vniuersalibus conuenire, priuatiua in eis diu taxat sunt, nec proprietates aliquas, quibus natura vniuersalium discernatur, illis attribuant. Siquidem nihil incorporeum, aut insensibile, vniuersale est. Nam quicquid incorporeum est, aut Spiritus est, aut proprietas corporis, aut Spiritus. Quod si in rem vniuersalem non cadit, utique non recte *incorporeum* suscipit nomen. quod est autem incorporeum, quod non sit substantia creata à Deo, vel ipsi concretum. Ita si vniuersalia incorporea sunt, aut sunt substantiae, corpora scilicet, aut Spiritus, aut concreta his, & ex causa suae existentiae, & quodam substantiae contactu, sunt obnoxia creatori. valeant autem, imo dispereant vniuersalia, si ei obnoxij non sunt. Omnia per ipsum facta sunt, *Utique tam subiecta formarum, quam formae subiectorum.* Vt sint quod à suis qualitatibus, vel à suis affectibus dicuntur. ut substantia ab eo substantia sit, sit quanta, sit qualis, sit ad aliquid, sit alicubi, sit aliquando, & aliquid habeat, aut faciat, aut patiat, illo auctore, per quem est omnis substantia, omnis proprietas substantiae, & omnis pars, omnis quoque compago partium, formae quoque tam substantiales, quam accidentales, habent ab ipso ut sint, & ut suos in subie-

etis operantur effectus. quod itaque ei obno-  
 xium non est, omnino nihil est. licet enim Stoi-  
 ci Deo ponant materiam coeternam, & formæ  
 dicant nullum extitisse principium, tria ponen-  
 tes principia materiam, formam & Deum, non  
 creatorem quidem, sed prædictorum concilia-  
 torem & alij quidam professione, & affectu phi-  
 losophi, sed nequaquam ad plenum veri noti-  
 tiam assequentes, plura mentiantur principia.  
 rerum omnium vnum principium est, à quo  
 quicquid vero nomine censetur aliquid. Ut  
 enim ait Augustinus, formatam creauit Deus  
 materiam. Siquidem, etsi alicubi dicatur *infor-*  
*mis*, nunquam omnino extitit sine formis. In-  
 uestigationi ergo ratio, non actui seruit, quo-  
 niam *ἄλλω*, quæ informis nec est, nec esse, sed  
 nec plenè intelligi, potest, deductis quodammo-  
 do formarum exuuiis vsque ad quandam nuditatem  
 sui, propriūque defectum intellectus pro-  
 sequitur. vires enim rationis quodammodo cir-  
 ca rerum principia euanescent. Inde est, quod  
 Boecius, in libro contra Nestorium & Euty-  
 chem, naturam definiens, ait illam esse earum  
 rerum, quæ cum sint, quoque modo intellectu  
 capi possunt. Exponens autem vim definitio-  
 nis, *quoque modo, hoc verbum*, propter Deum &  
 materiam dicit appositum. quia in eorum scruti-  
 nio humanus deficit intellectus. Porro mate-  
 riam Deus fecit ex nihilo. ipsique materiæ con-  
 creta est forma: eo quod simul æquè de nihilo  
 creata: ita tamen, vt sicut *discretionis* formæ, ita  
 priuilegium existendi, materiæ relinquatur.  
 Quodam enim modo, per materiam existit for-

iungit inanis est : Abstrahens, verò fidelis, & quasi quædam officina omnium artium. Et quidem rebus existendi vnus est modus, quem scilicet natura contulit, sed easdem intelligendi aut significandi non vnus est modus. Licet enim esse nequeat homo, qui non sit iste, vel alius homo, intelligi tamen potest & significari : ita quòd nec intelligatur, nec significetur iste vel alius. Ergo ad significationem incomplexorum per abstrahentem intellectum genera concipiantur & species. quæ tamen, si quis in rerum natura, diligentiùs à sensibilibus remota, quærat, nihil aget & frustra laborabit. Nihil enim tale natura peperit. Ratio autem ea deprehendit, substantialem similitudinem rerum differentium pertractans apud se, diffinitque sicut Boëtius ait, generale conceptum suum, quod de hominum conformitate perpendit, sic, *animal rationale mortale*. Quod vtique, nisi in singularibus, esse non potest. Sunt itaque genera & species non quidem res à singularibus actu & naturaliter alienæ, sed quædam naturalium & actualium phantasiæ, renitentes intellectui, de similitudine actualium, tanquam in speculo nativæ puritatis ipsius animæ, quas græci *εἰκόνες* siue *ἰκονόφανες* appellant, hoc est rerum imagines in mente apparentes. anima enim quasi reuerberata acie contemplationis suæ, in seipsa repperit, quod diffinit. Nam & eius exemplar in ipsa est, exemplum verò in actualibus. Sicut enim cùm in gràmatica dicitur, *nomina quæ sic desinunt, feminina, vel neutra sunt*, generalis quædā præscribitur ratio; quæ quasi multorù declinabilium exempla



plar est, exēpla verò in omnibus illius terminationis dictionibus manifesta sunt, sic quædā exēplaria concipiuntur in mente quorum exempla natura formanit & sēsis obijcit. Illa itaq. exēplaria, cogitabilia quidem sunt, & sunt quasi phantasiæ & vmbre existentium, secundum Aristotelem: quas si quis apprehendere nititur per existentiam, quam habeant à singularibus separatam, velut somnia elabuntur. Monstra enim sunt, & soli intellectui patent. Quod autem vniuersalia dicuntur esse substantialia singularibus, ad causam cognitionis referendum est, singulariumque naturam. Hoc enim in singulis patet, siquidem inferiōra, sine superioribus, nec esse, nec intelligi possunt. homo namque non est, nisi sit animal. sed nec intelligitur homo, quin cointelligatur animal. quoniam homo est animal tale. Sic in Platone, homo quoniam Plato & est & intelligitur, talis autem iste homo. Ad hoc autem vt sit homo, exigitur esse animal, nec conuertitur, vt animal esse non possit, aut intelligi, si non sit, aut non intelligatur homo. Nam in ratione hominis, *animal*; sed non in animalis ratione est homo. Quia ergo tale, exigit tale, & non exigitur à tali, tam ad essentiam, quam ad notitiam, ideo hoc illi substantiale dicitur esse. Idem est in indiuiduis, quæ exigunt species, & genera; sed nequaquam exiguntur ab eis. hoc enim nec substantiam habebit, nec in notitiam veniet, nisi sit species aut genus. i. nisi quid sit, aut innotescat tale, vel tale. Vniuersalia tamen & res dicuntur esse, & plerumque simpliciter esse: sed non ob hoc, aut

moles corporum, aut subtilitas spirituum, aut singularium discreta essentia in eis attendenda est. Nā & ea, quæ iacent sub affirmatione & negatione *res* dicuntur, & vera sæpissimè dicuntur esse. nec tamen substantijs vel accidentibus aggregantur, aut nomē *suspirant* creatoris aut creature.

Siquidem, ut ait *Algierius* venerabilis Andegavorum Episcopus in *venalitate disciplinarum*, *gratiosum ad inuicem debet esse verbi commercium*. Nam in philosophantium foro exuberat bonitas & verba distrahuntur ad gratiam. Itaque detur ut sint vniuersalia, aut etiam ut res sint, si hoc pertinacibus placet; non tamen ob hoc verum erit rerum numerum augeri vel minus per eo quod ista non sunt in numero rerum. Si quis vniuersalia seorsum recenscat, numero quidem inueniet esse subiecta; sed cui singularum numerus non aggregatur. sicut enim collegijs aut corporibus non connumerantur capita, aut capitibus corpora, sic nec vniuersalia singularibus, nec singularia numeri accessione vniuersalibus accrescunt, numerus enim duntaxat illa completitur, quæ eiusdem rationis sunt, & quæ in singulis rerum generibus natura discreuit. Nihil autem vniuersale est, nisi quod in singularibus inuenitur. seorsum tamen à multis quæsitum est, sed tandem nihil inuenerunt omnes in manibus suis. quoniam seorsum à singularibus, nihil est. nisi fortè qualia sunt vera, aut similia complexorum significata sermonum. Nec moueat quod singularia & corporea, exempla sunt vniuersalium & incorporealium. cum omnis ratio *gerendi* (ut ait August.) incorporea sit, & in-

sensibilis. Illud tamen quod geritur, & actus, quo geritur, plerumque sensibilis sit. Ergo quod mens communiter intelligit, & ad singularia multa æquè pertinet quod vox communiter significat, & æquè de multis verum est, indubitanter vniuersale est. Sed & hoc ipsum, scilicet quod intelligitur, quod significatur, benignius interpretandum est, vt nequaquam ad disputandi decurratur angustias, & artis grammaticæ subtilitatem; quæ ex sui naturâ, nisi venia licentiæ impetrata, demonstratiuas dictiones, infinitas esse non patitur: sed nec relationes, vagas esse permittit, quàm earum significatio, aut determinatione personæ, aut actus, aut actiuis alterius coarctetur. siquidem relatiua dictio est, quæ significat rē, vt de qua præcesit sermo, vel cogitatio. Itaque cum dicitur sapiens est, & felix, *qui* bona nouit, & *ea* fideliter exercet, relatiuæ dictiones, scilicet *qui* & *ea*, etiam si personam non exprimant, actus cognoscendi determinatione, à suâ quodammodo infinitate arctantur. Necesse tamen est aliquem vnum dictionibus subesse, qui & bona nouerit, & exerceat, & ex eo sit felix.

Nam vt nihil certum & finitum sit, in quod cadat relatio, non contingit, sine vitio aut figura. vnde si equus promittatur in genere, & dicat stipulator, equus qui mihi promissus est, sanus aut æger est, cū omnis equus sit aut sanus aut æger, arguitur nugari, eo quod non est equus, qui sit ei promissus: non dico, *non est*, eo quod non existat, nam & illud quod non existit, vt partus Arcturæ, in certissimam deducitur obligationem, sed

quia species, id est res discreta, obligationem generis non attingit. Cum enim dico, quod promittitur, quod significatur, quod intelligitur, & similia, discretum aliquid promissioni, aut significationi subiectum est: si tamen propria est ipsa relatio, fiunt tamen relationes in genere, quæ, saluo intellectu veri, nequeunt retocari ad speciem. ut cum dicitur, *mulier quæ saluauit, dānauit. Lignum quod mortis, & vitæ causam dedit: & quas boreas aufert, reuehit mitis Zephyrus frondes* sic & in iis, quæ prædixi, relatiuas dictiones accipiendas arbitror, ut non decurrant ad speciem; id est ad definitum aliquod, quod discernant, sed subsistant in genere. Puta quod significatur hoc nomine *homo* species est, quoniam & homo significatur: & homo animalium species est. Quod significatur hoc nomine *animal*, est genus: nam & animal significatur; & animal genus rerum est. est enim significatum vocis, in quod descendit, aut quod animus rationabiliter concipit ex voce audita. Itaque qui audit hanc vocem homo nec omnes percurrit homines, (quoniam hoc infinitum, & vires excedit) nec tenetur in vno; quoniam hoc imperfectum & ad doctrinam parum. Sic & qui definit animal esse substantiam animatam, atque sensibilem non aliquid, ne imperfectum, nec omne definit, ne laboret in infinitum. singulum enim horum non simpliciter quid significat, aut definit, sed potius quale quid, non enim simpliciter hoc, sed potius quid tale. simile est quod Galenus in *texm* medicinam dicit *scientiam sanorum ægrorum & neutrorum*. Non inquit omnium,

quoniam hoc infinitum, non quorundam, quoniam hoc ad artem imperfectum, sed potius *quorum qualium*. Item Aristoteles, Genera, inquit & species, circa substantiam, qualitatem determinant. Non enim simpliciter *quid*, sed quodam modo *quale quid* determinant. Item in Elenchis: homo & omne commune, non *hoc aliquid* sed *quale quid*, vel *ad aliquid aliquo modo*, vel *huius modo* quid significat. Et post pauca: manifestum quoniam non dandum *hoc aliquid esse*, quod communiter prædicatur de omnibus, sed aut quale, aut ad aliquid, aut quantum, aut talium quid, significare. Profectò quod non est *hoc aliquid*, significatione expressa non potest explanari quid sit. existentium enim à natura certus est finis, & singula suis ab invicem proprietatibus discreta sunt, sed eorundem est plerumque minus finita cognitio, & quodam modo conceptio vaga. Nec istis præiudicat, quod ferè in omnium ore celebre est aliud, scilicet esse quod appellativa significant, & aliud esse quod nominant, Nominantur singularia, sed vniuersalia significantur. plane si relationem simplicem, quæ sit in genere, quis attendat, præcedentibus nihil obest, Si verò discretionem quærit, fortè non palam est, quòd discernat. Regulariter proditum est, quia Demonstratio, primam, relatio, secundam facit cognitionem. Porro cognitio, rem, quatenus nouit, sibi, quadam mentis capacitate definiens, circumscribit. vt nec prima, nec secunda possit procedere cognitio, si res vsquequaque occurrat animo infinita. Omnis enim scientia, siue notitia creaturæ, finita est: solius autem, Dei

quoniā infinitus est, scientia infinita: suo tamen fine, scilicet infinito, quamlibet infinita, certissime *definit*, & immensitatis suæ scientia, & sapientia cuius numerus, aut finis nō est, *circumscribit*. Sed nos modulum humanum prosequimur, qui non primam, non secundam, non tertiam, sed nec aliquam rei infinitæ, nisi quod ignota, quatenus infinita est, sibi scientiæ gloriam vendicat. Omnis itaque dictio, quæ demonstratiuè aut relatiuè significat, aut non satis propriè ponitur, aut certo, & sua ratione definito innititur subiecto. Alioquin suo priuabūtur officio. cum ratio cognitionis certitudinis finem quærat, aut teneat. Frequens tamen est vsurpatio, & illicitorum ex causa commoditatis, plerumque multus est vsus. Admittitur itaque non modo ad cauillationem eorum, quibus de quavis materiâ satis est *oggarrire*. sed etiā ad statuendam, in auditoribus bonæ fidei, veri intelligentiam, *quia omnis homo diligit se*. Quod si ex relatiuæ dictionis proprietate discutias, incongruè dictum fortè causaberis, & falsum. *quidem nec omnis omnem diligit*. nec aliquis est qui diligatur ab omni, vt siue collectiuè siue distributiue accipiatur, quod dictum est, omnis, pronomen relatiuum, *se*, quod subiungitur, nec vniuersitati singulorum, nec aliqui omnium, veraciter aptetur. Est itaque licentiosa relatio, & quasi legis suæ venia impetrata, fidem vniuersalis de singularium veritate conuincit. Quoniam enim in singulis verum est, quia quisque diligit se, & distributiua ratione quadam, de vniuersis in commune affirmatur, *quod omnis homo diligit se*,

benignius quidem accepta relatione, *quam* ut, ex angustia Grammaticæ, vel vniuersitatem colligat, vel aliquod singulorum, ab vniuersitate singulatin excerpit. Vnde ex sententiâ eorum, qui angustis & subtilitatibus semper insistant, nec bonæ fidei rationem in colloquiis aut lectionibus curant, hæc potius enuntiationis forma est, quàm regularis formæ enuntiatio. Idem quoque asserunt, quotiens pronominis sit ad nomen appellatiuum relatio, eo quod pronomen, quod semper, demonstratiuum, aut relatiuum est, proprii nominis expleat vicem, si tamen primæ inuentionis causæ rectè respondeat. Nam interdum ex indulgentia satius euagatur. itaque cum dicitur, si aliquid est homo, illud est animal, non tam hypotheticæ dictionis consequentia est, quam, in hypotheticè dicendis, consequentiæ forma. Illud enim quod dicitur, nec refertur ad hominem, ex angustia disputandi, nec *aliò* patet certum quid, quo referatur. Vnde & importunitates multæ, ab his, qui rerum ignaros, aut benigniores ingenij homines vexant, cum ipsi inquieti obiurgatores, & perniciaci instantiæ insistentes, aut ex ignorantia, aut ex præteruitate laborent, aut auiditate conproficiendi. Ergo sicut cognitio certitudinem quærit, sic *demonstratiua*, & *relatiua*, quæ aut primam aut alteram faciunt cognitionem, certo & definito innituntur subiecto, & illud, si propriè fuerint posita, animo singulariter ostendunt. Sed esto, vt *statim aliquem* generalem, appellatiua significant: Non enim confectionibus delector, qui me in his quæ sunt dubi-

ctis operantur effectus. quod itaque ei obnoxium non est, omnino nihil est. licet enim Stoici Deo ponant materiam coeternam, & formæ dicant nullum extitisse principium, tria ponentes principia materiam, formam & Deum, non creatorem quidem, sed prædictorum conciliatorem & alij quidam professione, & affectu philosophi, sed nequaquam ad plenum veri notitiam assequentes, plura mentiantur principia. rerum omnium vnum principium est, à quo quicquid vero nomine censetur aliquid. Vt enim ait Augustinus, formatam creauit Deus materiam. Siquidem, etsi alicubi dicatur *informis*, nunquam omnino extitit sine formis. Inuestigationi ergo ratio, non actui seruit, quoniam *ἄλιν*, quæ informis nec est, nec esse, sed nec plenè intelligi, potest, deductis quodammodo formarum exuuiis vsque ad quandam nuditatem sui, propriūque defectum intellectus prosequitur. vires enim rationis quodammodo circa rerum principia euanescent. Inde est, quod Boecius, in libro contra Nestorium & Eutychem, naturam definiens, ait illam esse earum rerum, quæ cum sint, quoque modo intellectu capi possunt. Exponens autem vim definitionis, *quoque modo, hoc verbum*, propter Deum & materiam dicit appositum. quia in eorum scrutinio humanus deficit intellectus. Porro materiam Deus fecit ex nihilo. ipsique materiæ concreta est forma: eo quod simul æquè de nihilo creata: ita tamen, vt sicut *discretionis* formæ, ita priuilegium existendi, materiæ relinquatur. Quodam enim modo, per materiam existit for-



ma. Sicut discernitur materia ipsa, performam. Nam nec forma, res per se existens est, nec materia sine formæ beneficio, discreta. Chaos erit, aut potius mundus sensibilis nihil erit nisi rerum effigies, formis adhibitis natura componat. Eo spectat illud Boetij in primo de Trinitate, *omne esse, ex forma est*, quod & subiectis declarat exemplis. Statua enim, inquit, non habere, quod materia eius est statua, dicitur: sed ab Hectorea vel Achillea formâ, quæ æri impressæ sunt. Item æs, non à terra, quæ eius materia est, æs dicitur, sed à formis quas à natura accepit. terra quoque ipsa, non *ἡ ἀπὸ τοῦ ὕλης*, quæ materia eius est dicitur terra, sed à siccitate & gravitate, quæ formæ sunt. cuilibet ergo, esse quod est, aut quale, aut quantum, est, à forma est. Sed sicut materia habet ut possit hoc esse, aut tantum, aut tale? sic & formæ habent à conditore ut possint vel hoc aliquid facere, puta animal aut lignum, aut tantum, aut tale. cæterum etsi mathesis, quæ doctrinaliter in abstractionibus versatur, & subtilitate sua, naturaliter coniuncta, disiungit, hæc vicissim separatimque discutiat, ut natura compositorum fidelius & expressius teneatur? tamen alterum sine altero esse non potest, ut vel materia sit informis, vel forma sine subiecto sit maius. *Alterius sic altera possit opem res & coniurat amicè.* unde ab initio creata memorantur cælum & terra. Deinde ornatus tam eorum quàm illorum quæ interiecta sunt media, inter ignem & aquam quæ quasi prima mundani corporis fundamenta iecit Deus & in ipsa expressione rerum

habita est mentio specierum. non illarum dico, quas Logici fingunt non obnoxias creatori: sed formarum, in quibus res prodierunt primo in essentiam suam, & in humanum intellectum demum. nam hoc ipsum quod aliquid cælum aut terra dicitur, formæ effectus est. Item produxit, inquit, terra herbam virentem, & lignum tale vel tale: vt materiæ formas doceret esse concretas & Deum, sicut herbæ, ita & viroris auctorem. nam sine eo factum est nihil, sed profectò quicquid ab vno principio est, vnū numero est, ipsumque bonum imo & valde bonum, quoniā ab optimo est. voluit enim Deus cuncta similia sui effici, prout natura cuiusque, ex diuinæ dispositionis decreto, capax bonitatis esse poterat. Et sic facta sunt approbante Deo, opifice rerum, cuncta quæ fecerat, valde bona. Ergo si genera & species à Deo non sunt, omnino nihil sunt. quod si vnumquodque eorum ab ipso est, vnum planè, & idem bonum est. Si autem quid vnum numero est, protinus & singulare est. nam quod quidam vnum aliquid dicunt, non quod in se, sed quod multa viuat, expressa plurium conformitate, articulo presenti non derogant. illud enim nec statim, nec satis vnum est, aut vtique singulare est. quantumlibet conformia sint opera Dei omnia singularia sunt vicissim discreta, *illo sic disponente, qui omnia creauit in numero, ad distinctionem, & pondere, ad generis dignitatem, & mensurâ ad modum quantitatis certæ, infinitam sibi referuans in omnibus auctoritatem.* Cætera enim omnia finita sunt. Omnis namque substantia, accidentium pluralitate, numero subest. Acci-

dens autem omne, & forma quolibet, itidem numero subiaceret: sed non accidentium aut formarum participatione, sed singularitate subiecti. habet itidem *pondus suum*, vel pro veneratione formæ, si substantia est, vel pro dignitate effectus, si sit forma. Hinc est, quod hominem, in substantiis, ex formæ reuerentia, brutis præferimus: quoniam rationalis est, & rationalitatem præponimus colori, eo quod facit rationale, *mensura* verò in eo consistit, quod res omnis certâ quantitatis lege finitur: ut nec accidens siue forma, rem subiectam, nec res subiecta, a cidentis, aut formæ, modum excedat. Nam & color in toto diffunditur corpore eiusque termino limitatur: & corpus ad coloris disponitur quantitatem, nec excedit, nec infra subsistit. sic & quodlibet accidens, in toto sui subiecto est totaliter, se totum, partialiter, si pro parte. Et quodlibet subiectum accidentis sui limitibus coequatur. Hoc idem de generibus & speciebus protestari non vereor. quin mundo reclamante dicam *quoniam à Deo sunt*, aut omnino nihil sunt. Clamat mecum & *Dionysius Areopagita*, & numerum, quo discernitur, pondus quo statuitur, mensuram, quâ diffiniuntur, omnia Dei dicite imaginem. *Siquidem Deus, sine numero, numerus est, pondus sine pondere, sine quantitate, mensura. in quo solo creata sunt omnia, quæ facta sunt, in numero, pondere & mensura.* Vnde Augustinus, *inuisibiles differentias inuisibilium, solus ille ponderare potuit, qui omnia in numerum pondere & mensura disposuit. id est. in seipso, qui est mensura, omni rei modum præfigens: & numerus, omni rei speciem præbens, & pondus, om-*

nem rem ad stabilitatem trahens, id est, terminans, & formans, & ordinans omnia. In operibus sex dierum in genere suo bona, singula creata memorantur nec tamen creationis vniuersalium, mentio aliqua facta est: nec oportuit quidem, si essentialiter singularibus vnita sunt, aut si Platonium dogma obtineat. alioquin vnde esse habeant, aut ceperint, nusquam memini me legisse. Ergo duntaxat intelliguntur, secundum, Arist., vniuersalia: sed in actu rerum nihil est quod sit vniuersale. à modo enim intelligendi figuralia hæc, & licenter quidem, & doctrinaliter, nomina indita sunt. Nam omne quod homo est, iste vel ille est, id est, res singularis est: sed quia intelligi potest homo, ita quod nec iste intelligatur, nec ille, nec aliquid singularitate essentiae vnum, & secundum intellectum illū deliberari potest de re subiecta, (i). actualiter exemplificari, ob intellectus communitatem, res quæ sic intelligi potest, & si à nullo intelligatur dicitur esse communis: res enim sibi conformes sunt, ipsamque conformitatē deductā rerum cogitatione, perpendit intellectus. Siquidem homo homini conformis est, in eo quod vterque est homo, & si personalibus proprietatibus differant. Habet autem commune cum equo (à quo totā specie, (i.), vniuersa naturæ suæ formā, (& ut sic dixerim, totā facie dissidet) quod viuunt & sentiunt, scill., quod animalia sunt. Illud itaque in quo conueniunt homines, naturæ forma similes, & solo numero, (quod hic scilicet vnus, & ille alter) differentes, speciei censetur nomine. Quod autem diuersarum forma-

rum quasi communis imago est, generis suscepit nomen. Ergo, ex sententiâ Arist. , genera & species, non omnino *quid sunt*, sed *quale quid* quodammodo concipiuntur: & quasi quædam sunt figmenta rationis, seipsam, in rerum inquisitione, & doctrinâ, subtilius exercentis. Et hoc quidem fideliter, quia quotiens opus est, agitationis suæ manifestum in rebus producit exemplum. Sic & ius ciuile sua figmenta nouit: & disciplina quælibet, ea per quæ ipsius procedat vltus, excogitare non erubescit, sed proprijs quodammodo figmentis gaudet. Gaudeant inquit Arist. species, Monstra enim sunt; vel, secundum nouam translationem cicadationes enim sunt, aut si sunt, nihil ad rationem. Quod etsi de Platonicis ideis possit intelligi, habita tamen ratione æquiocationis, qua *ens*, vel esse distinguitur, pro diuersitate subiectorum, species & genera vtrumque non sine ratione, esse dicuntur. persuadet enim ratio, vt ea dicantur esse, quorum exempla conspiciuntur in singularibus quæ nullus ambigit esse. Non autem sic dicuntur genera & species exemplaria singularium, vt, iuxta Platonici dogmatis sensum, formæ sint exemplares, quæ in mente diuinâ intelligibiliter constiterint, antequam prodirent in corpora: sed quoniam, si quis eius, quod communiter concipitur, audito hoc nomine, *homo*, aut quod definitur, cum dicitur homo esse animal rationale mortale, quærat exemplum, statim ei Plato aliusue hominum singulorum ostenditur; vt communiter significantis aut definientis ratio solidetur. Possunt & monstra dici quoniam in-

uicem res singulas mōstrant, & monstrantur ab eis. fit enim nunc per priora, nunc per posteriora rerum manifestatio. Quæ autem communiora sunt & priora quidem simpliciter, nam & in alijs intelliguntur, Quæ verò singularia, posteriora. Sed plerumque quæ naturaliter priora sunt, & notiora simpliciter ignotiora sunt nobis. Namque solida, magis, familiariora sunt sensibus. quæ verò subtiliora longius absunt. vt enim ait Arist. punctum, quoniam prius linea. Et simpliciter euidētius, sic & linea. superficies, Superficies soliditate: vnitas, numero, quoniam eius principium est: littera quoque, quam syllaba, & sic in alijs: Nobis tamen ē contrario quandoque accidit. Nam hæc quidem, (i.) posteriora, magis quolibet, Illa autem priora, magis subtili, & abundanti intellectu comprehendere est. Vnde licet per priora melius fiat assignatio posteriorum, & disciplinabilius sit hoc vbique temptare, vrgente tamen necessitate, ob impotentiam sensuum, priorum sæpe fit per posteriora explanatio, vt cum dicitur punctum lineæ, linea superficie, superficies soliditatis, terminus esse. Item vnitas principium numeri momentum temporis, orationis, elementum. Sunt itaque genera & species exemplaria singulorum: sed hoc quidem magis ad rationem doctrinæ (Si Aristoteles verus est) quam ad causam essentiæ procedit. & hæc monstruosa, (vt licentius loquar) figmentorum speculatio vsque ad ventillationem singularem, & cum quælibet substantiarum ex proprietatibus constet, quarum collectio ca-

dem non reperitur in alio abstrahentis intellectu opera, per se rem quamlibet contemplatur. Cum enim Plato esse non possit informis, & expers loci aut temporis, eum ratio quasi nudum deducto respectu quantitatis, & qualitatis aliorumque accidentium, simpliciter intuetur, & indiuiduum nominat. Sed & hoc utique doctrinalis instantiæ, & subtilioris agitationis figmentum est. Nihil enim tale in rebus occurrit: tale quid tamen fideliter intelligitur, hinc fortè est illud in analyticis: *Aristomenes intelligibilis semper est.* Aristomenes autem non semper, quoniam corruptilis est. Et hoc est quidem singulariter indiuiduum, quod solum quidem aiunt posse de aliquo prædicari. Plato enim Aristidis filius nec quantitate ut atomus, nec soliditate, ut adamas, sed nec prædicatione, ut dicunt, indiuiduum est. Ego quidem opinionem hanc vehementer nec impugno nec propugno. Nec enim multum referre arbitror, ob hoc, quod illam amplector indifferentiam in vicissitudine sermonum, sine qua non credo quempiam ad mentem auctorum fideliter peruenire. Quid obest si quemadmodum genus de specie verum est, ita & Plato iste sensibilis de filio Aristidis verus sit, si ei solus Plato est filius. Sicut enim homo animal, & ille est. Plato hoc enim, ex opinione quorundam sensisse visus est Aristoteles in analyticis dicens, *Omnium quæ sunt, hæc quidem sunt talia, ut de nullo alio prædicantur. Verè vniuersaliter, ut Cleos & Callias, & quod singulare & sensibile, de his autem alia: nam & homo & animal utriusque eorum est. Illa verò, ipsa quidem, de aliis prædicantur, de his autem, alia*  
priora

priora non prædicantur. *Alia autem & ipsa de alio & de his alia: ut homo de Callia, & de homine animal.* Quoniam ergo quædam eorum quæ sunt, de nullo nata sunt dici palam, (nam sensibilem pane vnumquodque est huiusmodi vt de nullo prædicentur, nisi vt secundum accidens, Dicimus enim quandoque album illud Socratem esse, & veniens, Calliam) sane inepta videtur hæc distributio; nisi sensibile contingat prædicari non tamen de alio nisi secundum accidens. Si enim nec de se, nec de alio, vt secundum accidens, prædicatur, nec dicti veritas, nec ratio constat exempli. Quod si nec subiici res sensibilis potest. Aristotelem nullus esse mentitum ambigit, aut nugatum. Itaque hic, sicut & alibi, executus est quod decet liberalium artium præceptorem, agens, vt dici solet, Minerva pinguiori, vt intelligeretur: nec in generibus, & speciebus, hanc statuit difficultatem, quam ipsi doctores nequeunt intelligere, nedum sufficiant aliis explanare. Ex hac Minervæ pinguedine, dictum est illud in Topicis, Differentiæ omnes, aut species, aut individua erunt: siquidem sunt animalia: Nam vnumquodque animalium, aut species est; aut individuum. Similiter & illud Boëtij, *Omnis species est suum genus.* Nam omnis homo animal, omnis albedo color. Quid ergo prohibet, iuxta hanc licentiæ rationem, ea quæ sunt sensibilia, vel prædicari vel subiici. Nec opinor autores hanc vim imposuisse sermoni, vt alligatus sit ad vnam, in iuncturis omnibus, significationem, sed doctrinaliter sic esse locutos, vt ubique seruiant intellectui, qui com-



modissimus est, & quē ibi haberi præ cæteris ratio exigit. hoc ipsum ergo quod dicitur prædicari, ab adiūctis, plures significādi cōtinet modos. Poterit tamen fortē vbique aliquam quodāmodo conuenientiam vel inhærentiam designare.

Nam cum sermo de sermone iungibilitatem quandam terminorum veræ affirmationis inuit, cūm de re sermo dicitur prædicari, ostenditur, quod ei talis nuncupatio aptatur. Rem verò de re prædicari interdum notat quoniam hoc est, hoc: puta *Plato homo*: interdum quoniam hoc participat hoc, vt pote subiectum accidentē. Nec erubesco confiteri, quod res de re prædicetur in propositione: etsi res, in propositione non sit: cūm hoc in mente mihi versetur, quod res significetur prædicato termino veræ affirmationis, cuius subiecto aliqua de re agitur, aut res aliqua significatur. Itaque non aduersandum literæ arbitror, *sed amicum*, eique mos gerendus est, in admittenda licentioris verbi indifferentia: nec ad omnem translationem, aut usurpationem discolæ, vt creditur, dictionis lectori vel auditorem decet, dentem exercere caninum. *Quod male fers, assuesce, feres.* Et planè ingratus est, & tam impudentis, quàm imprudentis ingenij, qui ad omnia, se docentis, verba mouetur, & ei in aliquo obtemperare detrectat. Sequamur ergo figuras auctorum, & *singula dicta pensemus ex causis dicendi.* inde enim fidelis sumenda est intelligentia. sed & rei nomen latius pateat, vt possit vniuersalibus conuenire, quæ sic, auctore Aristotele intelliguntur abstracta à singularibus, vt tamē esse nō habeāt, deductis singularibus. hoc enim, sicut, ait ille asserunt, qui genus

vnū numero esse dicunt. Id autem faciunt, qui formas solas ponunt; ideas scilicet, quas cū auctore suo Platone, quoties datur occasio, vehementer impugnat. vnde licet Plato cætum philosophorū grandē & tam Augustinum, quā alios plures nostrorū, in statuēdis ideis habeat assertores, ipsius tamen dogma in scrutinio vniuersaliū, nequaquā sequimur. eò quod hic Peripateticorum principem Aristotelem, dogmatis huius principem profiteamur. Magnum quidem est, & quod Boëtius in secundo commento super Porphyrium, minus arduum fatetur, tantorum virorum diiudicare sententias: sed ei qui Peripateticorum libros aggreditur, magis Aristotelis sententia sequenda est: fortè non quia verior sed plane quia his disciplinis magis accommoda est. Ab hac autem longissimè videntur abscedere, tam illi, qui genera & species, voces esse constituunt, aut sermones, quā alij, qui, præmissis de rerum inuestigatione opinionibus, distrahuntur. Et quidem omnes ab Aristotele pueriliùs aut stolidiùs euagantur. quā Platonici, cuius sententiam agnoscere dedignantur. hæc opinor debere sufficere, quod nec fideliter cum Porphyrio, nec vtiliter cum introducendis, versentur, qui omnium, de generibus, & speciebus recensent opiniones, omnibus obuiant, vt tandem suæ inuentionis erigant titulum: cū hoc à proposito auctoris omnino dissideat, & rotundat *ingenia auditorum*, & alijs articulis, æque necessarijs scitu, locum inquisitionis esse non sinat.



# INCIPIT LIBER TERTIVS.



**N**ON ferè viginti elapsi sunt, ex quo me ab officinis, & palæstrarum qui logicam profitentur, rei familiaris, auulsit angustia, & consilium amicorum quibus non obtemperare nō potui. Exinde, vt ex animi mei sentētia verum fatear, nec in transitu, vel semel Dialecticorum attigi scripta, quæ, vel in artibus vel in cōmentarijs, aut glosemmatibus sciētiam pariunt aut retinent, aut reformant. Alijs namque, & non modò diuersis sed aduersis ferè, occupationibus interim distractus suim: vt vix vel ad horam, & hoc quodammodo furtim, philosophari licuerit. siquidem Alpium iuga transcendendi, decies, egressus Angliam. Apuliam secundò peragraui, dominorum & amicorum negotia, in Ecclesia Romana sæpius gessi. & emergentibus varijs causis non modo Angliam, sed & Gallias multoties circuiui. Ad hæc, cura rei familiaris, sollicitudinum concursus; gerendorum instantia, literis dare operam non sinebant. Vnde me excusatiorem habendum puto, in his quæ obtusius & incultius à me dicta lector inueniet. Ariditas enim linguæ, torpor sensorum, domestica negligo instrumenta, sed

suum, partim præmissis, partim curialibus nugis, ascribēda sunt, partim aduersarij dolo, & impudētiæ, qui instātia pernicaci prouocauit incautū & utcumque respondere coegit inuitum. Mihi itaque illud ethicum facit.

*Omnia fert ætas, animum quoque; sæpè ego longos  
Cantando puerum memini me cedere soles:  
Nunc oblita mihi tot carmina, vox quoque Mærim,  
Iam fugit ipsa.*

Nōne ergo mecū iniquè agitur, si illa iuuenilis exigatur agilitas, si alacritas feruentis ingenij, si memoriæ fides in tāto tumultu rerum, & ætate, circa seria duntaxat occupata, nisi quatenus aut infirmitas carnis, aut negligētia spirit⁹ ex his suborta, per fomité peccati, malitia, ferietatē minuit aut extinguit utiq. sicut virtus, quæ annos præuenit, sic & illa, quæ deficiētes nō deserit, acceptatur. insignē fecit A scaniū. Numanus prostratus à puero, & accessit. Entelli titulis, emerito senī, cedēs triūphis inelitus Dares. *gloriosissimum enim est, si Virtuti natura cedere videatur.* Ego aut iā emeritus & tam ætatis, quàm professionis, aut ordinis priuilegio, si iura procederent, tutus, quodammodo protrahor ad arenam, & deserta & defueta cogor instaurare certamina. Cōditio dura & dira mihi proponitur, ut aut conflictum ineam; quod non expedit, aut, quòd omnino perniciosum est, victus confessione turpi, mendacio adquiescam. Turpitudinem itaque malui declinare. cui aut soli, aut præ cæteris, philosophātis propositum aduersatur. Et quia proprijs non abundo, amicorum omī iam iaculis indifferenter vtor. Non enim, more coxtaneorum no-

ea tantò familiariùs apprehendo, quantò ea certius noui esse fidelium münera amicorum. Rerum enim veritas permanet incorrupta, nec vnquam, quod in se verum est, attestatione noui auctoris euanescit. Quis autem, nisi insulsus, aut ingratus, propositum habebit autenticum, eò quod illud Coriscus Brisso protulit, aut Melissus: æque omnes ignoti, nisi quatenus ab Aristotele exempli gratia, nominati sunt. Et illud idem reprobabit, eò quod à Gilleberto, Abailardo, & Adam nostro, sit prolatum. Vtique non sum ex eis, qui bona temporis sui oderint & coætaneos suos inuideant commendare posteritati. Nemo nostrorum, quem nouerim, asseruit quoniam non est contradicere: aut quod moueri non contingit, aut stadium pertransire, aut quia terra mouetur quoniam omnia secundum Heraclitum moueri contingit qui: sicut ait Martianus, *ardet dum totus in igne est*. ex quo omnia primordialiter compolita esse contendit. Et hæc quidem acceptæ sunt opiniones veterum, eo ipso quod veteres, & nostrorum longè probabiliore, & fideliores, eo quod nostrorum, sunt reprobantur. Dicat vnusquisque quòd sentit. Ego hoc ab inuidia plerumque arbitror prouenire. cum vnusquisque in eo *sua* reputet derogatum, in quo aliquid laudi collatum est alienæ. Ast ego propriam gloriam non affecto, sed illius à quo est quicquid in me vel in alijs bonum est. & illorum honorem desidero, qui mihi contulerunt modicum illud, quod suo vel opinor quoniam academicus sum: idemque mei profectus non erubesco laudare auctores. Ut

enim ait Plinius, *boni ingenij laudabilis indoles est, per quos profectus, confiteri.* Illi quoque qui hoc ipsum nunc in me carpunt, quandoque, auctore Deo, bonorum laudabuntur auctores, quia eos virtutis manet gloria, & beneficio temporis, coarum inuidia euanesceat. Ergo procedat oratio, & quæ antiquatæ occurrent memoriæ, de adolescentiæ studiis, quoniam iucunda ætas ad mentem rediretur, compendiosè percurrat. qui præ cæteris & qualiter legendi sunt alacri commemoratione reuoluens. Quæ verò prætermittenda, aut vitiosè dicta fuerint, obliuioni, tempori & occupationibus imputentur.

## CAPITVLVM. I.

*Quomodo Porphyrium legi oportere &  
alios auctores*

**E**QVI DEM ex animi mei sententia, sic omnem librum legi oportet vt quàm facillimè potest, eorum, quæ scribuntur habeatur cognitio. Non enim occasio querenda est ingrendæ difficultatis, sed vbique facilitas generanda. Quem morem secutum recolo *Peripatetis Abacum Palatinum*. Inde est vt opinor, quod se ad *clar-* puerilem de generibus & speciebus, vt *pacedum*, suorum loquar, inclinauit opinionem: malens instruere & promouere suos in puerilibus, quàm in grauitate philosophorum esse obscurior. Faciebat enim studioliſſimè; quod in omnibus præcipit fieri Aug. id est, *rerum intellectu seruiebat*. Itaque sic Porphyrius legendus est, vt sermo-

num, de quibus agitur, significatio teneatur, & ex ipsa superficie habeatur sensus verborum, sic enim satis introductorius erit, & facili breuitate conspicuus. sufficiat ergo introducendo, nosse quia nomen generis multiplex est, & à prima institutione significat generationis principium, id est, parentem à quo, vel locum in quo quis genitus est. Vnde Polynices ab Adraſto genus interrogatus, ait vtrumque complectens.

*Cadmus origo patrum, Tellus Mauortia Theba.*

Deinde hinc translatum est, ad significandum id quod de differentibus specie in quid prædicatur. Item & species multipliciter dicitur. Nam ab institutione formam significat, quæ in lineamentis membrorum consistit. vnde & speciosus, idem est formoso. hinc autem sumptum est, ad significationem eius, quod, inquit, de differentibus numero prædicatur. vnde constat nomina hæc, non esse secundæ impositionis, sed cum primæ sint, ex translatione de vocari ad aliã significationem. Quod quia non ornatus, sed necessitatis causa, contingit, equivocationi comparatur. Tertiam eiusdem apponit Boëtius, significationem, dicens, formam substantialem speciei: puta humanitatem: hominis speciem appellari. sed hanc, *subtilem speciem nominat*, & ex industria asserit, à Porphyrio prætermiſſa, ne nimia grauitate introducendorum animos retardaret. Quid ergo sibi voluit, qui non modo hanc contra concilium authoris, sed quicquid aliud excogitari potest, adiiciunt. Hoc credo appetunt, vt videantur multa scire, & benedixisse, cum id egerint, ygninus fuerunt intellecti.

Idem fiat in differentia, proprio, & accidente. vocabulorum simpliciter aperiantur significationes, apprehendatur illa, quæ proposito congruit, per descriptiones certissimas, deinde singulorum sequantur diuisiones, postremo differentia singulorum ad singula sicut occurrunt, in superficie assignentur: & Porphirium perlegisti. Littera enim suauiter excutienda est, & non more captiuorum acerbè torquenda donec restituat quod non accepit. porro, austerus nimis & durus magister est, tollens quod positum non est, & meteps quod non est seminatum, qui Porphyrium cogit soluere, quod omnes philosophi acceperunt: cui satisfactum non est, nisi libellus doceat, quicquid alicubi scriptum inuenitur. planè veritas est amica simplicitati: & qui indubitum exigit, quod debitum erat accipere, sapissimè demeretur. Quicquid autem litteræ facies indicat, lector fidelis & prudens interim veneretur ut sacrosanctum, donec ei, alio docente, aut domino reuelante, veritas plenius & familiarius innotescat. Quod enim vnus fideliter & vtiliter docet, alter æque fideliter & vtiliter dedocet. Si quidem rectè docentis officium pro ratione temporis & personæ, quod cuique nouerit expedire, dispensat. Nam Porphyrus, corpus asserit esse genus hominis, quoniam & animalis, Arist. autem hoc dedocet, & eorum purgat errorem, qui genus secundum quid opinantur de specie prædicari. Non enim secundum quid de specie prædicatur. Ex quo palam est, visibile aut sensibile, non esse genus animalis, prædicantur enim secundum quid, (i) secundum



corpus non animam: quare, inquit, corpus, non erit genus animalis, eò quod pars est. Nullo enim modo pars de toto prædicatur: ita quidem, si locutio propria: nam in figuratis nihil prohibet. Tradunt viique Gramatici, tropum locutionis esse, qui Synecdoche appellatur & nomen totius, parti, & itidem partis nomen, toti attribuit. res enim, dignioris aut notioris partis, plerumque suscipit nomen. vnde homo, qui ex anima constat & corpore, & sicut Cicero, Apuleius, & quod maius est, Hieronimus, Augustin. & multi alij, tam nostrorum, quàm Gentilium, testantur, non magis est corpus, quam anima, sed quodammodo minus, corporis censetur nominæ secundum publicum vsum, quoniam pars illa euidentiore est, & sensibus notior. æquè tamen verum est, sed à solis philosophis recipitur, ipsum esse animam. nec tamen ob hoc, esse incorporeum sequitur. quoniam, vt aiebat Abaleardus, negatio vehementior est: figuratiuæ quoque locutionis progressum inhibebat: eò quòd figuras non licet extendere, quæ ipsæ non recipiuntur, nisi cum expedit. Nullum autem genus figuratè, aut translatiuè, de specie prædicatur. Semper enim & propriè verum est, de omni eo cuius est genus. Si quid autem, non modo in Porphirio sed in quavis scripturarum, intellectu difficilius occurrit. Non statim deterreat legentem, aut audientem, sed præcedat: quia se inuicem interpretantur authores, & singulæ scripturæ, vicissim sunt indices aliarum, vnde legentem, plurima, aut nulla, aut paucissima latent.

## CAPITVLVM. II.

*De Categoriarum utilitate, & instrumentis.*

CATEGORIARVM liber Aristotelis, elementarius est, & accedentis ad Logicam quodam modo infantiam excipit: tractat enim de sermonibus incomplexis, in eo quod rerum significatui sunt: quo nihil prius est apud Dialecticum. præmittit autem de æquivocis, vniuocis, & de denominatiuis, quoniam eorum notitia definienti, diuidenti, & colligenti plurimum necessaria est. Siquidem æquivocatio multos inducit errores, si lateat, & negotiantes impedit, si vnus nesciat quo ferat alius intellectum. Manifestato autem, vt ait Aristoteles quot modis dicatur, & ad quid ferens ponatur, ridiculosus videbitur interrogans, si non ad hoc sermonem faciat; vtile autem & ad non paralogizari, & ad paralogizare. Scientes enim quotiens dicitur, non paralogizabimur: sed scientis si non ad idem sermonem faciat, qui interrogat: & ipsi interrogantes, poterimus paralogizare, semper quidem, si eorum quæ multipliciter dicuntur, alia fuerint vera, alia falsa: nisi & is qui respondet nouerit: quotiens dicitur, vniuocorum quoque & denominatiuorum, adeo necessaria est cognitio, vt hæc tria scilicet æqui-<sup>Isio-</sup>uoca, vniuoca; & denominatiua, asserat <sup>do-</sup>Isiodorus categoriarum instrumenta: siquidem <sup>rum.</sup> quæcumque prædicantur, aut æquivocè, aut vniuocè, aut denominatiuè, suis applicantur sub-

iectis. Equiuocè quidem, si non eodem sensu: vniuocè, si eodem: denominatiuè, si non prorsus eodem, nec prorsus alio, sed adiacente sibi vicinitate quadam intellectu verborum, sicut manente conformitate vocum. Sic à bonitate bonus, à fortitudine fortis dicitur, vt ex ipsa verborum forma perpendatur quodammodo adiacens intellectus. Vnde, ex opinione plurium, idem principaliter significant denominatiua, & ea, à quibus denominantur: sed consignificatione diuersa. Aiebat *Barnardus Carnotensis*, quia *albedo* significat virginem incorruptam, *albet*, eandem introeuntem thalamum, aut cubantem in thoro: album verò, eandem, sed corruptam. hoc quidem *quoniam* albedo, ex assertionione eius, simpliciter, & sine omni participatione subiecti, ipsam significat qualitatem: videlicet coloris speciem, disgregatiuam visus. *Albet* autem, eandem principaliter, etsi participationem personæ admittat. Si enim illud excutias, quod verbum, hoc, pro substantia significat, qualitas albedinis occurret. sed in accidentibus verbi, personam reperiēs. *Album* verò, eandem significat qualitatem, sed infusam commixtamque substantiæ, & iam quodammodo magis corruptam. siquidem nomen ipsum pro substantia subiectum albedinis, pro qualitate, significat colorem albensis subiecti. videbatur etiam sibi tam de Aristot. quam de multorum auctoritatibus niti. Ait enim, album nihil aliud significat quam qualitatem. Multa quoque proferebat, vndique conquisita, quibus persuadere nitebatur, res interdum purè, interdum adiacenter

prædicari, & ad hoc denominatiuorum scientiam perutilem asseribat, habet hæc opinio, sicut impugnatores, sic defensores suos. Mihi pro minimo est ad nomen in talibus disputare. cum intelligentiam dictorum, sumendam nouerim ex causis dicendi. Nec sic memoratas Aristotelis, aliorumve authoritates interpretendas arbitror, vt trahatur istuc, quicquid alicubi dictum reperitur. Nam apud eundem *motus* de animali, vigilatio de bipede, asstruitur prædicari. & sic plura. Alioquin analyticorum exempla, non rectè procederent, & apud eundem, quod si *cæcitas* & *cæcum esse*; idem essent, de eodem prædicarentur. Nunc autem homo, *cæcus dicitur*: cæcitas verò, minimè. Non est itaque ex leui occasione verbi, menti authorum præiudicandum quæ ex circumstantia sermonis pensanda est. Non enim omnis dictio semper eodè formatur schemate. Plane denominatiua, non eundem his à quibus denominantur, intellectum significat; nec in eadem rem descendit animus his auditis: nec eorumdem appellatiua sunt. à se enim inuicem plerumque remouentur; & ad ea sequitur contradictio. Interdum tamen se patienter admittunt, & de eodem simul, vel de se inuicem prædicantur denominatiuè coniugata. Nam & bonitas, bona, *una* vnitas dicitur. Regulare tamen est; vt ad ea sequatur contradictio, quod tamen ex causa consignificationis, magis quàm significationis asserunt euenire. Et hoc quidem probabiliter, an satis verè, diiudicent periti. Nā ad ea, quæ idem significant, ex causa significationis duntaxat, sequitur contradictio. singula-

ris enim numerus positus eiusdem nominis pluralem tollit. ut si quid homo est. illud homines non est. nihil equidem refert, unde proveniat, cum eo tendat Dialectices tota intentio, ut sermonum vim aperiat, & ex eorum prædicatione, examinandi veri, & statuendi, scientiam assequatur. hoc agit, siue diuidat, siue diffiniat, siue colligat, siue ea, quæ fuerint collecta, resoluat. Ergo denominatiua, significant quodam modo *qualia* ex aliquibus, illa verò, à quibus denominantur, notant à quibus *qualia*. Nam fortitudo significat, ex quo quis fortis, fortis autem, qualis quis ex fortitudine unde & fortitudinis dicitur nomen, non ut *cuius*, sed ut *ex quo*, indicat enim causam. Hinc est illud Gregorij, *Angelus nomen officij est, non nature*: siquidem ex officio est, sed personæ significatque, ut dictum est quodammodo quale quid illo ministret officio. Plura sunt ad hunc modum. ut *consul*, dignitatis, studio sus, virtutis, Platonius, Socraticus, professionum sunt nomina, prædictas itaque res significant. Ex quo liquet quoniam significare, sicut & prædicare, multipliciter dicitur. sed quis modus familiarissimus sit, discernere, palam est. Inde est, quod iustus & similia, passim, apud autores nunc dicuntur iustum, nunc iustitiam significare, vel prædicare. Sed aut omnino non conuertitur, aut rarissimè invenitur. Si tamen hoc alicubi quod iustitia iustum significet, aut prædicet. Boetius autem in libro de Trinitate, cum inquit, *duo Deus iustus est, qualitatem videtur prædicare: sed prædico substantiam: immo, eam quæ est supra sub-*

*stantiā.* Quare inquam qualitatem videbitur prædicare, si hoc nomen iustus non prædicet qualitatem. Tale est illud Aristotelis, qualitatem significant, *ut album:* quantitatem, *ut Bicubitam.* sic utique quia dantur à qualitate, vel quantitate, ita & qualitatem prædicant, quam appposita demonstrant inesse subiectis, interdum dicuntur significare qualia, quoniam appositione sua declarant qualia sint subiecta. sed hæc à se, si sit benignus interpretes, Non multum distant. Et si audito *Album* intelligatur, *in quo albedo.* cum autem *albedo* dicitur, non intelligitur *in quo talis color;* sed potius color faciens tale, Illud verò quod audita voce, concipit intellectus; ipsius familiarissima significatio est.

## CAPITVLVM. III.

*Quæ sit prædicamentorum conceptio & quibus; contenta sit sobrietas philosophantium.*

**Q**UIA ergo aut æqui vocè, aut vnivocè aut denominatiuè, ut sequatur indifferentiæ rationem, singula prædicantur; ipsaque prædicatio quædā ratiocinandi materia est, prædicamentorum præmissa sunt instrumēta, qui negotiātū ex arte operam impediūt, aut promouent, & procurāt. nā *Multiuoca,* & *diuersuoca,* quæ Boetius adiicit, magis ad grammaticā pertinent. Multiuoca autem sunt, cum in eiūdem rei intellectum & nominationum plura verba concurrunt. *Ut, ensis, micro, gladius.* *diuersuoca,* quæ sensu, & voce diuersa sunt. *ut Homo, Lapis.* Rationem verò indifferentiæ, quam semper appro-

bamus, liber iste commendat præ ceteris. Et si  
 vbique diligenter in ipſiſſimè, manifesta ſit.  
 Agit enim nunc de ſignificantibus, nunc de ſi-  
 gnificatis, aliorumque doctrinam facit nomini-  
 bus aliorum. Sunt qui librum iſtum, quoniam  
 elementarius eſt, inutilem fere dicunt. & ſatis  
 eſſe putant ad perſuadendum, ſc, in dialecticâ  
 diſciplinâ, & apodicticâ, eſſe præfectos, ſi con-  
 temperint vel ignorauerint illa, quæ in primo  
 commento ſuper Porphyrium, antequam artis  
 aliquid attingatur, docet Boëtius prælegenda.  
 longe mihi alia mens eſt. nec video quomodo,  
 ſine iſto, quis magis poſſit eſſe logicus, quàm  
 ſine literis literatus. Hinc enim quid in rebus  
 ſingulare, quid vniuerſale, quid ſubſtantia, quid  
 accidens, quid in ſermonibus æquiucò, quid  
 vniuocò, quid denominatiuè, dicatur conſpi-  
 cuum eſt. hinc incomplexorum ſignificatio in-  
 noteſcit. hinc rectiſſimè inueſtigationis docet-  
 tur modus: hinc ad notitiæ perfectionem prima  
 & dilucida patet viâ. Siquidem ad habendam  
 perfectam cuiusque rei notitiâ; Peripateticæ  
 diſciplinæ, quæ in inueſtigatione veri laborat,  
 præ cæteris videntur iſta ſufficere. Primò qui-  
 dem noſſe de aliquo *An ſit*: deinde, *quid, quale,*  
*quanti, ad aliquid, vbi, quando ſit, quomodo ſitum,*  
*quid habeat, faciat, patiatur.* Nouiſſima ſpeculatio  
 eſt in ſingulis *quare ſit*: & quæ iam non modo ad  
 Angelicam perfectionem, ſed diuinæ maiestatis  
 prærogatiuam accedit. ei namque ſoli rerum  
 omnium cauſa innotuit cuius voluntas omnium  
 primæua cauſa eſt & qui quatenus voluit, ſin-  
 is, *cur ita ſit, voluit reuelare, Omnia namque ad*  
*plenum*

plenum, nosse diuina; in nullo labi, Angelica, in pluri-  
 mis bene sentire, humana perfectio est. Cumulus ita-  
 que scientiæ, in hoc duodenario solidatur. Inue-  
 stigatio Philosophica, vndenarij sobrietate con-  
 tenta est: & si ultra progreditur, profectum  
 suum gratiæ ex magna parte ascribit. Nam pul-  
 santibus aperit gratia, & voluntatem suam, quæ  
 originalis omnium causa est, reuelat Dominus  
 his, qui ex toto corde querunt eam. Porro Lo-  
 gicus decem institutionis suæ elementa cognos-  
 cit, & cum in his plenè fuerit educatus; in par-  
 te contradictionis aduersarium pergit ex inten-  
 tione plenius conuincere. Hæc ergò, quæ di-  
 cuntur naturales, & quodammodo elementa-  
 res sunt, præiacent quæstiones. scilicet, *quid*,  
*quantum*, *quale*, etenim & exinde cum in his gym-  
 nosophistæ fuerint instituti contradictionem  
 formant, eamque, vt dici solet, in arcto campo,  
 distrahentes, ad reprimendam partem opposi-  
 tam, rationis suæ nituntur aculeis. tendit enim  
 quisque euacquare, quod apud alium statutum  
 est. Sed quia naturalium prima est inquisitio, in  
 ipsa primò decem prædicamenta formata sunt  
 excogitatique sermones, quibus de his, quæ  
 primò occurrunt sensui, aut intellectui, *qualia*  
*sint* corpora aut spiritus, *quid*, *quantum* & *quale*  
*esset*, aut secundum cæteras quæstiones naturali-  
 ter procedentes, declararetur vnumquidque  
 eorum. Vnde & prædicamenta dicta sunt, siue  
 in sermonibus, siue in rebus, decem genera præ-  
 dicabilium, quæ sic ad singulares indiuiduasque  
 substantias applicentur: quæ de ipsis iudicent  
 quid sint, *quantum*, *quale*, ad aliquid, vbi, quan-



do, si tum, quid habeant, faciant, aut patiantur. Primum itaque prædicamentum est in his, quæ de aliqua substantiarum indicant quid sint. Secundum in his quæ quantum: tertium ad aliquid: quartum, quale: quintum ubi: sextum quando: septimum situm esse: octauum hebere: nonum facere: Decimum, pati. Et hæc quidem sic multiplicata sunt, quoniam *apud philosophos maxime* vigeat speculatio corporalium. cū ante Zenonem, aut nullus, aut pauci admodū, aliquid de anima aut spiritibus incorporeis rectè senserint. hic enim est, sicut Hieronimus autor est, qui immortalitatem tradidit animarum. utique situm esse, & quædam alia, vix congruē poterunt spiritibus applicari. *quoniam* hæc prædicamēta, pro parte corporibus præcipuē addicta sunt. Prima itaque contemplatio, & quodammodo naturaliter Philosophantium, versatur in speculatione substantiarum. sequens autem, Mathematica est; imitaturque naturam. Vnde Mathematicus ab antiquis dictus est *simia naturalium Philosophorum*. Sicut enim naturæ scrutator, inquit de Cleonte, aut Callia, quid sit, aut qualis, aut quantus; sic Mathematicus, cum substantiam eius abstraxerit, inquit de eā quid sit, aut qualis, aut quanta, & deinceps, naturalium more Philosophorum, ad vltiora progreditur. sed apud eos, qui purioris philosophiæ vigent acumine, pridem receptum est, secundæ mathesi locum non esse, ne philosophicus labor procedat in infinitum, & semper vagetur inquisitio: quæ semper tendit ad finem. utique iam spoliatus omnino amplius nudari

non potest : & siue formam à materia abstraxeris siue materiam subduxeris formæ , superfluous erit exinde labor , aut *circumstantijs* & proprietatibus; quas non admittit, vestire formam , aut quas illa non habet, spoliare materiam, ergo quicquid ultra temptatur, non constitutio naturæ , sed figmentum *animi est*, subtilitate mathemática laborantis. Cum enim quæritur quid est *albedo*, & responderetur color talis, quicquid ei, ad subsistentiæ discretionem adiicitur, aut effectum redolet, & sic substantiæ obnoxium est, aut potestatem sapit, cuius fortè operatio nondum est. quod si processerit inquisitio, vt quærat<sup>r</sup>ur quanta, aut ubi sit, ad corporaliū diuerticula fugiendum est. vnde pauciores illos credo peragrasse philosophos qui naturæ arbitro mathematicū per omnia coæquant: opinantes in alijs inuenire hæc genera prædicamentorum , quæ in corporibus, & spiritibus manifesta sunt. Omnia ergo genera speciesque substantiarum , & qualitatum aliorumque primo ingerunt prædicamento: quoniã appositione generis aut speciiei primæ satisfit quæstioni, id est, declaratur de aliquo quid ipsum sit. Deinde pro genere quæstionum sequentia disponunt. hoc quidem ab Aristotele videtur alienū. Ait enim manifestum quoniam quicquid est significat, quandoque quidem substantiam, quandoque autem quale, quandoq. aliquid aliorum prædicamentorum. Nam quando posito homine, dixerit ipsum hominem esse , vel animal; & quid est, dicit & substantiam significat. Quando verò posito albo colore, quod positum est,

dixerit colorem esse, quid est, dicit, & quale, significat. Sic posita cubitali magnitudine, si dixerit eam esse magnitudinem, quid est, dicit, & quantum significet. Similiter autem & in alijs, vnumquodque enim talium, siue idem de eodem dicatur, siue genus; de hoc, quid est significat. quando autem de alio, non quid est significat sed quantum, aut quale, aut aliquid aliorum prædicamentorum. Equidem non hic videtur author exprimere, quod in eodem prædicamento, & si eundem modum habeant prædicandi, sint omnia genera. aut quod nouem genera accidentalium rerum non prædicentur de substantiis, aut quod eodem modo prædicentur de subiectis & de contentis suis. Isidorus, Alcuinus, & quidam alij sapientum, omnia alia de primis substantiis asserunt prædicari. & *sententiam* plenissimam decem prædicamentorum absolute perficiunt, vt in hoc eorum patet exemplo. *Augustinus, magnus orator, filius illius; stans in templo hodie infulatus, disputando fatigatur.* Perfecta enim sententia est, & subiecti, id est illius de quo agitur, substantiam, qualitatem, & quantitatem, cum cæteris, iudicat: & si fortè minus proprium dederit quantitatis exemplum. Vtique sicut primam substantiam, suis informatam accidentibus, parens omnium natura creauit, sic & singularia accidentia, quibus eadem informatur, substantiis singularibus concreauit. Ea verò quæ intelliguntur, à singularibus abstracta, qualia sunt secundæ substantiæ, vt dictum est, quædam ex ratione probabili animi figmenta sunt. Et quidem sicut in substantiis

*hæc primæ* dicuntur, quæ reuera substantiæ sunt, & singularitate essentiæ accidentibus subijacent, illæ verò secundæ, quæ ex conformitate singularium intellectu non casso concipiuntur, sic & primæ, ratione proportionis, possunt dici quantitates & qualitates, quæ primis singulariter insunt, & secundæ quantitates: & sic in aliis, quæ à singularibus quadam ratione similitudinis, abstrahuntur. Constat autem, vt ait Isidorus, appellatas esse categorias, eò quod non possunt nisi ex subiectis agnosci. Vnde & prædicamenta rectè nominantur: eò quod rebus præsentibus, quas constitutio naturæ ostendit, dicata, id est, addicta sunt. Dicare siquidem, addicere est: iuxta illud Virgilij.

— *Connubio iungam stabili propriamque dicabo.*

Sic autem addicta sunt aliis, vt agnosci nequeant sine illis. Nam vt præmissum est, si phantasiæ rerum voluantur in mente, inanis est conceptio, si exemplum eius inueniri non potest in re subiecta. Siquidem *vniversitas singularium, historia naturæ est. à qua eximitur*, quicquid in rebus actualiter nequaquam inuenitur. Et quoniam agnoscuntur ex subiectis, talia sunt, vt ait Boëtius, prædicata, qualia subiecta permiserint. vnde virtus prædicamentorum, quæ in operibus naturæ viget, circa diuinam excellentiam euanescit. Illuc enim tracta verba mutantur omnino, aut falsa sūt, multiplicatur & labor cū errore eorum, qui vim prædicamentorum extendunt ad omnia, & fines naturalium excedentes, subuertunt, integritatem artis, dum regulas non patiuntur, suis generibus limitari. Omnis enim re

gula, & vniuersitas omnis, alicui generi accommodata est, cuius ambitum si lasciuiendo excesserit, illico vitiatur. Profecto rerum prædicationum, & sermonum, perutilis est notitia & euidens ab Aristotele disciplina, vniuersa describit, & diuidit, docet quæ veniant ad comparisonem, quæ susceptibilia contrariorum sint, quæ sint, quorum contraria: quæ totius contrarietatis ignara: exemplum relinquens posteris quo ad veri notitiam compendiosissimè peruenitur. Et quia multiplicitas sermonum, plerumque intelligentiam claudit, quotiens dicatur vnumquodque docet esse quærendum. Eo enim pertinet, quod in oppositis, & his, quæ *prius aut simul*, dicuntur & in speciebus motus, & huiusmodi, modis librum expleuit. Nihil enim vtilius ad scientiam, aut victoriã, distinctione eorum quæ multipliciter proferuntur, Cõtingit autem tractu temporis, & ad quiescente vtentium voluntate, multipliciter sermonum nasci, itemque extingui. Nam apud Aristotelem *cutellus, acutus, anguli acuti* esse significabat, cum modò potius videatur indicare facile secantis acumen: sic enim dicitur, *gladius bis acutus* quoniam vtrinque facile secans. quamuis & hoc, perspicacius intuenti, ab acumine angulorum appareat euenire. Corpus enim acutissimū est, vbi in angulo acutissimo coeunt superficies eius. Nam si obtusus superficierum coeuntium fuerit angulus, & corpus obtusum esse in aliquo multiplicius dicitur, quàm Aristotelis tempore diceretur & quæ tunc verba aliquam, nunc fortè nullam habent significationem. *Siquidem mul-*

*ta renascentur quæ iam cecidere, cadentque, quæ nunc sunt in honore vocabula, si voler usus quem penes arbitrium est, & vis & norma loquendi*, sed planè magis dedocent quàm erudiant, qui in hoc libello legunt vniuersa, & eum breuitate sua contentum esse non sinunt. quicquid alicubi dici potest, hic congerunt quibus grauior esse videtur confessio, quàm iguorantia veri. deridebat eos noster ille Anglus Peripatheticus Adam, cuius vestigia sequuntur multi, sed pauci præpediente inuidia profitentur. dicebatque se aut nullum, aut auditores paucissimos habiturum si ea simplicitate sermonum, & facilitate sententiarum dialecticam traderet, qua ipsam doceri expediret. habui enim hominem familiarem assiduitate colloquij & communicatione librorum, & quotidiano fere exercitio super emergentibus articulis conferendi. sed nec vna die discipulus eius fui, ei tamen habeo gratias, quod eo docente plurâ cognoui, plura ipsius, quoniam aliud ratione consulta præelegeram, ipso arbitro reprobauì. Itaque hic, sicut vbique facilitati arbitror seruiendum. Neque hæc omnia eo prælibaui proposito, vt vbique dicantur: sed ne fileantur vbique, quæ alicubi dici expedit, librum commendauì, nec pœnitet. quoniam reuera commendabilis est. Caterum si plus iusto, charitati indulgeatur, quæ ad prima artis elementa studiosius rudes & detractantes inuitat.

— *Sic pueris olim dant crustula blandi.*

*Doctores, elementa velint vt discere prima.*

& quia ei à plerisque amplius derogatur eo ve-

hementius commendatur, vt enim ait Aristoteles, *omnino insistenti, omnino est aduersandum.*

## CAPITVLVM IV.

*Quæ sit conceptio & utilitas Periermeniarum vel rectius Periermenias.*

**L**IBER Periermeniarum, vel potius Periermenias, ratione proportionis, syllabicus est, sicut prædicamentorum elementarius. nam elementa rationum, quæ singulatim tradit in sermonibus incomplexis, iste colligit, & in modum syllabæ comprehensa producit ad verifalque significationem. tantæ quidem subtilitatis est habitus ab antiquis, vt in præconium eius celebratum ferat Isidorus. quia Aristoteles quando Periermenias scriptitabat, *calamum in mente tinguebat.* Cæterum (vt pace omnium loquar) quicquid in isto docetur libro, cōpendiosius & manifestius poterit quilibet doctorum quod & multi faciunt, excepta reuerentia verborum, in doctrinalibus parare rudimentis, quas introductiones vocant. vix est enim aliquis, qui hæc ipsa non doceat, adiectis aliis, non minus necessariis. hoc vtique, quia sine his, artis scientia comparari non potest. Percurrunt itaque quid nomen, quid verbum, quid oratio, quæ species eius, quæ vires enunciationū, quid ex quātitate sortiantur, aut qualitate, quæ determinatè veræ sūt, aut falsæ, quæ quibus æquipolleāt, quæ consentiāt sibi, quæ dissentiant, quæ prædicata

Isi-  
do-  
rus.

diuissim, quæ coniunctim prædicentur, aut conuersim, & quæ non. Item quæ sit natura modalium, & quæ singularium contradictio: in his autem articulis operis huius præcipuè summa consistit; habetque sicut sententiarum subtilitatem, ita non mediocrem difficultatem verborum. vtrisque verò habenda est gratia, quoniam & sensus erudit & verba exercent. præterea reuerentia exhibenda est verbis authorum, cum cultu & assiduitate vtendi; tum quia quandam à magnis nominibus antiquitatis præferunt maiestatem, tum quia dispendiosius ignorantur; cum ad vrgendum aut resistendum potentissima sunt. Siquidem ignaros in modum turbinis rapiunt & metu perculsos exagitant, aut prosterunt. inaudita enim philosophorum verba tonitrua sunt. Licet itaque modernorum, & veterum, sit sensus idem, venerabilior est vetustas. Dixisse recolo Peripateticum Palatinum, quod verum arbitror, quia facile esset aliquem nostri temporis librum de hac arte componere, qui nullo antiquorum quod ad conceptionem veri, vel ad elegantiam verbi, esset inferior. Sed vt authoritatis fauorem fortiretur aut impossibile, aut difficilimum. hoc ipsum tamen assererebat maioribus ascribendum, quorum floruerunt ingenia, & inuentione mirabili pollentes, laboris sui fructum posteris reliquerunt, Itaque ea, in quibus multi sua tempora consumpserunt, in inuentione sudantes plurimum, nunc faciliè, & breui, vnus assequitur: fruitur tamen ætas nostra beneficio præcedentis, & sæpe plura nouit, non suo qui-



dem præcedens ingenio, sed innitens visibus alienis, & opulenta prudentiâ patrum. Dicebat Bernardus Carnotensis, nos esse quasi nanos, gigantum humeris insidentes, ut *possimus* plura eis & remòtiora videre, non utique proprii visus acumine, aut eminentia corporis, sed quia in altum subuehimur & extollimur magnitudine giganteâ. Ex his facile adquienerim, quia artis præparatitia & multos articulos veritatis tradunt artium præceptores, etiam in introductionibus suis, æque benè antiquis, & fortè còmodius. Quis enim contentus est ijs, quæ vel Aristoteles in periermeniis docet? quis aliunde conquisita non adijcit. omnes enim totius artis summam colligunt, & verbis facilibus tradunt. vestiunt enim sensus authorum quasi cultu quotidiano, qui quodammodo festiuior est, cum antiquitatis grauitate clariùs insignitur. sunt ergo memoriter tenenda verba auctori, sed ea maxime quæ plenas sententias explent: & quæ commodè possunt ad multa transferri. Nam & hæc integritatem scientiæ seruant, & præter hoc à seipsis tam latentis, quam patentis energiæ habent plurimum. Sunt autem pleraque, quæ si à suis auellas sedibus, aut nihil, aut minimum sapiunt auditori. qualia ferè sunt omnia Analyticorum exempla. vbi literæ ponuntur pro terminis: quæ sicut ad doctrinam proficiunt: sic tracta alias, inutilia sunt. Regulæ quoque ipsæ, sicut plurimum vigoris habent à veritate doctrinæ: sic in commercio verbi minimum possunt. Nam quod dicitur in toto esse alterum alteri vel n toto non esse & *vniversaliter aliquid de aliquo præ-*

*dicari vel ab aliquo remoueri*, idem est. frequens tamen vsus est alterius verbi, & alterius ferè intercidit: nisi quatenus ex condicto interdum admittitur. fuit fortassè tēpore Aristotelis vtriusque vsus celebrior, sed nunc præ altero viget alterum, quoniam ita vult vsus. Sic & in eo quod dicitur *contigens*, aliquatenus derogatum est ei, quod apud Aristotelem obtinebat. Iam enim nequaquam *contigens* possibili comparatur: hoc tamen in tractatu modalium sensisse visus est. licet enim possibile est albere gentem Æthiopum, speciemque cygnorum nigrescere, neutrum tamen *contigens* est. Quod si hæc quis, quoniam possible sunt, contingere opinatur, hoc in publico prædicet, Aristotelis auctoritate deducta, & planè, renitente publicæ suasionis vsu, aut insanis videbitur assidere, aut certè parum sobrius esse. Sed ut ad alium migremus sensum, quo *contigens* non coequatur quidem, sed circumscribitur à possibili, quoniam minus est, & hic illi vsui derogatum esse videbimus. Nam ut ait in Analyticis Aristoteles. *contingere & contingens*, est, quo non existente necessario, posito autè esse, nihil erit propter hoc impossibile: hæc autem significatio contingenti deducit quidem necessarium, sed aliàs possibili coæquatur. Sed neque ista iam obtinet. Si quidem Hobinellam regnare non est necessarium: neque eo posito quicquam erit propter hoc impossibile, si verò *contingens* esse regnare Hobinellum dicas Vvintoniæ, non tibi quis facile adquiescet. & ut planius liqueat in quantum sit ille vsus abolitus, in nulla significatio-

num, quas ei ascribit, memoratum iam plenè obtinet verbum. ait enim *Aristoteles* quoniam *contingere* duobus modis dicitur, vno quidè, quod plerumque fit, & deficit necessarium. vt canescere hominem vel augeri, vel minui, vel omnino quod natum est esse.

Hoc enim non continuum habet necessarium, eo quod non semper est homo. Nam cum homo est, aut ex necessitate, aut vt in pluribus est. Alio autem infinitum, quod & sic, & non sic, possibile. vt animal ambulare vel ambulante fieri motum terræ, vel omnino quod à casu fit. Nihil enim sic magis natum est, vel è contrario. Nunc autem vt sequamur vsum, quem penes arbitrium est. & vis & norma loquendi, illud solū esse contingens, quod interdum euenit. iam dicitur. Alioquin neque propter amotā necessitatē neque propter assistentem possibilitatē, dicitur contingere. Patet itaque quod vsus, *Aristotele* potentior est, in derogando verbis, vel abrogando verba. sed veritatem rerum, quoniam eam homo non statuit, nec voluntas humana conuellit. Itaque si fieri potest artium verba teneantur, & sensus. Sin autem dūm sensus maneat, excidant verba quoniam artes scire, non est scriptorum verba reuoluere, sed nosse vim earum atque sententias.

## CAPITVLVM. V.

*In quibus consistat corpus artis & de  
Topicorum utilitate.*

**A**R T I S præparatica præcesserunt ad quæ  
suus opifex, & quasi legislator, rudem  
omnino tironem, irreuerenter, & vt dici solet,  
illotis manibus, non censuit admittendum. Si-  
cut enim in arte militari, instrumentorum, qui-  
bus res militaris instruitur, præparatio, præcedit  
artem, sic huius sacri adeuntibus cultum, quæ-  
dam elementa præmittuntur, & quasi instru-  
menta tyronum quorum vsu compendiosius ad  
ipsum corpus artis accedant, & commodius,  
quod profitentur, exerceant. vtilissima quidem  
sunt, & si non satis propriè dicantur esse de ar-  
te, satis verè dicuntur esse ad artem, Parùm au-  
tem refert si magis dicatur an sic. Ipsum itaque  
quodammodo corpus artis deductis præparati-  
cijs, principaliter consistit in tribus, scilicet To-  
picorum. Analyticorum, Elenchorumque noti-  
tia: his enim perfectè cognitis, & habitu eorum  
per vsum & exercitium roboratis, inuentionis  
& iudicij copia suffragabitur in omni facultate,  
tam demonstratori, quàm Dialectico, & sophi-  
stæ. Potrò in ijs, maximè necessaria, præcipuè  
probabilitatem sectantibus, scientia Topico-  
rum, quæ etsi inuentionem principaliter in-  
struat, iudicijs tamen non mediocriter suffraga-  
tur. Et quamuis, ex opinione multorum, diale-  
ctico & oratori principaliter faciat, ipsam ferè

æqualiter proficere arbitror ijs qui versantur in grauitate demonstratoris, aut in fallacia, & agone sophistico. Siquidem sibi inuicem vniuersa contribuunt, eoque in proposita facultate quisque expeditior est, quo in vicina & cohærente instructior fuerit. Ergo & tam Analyticè quàm sophistica conferunt inuentori. & topica itidem conducit iudicanti, faciliè tamen ad quieuim, singulas in suo proposito dominari, & accessorium esse beneficium cohærentis. Cùm itaque tam euidentis sit vtilitas Topicorum, miror quare cum alijs à maioribus tamdiù intermissus sit. Aristotelis liber vt omnino, aut ferè, in desuetudinem abierit, quando ætate nostra, diligentis ingenij pulsante studio, quasi à morte vel à somno excitatus est, vt reuocaret errantes, & viam veritatis quærentibus aperiret. Neque enim sermonum aut rerum tanta est difficultas, vt à studiosis non possit intelligi, & vtilitas tanta est, vt præ ceteris expediat hunc agnoscere. Satis enim inter cætera quæ *translationis* arctissima legè à Græcis tracta sunt, planus est: ita tamen, vt faciliè sit auctoris sui stilum agnoscere, & ab ijs duntaxat fideliter intelligatur, qui sequuntur indifferentiæ rationem: sine qua nemo vnquam nec apud nos, nec apud Græcos, sicut Græcus interpret, natione *seueritanus*, dicere consueuerat, Aristotelem intellexit. Sanè ipso librorum numero, quasi quodam perfectionis auspicio, vtilitatem operis commendauit, & omnium, quæ in multis voluminibus dilatauit antiquitas, quasi sementem dedit. Singula ver' eius, tam in regulis, quàm in exemplis,

non modo ad Dialecticam, sed ferè ad omnes proficiunt disciplinas. Octo quidem voluminibus clauditur fiuntque semper nouissima eius potiora prioribus. Primus autem, quasi materiam præiacit omnium reliquorum, & totiùs Logicæ quædam constituit fundamenta. Docet enim quid syllogismus, quid & ex quibus, demonstratio; quæ principia artium, & fidei, quæ ab artibus est, qui syllogismus dialecticus, quis letigiosus, quid probabile, quod paralogista, falsigraphusue non sequitur. Item quid propositio, quid problema. Et quoniam ad problematum discussionem, probationemque positionum progrediendum est, ex quibus sint problemata, id est, quæ propositiones ex arte deducantur in quæstionem adiicit, habita distinctione prædicamentorum, ex quorum natura manat ratio quæstionum. Neque enim ad omnia quæ quæri possunt, quoniam nec omnia quærere prudentis est; suas formas applicat: sed ad ea, quæ digna quæ situ sunt, & cognita, aliquid conferunt. Quolibet namque proferente contraria opinionibus, aut contemptibilia quæ libet, contemptibiliterque inquirente, sollicitari non expedit. Quia ego ratio prædicamentorum, aut maiora aut æqualia prædicat de subiectis, problematum dialecticorum, quadfi-partitam docet esse naturam. Vult enim (& si de hoc possit, vt de cæteris articulis, disputari) vbi de maiori & substantiali quæritur, inquisitionem generis esse: si de pari & substantiali ambigitur, de definitione fieri quæstionem. Quod si de maiori & accidentali dubitatur, de

de accidente: si de pari & accidentali, de proprio constat inquiri. Verum quia de aliquo quærenti quid aut quantū aut valdè, sit, minus subiecto non dicitur rectè, nec minus prædicari, nec de minori quæstio esse monstratur. Proinde quid genus aut definitio, quid accidens sit, aut proprium, docet longè commodius ijs qui in Porphyrio aut categorijs explanandis, singuli, volumina multa & magna conscribunt. In consilium illorum non veniat anima mea, nec aliquis amicorum meorum præceptoribus his utatur. Ad hæc, quid inductio, & ubi eā uti expediat & quotiens dicatur oppositum, dicit, & qualiter oporteat diuidi ea quorum multiplex est significatio. Si quidem ad multa prodest, vel illud nosse, quod æquiuocatio neque comparationē, neque numerum pluralem admittit, ut coniunctim colligat, quod diuisim positū est. Nam vox & angulus, aut cultellus, nequaquam dicuntur acuta, vel alterum acutiùs altero, quamvis singulum dicatur acutum. Ad hoc quoque prodest hæc speculatio multipliciter dictorum, ut ex contrariis vis contrariorum sæpissimè perpendatur si enim vnum eorum aut æquivocè aut vniuocè dicitur ad multa, simili modo & reliquum, ut quidem in omnibus, aut in pluribus. Nam quoniam acutā in voce, graue contrarium est, in magnitudine autem leui, palam quoniam leuè aut grauè æquivocè diceretur ad plura, volenti autem scire quid agatur, necesse est vim sermonis excutere. qua ignota, fidus verborum intellectus constare non potest. Eò spectat illud Augustini, tractum quidem ab Aristotele quoniam

niam

nam de fonte isto hauserunt omnes, quia in omni enunciatione spectanda sunt tria, *dictio, dicibile, & res*. Est autem res, de quo aliquid, dicibile, quod de aliquo, dictio, quo dicitur hoc de illo. interdum tamen dictionem, rem esse contingit: cum idem sermo ad agendum de se assumitur, ut in ijs quæ præceptores nostri materialiter dicebāt imposita & dicibilia quale est, *homo est nomen, currit est verbum*. Porro res, ut in pluribus, pertinent ad naturam, dictio verò ex hominum pendet arbitrio. Itaque ad veri examinationem necesse est rem non omnino notitiæ esse subtractam rei subiectæ, idest de qua agitur dicibile convenire, & dictionem, ut omnis increpandi tollatur occasio, utrique esse cognatam.

## CAPITVLVM VI.

*De utilitate & conceptione trium librorum in Topicis.*

**S**ICUT autem elementarius est prædicamentorum, periermeniarum, verò syllabicus, ita & Topicorum liber, quodāmodo *dictionalis* est. licet enim in periermeniis agatur de simplici enuntiatione, quæ utique veri falsæ dictio est, nondum tamen ad vim colligendi pertingit: nec illud assequitur, in quo Dialectices præcipua opera versatur. hic verò primus est in rationibus explicandis, doctrinamque facit localium argumentationum, & sequentium complexionum pandit initia. Et licet iuxta Ethicum, *discipulus*



*prioris est posterior dies*, ita primus, sequentium librorum instructorius est. E quibus itaque locis sint problemata, primus aperit. Sequentes, unde & quomodo probentur exponunt, & quæ propositio magis aut minus argumentabilis sit, & quare. Non tamen huic operi tantum tribuo ut inanem reputem operam modernorum, qui equidem nascentes & conualescentes ab Aristotele, inuentis eius multas adiiciunt rationes, & regulas prioribus æque firmas. Cæterum hoc Aristoteli debetur, quoniam, qui à parte totum probari docuit, & à duplici parte, vel triplici, aut amplius, inferri posse monstrauit. Eodem modo & in aliis. Ergo non modo Themistio, Ciceroni, Apuleio, & Boëtio, adiectorum habemus gratiam: sed Peripatetico Palatino, & aliis præceptoribus nostris, qui nobis proficere studuerunt, vel in explanatione veterum, vel in inuentione nouorum. Miror tamen quare Peripateticus Palatinus, in hypotheticarum iudicio tam arctam præscripserit legem, ut eas solas censuerit admittendas, quarum consequens in antecedenti clauditur, aut destructo consequenti perimitur antecedens. siquidem argumenta recipiebat facile, sed hypotheticas respuebat, nisi manifesta necessitate urgente. fortè ideo, quod omnes, ut ait Boëtius, volunt necessariam tenere consequentiam. volunt utique quoniam hoc profitentur, adiecta conditione. sed nihilominus, quædam, ob euidentem probabilitatem, quæ necessitati plerumque assidet admittuntur: sicut enim argumenta Dialecticis sufficiunt probabilia, sic & probabiles consequentiæ,

sed vtrisque vis vrgens deest, si necessitas desit: vt si instantiam dederis, docens in quo non sic. Aristoteles autem ferè vbique consequentias ponit, siue astruere siue destruere doceat, quod positum est. Et quia ad vnum multa sequuntur, habenda est ratio, vnde plura astruendo vel destruendo proveniant. vt enim ait Aristoteles, omnis qui dixit quidlibet, quodammodo multa dixit. eò quòd plura vnicuique ex necessitate consequentia sunt. Vt qui hominem dixit esse & quoniam est animal dixit, & quoniam animatum, & quoniam bipes, & quoniam mentis, & disciplinæ susceptibile. est autem rationabile problema, ad quod ratiocinationes fiunt & ipsissæ & bonæ. Totus itaque secundus liber in eo versatur, quod est de accidente. & cum naturam accidentium eleganter doceat, tam rationum firmitudine quàm exemplorum iucunditate, ad multa commodus est. & quia solum accidens ad comparisonem venit, tertiùs, comparabilium vim aperit, & insistentis naturæ accidentium, quæ sit eligendi aut fugiendi ratio, & in ipsis eligendis, quæ prælegenda, & in fugiendis, quæ præ cæteris fugienda, regulariter monstrat. ex quo liquet, quantum hæc disciplina, Phisicæ & Ethicæ prodest. cū hæc disciplinæ particula, in appetendis & deuittandis, & in omnibus denique comparabilibus vigeat. Planè huius lata est commendatio, & male neglectus à prioribus, cum vtilitate conspicua, & verborum gratiâ iucundus sit, & tam Ethicæ quàm Phisicæ plurimum prosit.

## CAPITVLVM. VII.

*Breuis ratio quarti & quinti.*

**Q**UARTVS autē exercet problemata, quæ sunt à genere, & sic generis & speciei, & ad se, & ad alia, cohærentiam docet. vt liquidum sit omnibus, quanto dispendio temporis nostri neglectus sit à præceptoribus nostris. In hac speculatione, non credo diutius immorandum. cum rerum generibus multa superius dicta sint, & non sit nostri propositi, in hoc opus speciales commentarios facere. Hoc tamen ab Aristotele, quoniam Porphyrius, quem parvuli sequuntur, aliud docuit, adiiciendum puto: quoniam sicut genus vniuoce, & non denominatiue sic nec secundū quid, prædicatur, vnde constat, corpus non esse genus animalis. ait enim, considerandum, si in aliquibus *secundum quid participatur genus*: vt si animal quod sensibile vel visibile dicatur. Nam secundum quid sensibile vel visibile animal: secundum corpus enim: secundū autē animam nō. Quare non erit genus sensibile vel visibile animalis. Latent autē quandoque & totū in partem ponentes: vt *animal corpus sensibile*. Nullo enim modo pars de toto prædicatur. Quare nō erit *corpus genus animalis* eo quod pars est. utiq. genus omne, de specie verum est, & de indiuiduis, sine translatione & figura. Nunquam enim improprie prædicare quoniam nulla familiarior est assignatio quam substantiæ, quæ in genere & specie rectissime iudicatur. Corpus autem de

homine figuratiuè scilicet, per Synecdochem dicitur. ex quo liquet, quod qui ob vnius partis euidentiâ corpus dicitur, idem & anima dici potest, ob alterius dignitatem. Sed minutiores philosophi, cum Porphyrio, vulgi sequuntur opinionem. qui ferè id solum consuevit approbare, quod sensibus patet. Plato autem & tam Stoicorum, quàm Peripateticorum dogma, hominem rectius animam quàm corpus dici declarat. Quam sequutus sententiam Marcus Tullius in libro de republica, ait *Tu non es is quem exterior figura designat*, sed mens cuiusque, is est quisque: Doctores quoque Ecclesiæ, Augustino, & cæteris id ipsum placuit. Siquis hinc dubitat, legat scripturas, quæ principatum personale quodammodo animæ tribuunt: & corpus hospitio comparant aut indumento. Item *quintus* copiosissimè docet, quot modis dicatur proprium: & in his, quid propriè & multipliciter docet quando rectè positum sit, & quando sit perperam assignatum. vtilissima autem est hæc speculatio ad austruendum & destruendum, quoniam proprium, quod propriè dicitur, & cuius proprium est, se inuicem mutua prædicatione concludunt.

## CAPITVLVM VIII.

*De Titulo diffiniendi qui exercetur in Sexto.*

**P**ORRO *sextus* de diffinitione est, & artem diffiniendi luculenter tradit. vt qui istum plenè nouerit, in statuendis aut euacuendis dif-

initionibus hæsitare non debeat. Porro regulam definiendi arctissimam docuit, & quam plenè aut nullus aut rarus assequitur. Itaque Aristotelem præ cæteris omnibus, tam aliæ differendi raciocinationes, quàm definiendi titulus illustraret, si tam potenter astrueret propria, quàm potenter destruxit aliena. Cæterum sicut validior hic expugnator extitit, quàm assertor, ita plerique validius asserunt, quam impugnent. neque enim omnes omnia possunt, & quisque si efficaciam attendat gratiæ, proprio munere insignitur, ut de fidelibus taceam, Naso carmina, Cicero causas feliciter agit. Pythagoras naturam excutit, Socrates morum præscribit normam: Plato de omnibus persuadet, Aristoteles argutias procurat. Sumpserunt hinc doctrinæ suæ primordia Marius Victorinus & Boëtius cū Cicerone, qui singuli libros definitionum ediderunt, illi quidem diffinitioni nomen, usque ad quindecim species dilatauerunt, describendi modos diffinitionis vocabulo subponentes. Huic verò, de substantiali præcipuè cura est. quæ sic constare debet ex genere & substantialibus differentiis, ut proposito coæquetur. Rectè enim assignata est, cum fuerit æqualis definito & planissimà utitur interpretatione. amouenda est ergo, non modo æquivocationis impostura, sed omnium quæ incerta sunt fugienda obscuritas. quoniam evidens esse debet, quæ redditur ut aliud innotescat. ergo & translationes declinandæ, & quæcumque propriè non dicuntur. ut *lex, mensura, vel imago eorum quæ naturaliter iusta sunt.* sunt autem ut ait Aristoteles, huiusmodi, peiora

translatione. Nā trāslatio facit quodāmodo notū quod significatum est, per similitudinem. omnes enim transferentes, secundum aliquam similitudinem transferunt. Quòd autem huiusmodi est, non facit notum. nam neque similitudo inest, secundum quam mensura vel imago lex est, neque dici solet. Quare si propriè mensuram vel imaginem legem esse dicit, mentitur. imago enim est, cuius generatio per imitationem est. hoc autem non inest legi. Si autem non propriè, palàm quoniam obscurè dixit. & peius quolibet eorum, quæ secundum translationem dicuntur. Nota autem sic accipienda sunt, quòd bene dispositis intellectu innotescant. Quòd autem nec ex simpliciter notioribus, nec ex his, quæ nobis notiora, positum est, non facit ad definitionem. *Æquicolum* quoque, idest, æquimembrem diffinito, oportet fieri diffinitionem. vt si quærat quid sit speculatiua scientia, neutrum, nec speculatiua scilicet, nec scientia, relinqui debet ambiguum: In ipsis quoque substantialibus diffinitivis nihil ponendum est, quòd vergat ad passionem. auctore siquidem Aristotele, omnis passio magis facta, abijcit à substantia. differentia autem non huiusmodi. nam magis saluare videtur id, cuius est differentia. & simpliciter impossibile est esse singulum, sine propria differentia. Nam cum non est gressibile non erit homo. simpliciter autem dicendum, *secundum quæ alteratur habens*, nihil horum diffentia illius. omnia enim huiusmodi, cum magis sunt abijciunt à substantia. quare si aliquam huiusmodi differentiam assignauit, pec-

cavit. simpliciter autem non alteramur secundū differētiās. vnde etiam Plato arguitur, mortē in animalium definitione, ponens. Licet enim non fiat, id est magis aut minus prædicetur, eò quod huiusmodi non suscipiunt magis aut minus, differentia tamen non est. sed fortè rectius habitum notat, & passionis habilitatem, aut magis necessitatem indicat patiendi: hoc autem facile suadebitur Christiano, qui immortalitatem expectans, conditionem vivendi credit mutandam in melius, non corrumpi naturam. Glorificabitur enim substantia, & sine corruptione sui eximetur à necessitate patiendi. Ipsa quoque habilitas passionis perpetiendæ penitus evanescet quando mortale immortalitatem induet morte absorptā: & corruptibile nunc, incorruptionem possidebit. Nec mirum mortalitatem passibilitati ascribi, cum immortalitas ipsa secundum Aristotelem passio sit dicenda. ait enim, Passio vitæ & casus, immortalitas videtur esse, Quoniam autem verum est quod dicitur, palam fiet, si quis concedat ex mortali aliquem fieri immortalem. Nullus enim dicet aliam cum vitam sumere, sed casum aliquem, vel passionem huic eidem adgenerari, quare non est genus vita immortalitatis utique. & hinc constat quin mortale & immortale, non sunt viventium species aut differentia: sed potius modos vivendi indicant, aut naturæ conditionem; Equidem nihil mali in substantia, nam quod cuiusque optimum, in substantia maxime est autem difficile, nisi multam rerum notitiam habenti regulariter definire, cum substantialia se-

pe incerta sint, vel ob difficultatem rerum, & ignorantiam vel propter ambiguitatem sermonum. Sunt & etiam plæraque quæ urgente natura proprijs definitionibus carent: vt principia, eo quod sursum pergentibus, eorum, quia non sunt genera, non occurrunt & indiuidua: eò quod differentiis substantiæ ab inuicem non separantur: porro hic descriptiones pro definitionibus sunt, probabiles quidem magis, quo ad definitionum formam magis accesserint. earum tamen maior est indulgentia. est autem quidlibet fecisse facilius, quam benefecisse. quia virtus semper in arduo est, cum verò de definitione constabit, ad construendum, destruendumque propositum efficacissima est. quia cum ipso pariter infirmatur, aut conualefcit.

## CAPITVLVM. IX.

*De problemate eiusdem & diuersi, quod agitur in septimo, & communia quædam Topicorum.*

SEPTIMVS quoque à definitionibus pendet, seuoluitque problemata, quæ de eodem sunt & diuerso. In huius autem discussione plurima attritio est, quoniam contrariarum concursus rationum, dubitandi materia est. Cæterum sicut *diuersum*, sic & *idem* alicui, multipliciter dicitur: Nam vtrumque, Genere, Specie, & Numero. Sed quæ genere diuersa sunt. illico & sequentibus. è contra, quæ idem numero, statim & cæteris modis vniuntur. maximè indubitanter, quod vnum est numero, & idem alicui, ab



omnibus idem videtur dici. Nam & hoc est esse simpliciter idem. Solet autem & hoc assignari multipliciter, propriè autem & primum, quando nomine vel definitione idem assignatum fuerit. vt vestis, Tunicæ, & animal gressibile bipes, homini, & quod naturâ fertur sursum, igni. Tertium verò quando ab accidente, vt sedens vel musicum Socrati, omnia enim hæc vnum numero volūt significare. quoniam autem verum est, quod nunc dictum est, ex permutantibus appellationes aliquis addiscet. sæpe enim præcipientes nomine vocare aliquem sedentium, permutamus. quando fortè non intelligitis, cui præceptum facimus, velut ab accidente eo magis intelligente, & iubemus sedentem vel disputantem vocare ad nos: palam quoniam eundem opinantes, & secundum nomen, & secundum accidens significare; ergo idem (quemadmodum dictum est) tripliciter *diuidatur*. Itaque nō modo definitionum, sed generis, proprii, accidentis, necessaria est cognitio, tam ad astringendum, quàm ad destruendum ea problemata, quæ de eodem sūt & diuerso, sed nihil ad alterutram operam definitione vtilius, quoniam nihil efficacius, nihil notius est. In iis autem septem voluminibus, ob vbertatem locorum, constare rectissimè dicitur summa Topicorum: quæ, vt ait Isidorus, sic dicta sunt, quoniam *τοπος* continent, id est locos, qui sunt argumentorum sedes, fontes sensuum, & origines dictionum. pro eo enim disciplina ipsa dicta est Topicè, quòd locorum doctrinam facit. Qui verò librum hunc diligentius perscrutantur nō

modo Ciceronis & Boëtij topicos ab his septem voluminibus erutos deprehendet, sed librum diuisionum, qui compendio verborum & elegantia sensuum, inter opera Boëtij, quæ ad logicam spectant, singularem gratiam nactus est. Non omnes tamen locos, huic operi insertos arbitror, quia nec potuerunt, cum & à modernis, huius præeunte beneficio, æque necessarios euidentius quotidie doceri conspiciã. Versatur in his inventionis materia, quam hilaris memoriæ Gulielmus de Campellis, postmodum Catalaenensis Episcopus, definiuit, & si non perfectè, esse scientiam reperiendi medium terminum, & inde eliciendi argumentum. cum enim de inherencia dubitatur, necessarium est aliquod inquiri medium, cuius interuentu copulenter extrema. Qua speculatione, an aliqua subtilior, vel ad rem efficacior fuerit, non facilè dixerim. medium verò necessarium est, vbi vis inferentia in terminis vertitur, si enim inter totas propositiones sit, vt potius sit obnoxia cõplexioni partium, quàm partibus complexis, medij nexus cessat. In ijs autem, quæ terminis, aut terminorum partibus, vim vrgendi habent, locus ab ea habitudine est, quæ est inter id, quod demitur conclusioni, & id quod dempto succedit. succedentia enim à præcedentibus conuincuntur. Quod autem vtroque manet immobile, nec probantis violentiam, nec probati recipit fidem & sicut à significatione contrahunt termini vt vniuersales dicantur esse, vel singulares: sic vt vnus sequatur ex altero, vel propulsetur ab altero, facit coherentia, vel repugnantia significa-

tionum. nisi enim res significata sibi cohereant, aut repugnent, non est quare in terminis familiaritas aut hostilitas requiratur. Non est autem facile in singulis semper explorare, rerum quæ firmus sit nexus, aut quanta dissensio, & ob hoc quid simpliciter necesse, quidue magis probabile sit, iudicare interdum difficilius est. Sed quod frequentissimè sic, *probabile quidem*, quod nunquam aliter, magis probabile, quod aliter esse non posse creditur, necessarij suscipit nomē. nam penes naturam est necessariorum possibilitumque definitio, sola siquidem vires suas agnouit. Adamas diu habitus est infecabilis, quia nec ferri nec Calibis verebatur acumen: tandem verò, cum plumbo & sanguine Hircino sectus esset, patuit factū facile, quod prius impossibile videbatur. ergo solitus rerum cursus dilligenter aduertendus est, & quodam modo excutiendus naturæ sinus. vt necessariorum probabiliūque natura clarescat, nihil enim est, quod ad locorum notitiam magis proffit, nihil quod veritatis notitiam amplius pariat, nihil quod ad docendum aut ad persuadendum magis proficiat, & omnium dicendorum paret laudabilem facultatem.

## CAPITVLVM X.

*De vtilitate octauæ.*

**F**AMILIARE est omnium peritorum artificum, artis suæ instrumenta præparare, antequam experiatur vsum, ne conatus propriæ

facultatis inanis sit ; si domesticis caruerit instrumentis. sic in re militari , præuidet dux arma, & impedimenta militiæ. Architectus , cum instrumentis materiam perquirat, in quâ se , & illa, exerceat. Nauta clauum, rudentes , reinos, Anchoras & cætera nauigij armamenta componit, vt eorum fretus adminiculo, propositum artis possit rectius expedire. Itaque pari modo, *rei rationalis opifex* , & campidoctor eorum , qui Logicam profitentur, in præcedentibus instrumenta disputandi , & quasi arma tyronum suorum, locauit in arenâ, dum sermonum simplicium significationem euolueret, & idem enunciationum locorumque naturam aperiret. Consequenter autem instrumentorum exercitium docet, & quodammodo congregiendi artem tyronibus tradit , & quasi membra moueat colluctantium, proponendi & respondendi, convincendi & euadendi, vias monstrat, & eam propter quam cætera præmissa sunt, facultatem præceptis informat. vt autem præmissæ similitudinis sequamur proportionem, quemadmodum categoriarum elementarius, perermoniarum syllabicus, præmissi topici, dictionales libri sunt, sic Topicorum *oſtlaus*, constructorius est rationum, quarum elementa, vel loca, in præcedentibus monstrata sunt. solus itaque versatur in præceptis, ex quibus ars compaginatur, & plus confert ad scientiam disserendi si memoriter habeatur in corde, & iugi exercitio versetur in opere, quàm omnes fere libri Dialecticæ, quos moderni præceptores nostri in scholis legere consueuerant. Nam sine eo, non disputatur

arte, sed casu. Cæterum ut plurimum proſit, aliorum neceſſaria eſt cognitio, qui & ſi non abundent præceptis, niſi raro, rerum ſermonumque vtiliſſimam doctrinam faciunt. Quia ergo exercitatio Dialecticæ ad alterum eſt, pares, quos producit, & quos rationibus muniuit, & locis, ſua docet norma tractare, & ſermones potius cõſerere quàm dexteris & tantâ cautelâ imbuat, ut totius eloquentiæ præcepta hinc tracta principaliter velut à primitiuo fonte originis ſuæ, manare perſpicuum ſit. Indubitanter enim verum eſt, quod fatentur Cicero & Quintilianus, quia hinc non modo Rhetoricorum adiumentum, ſed & principium, Rhetores, ſcriptores artium, aſſumpſerunt. poſtmodum tamen proprijs dilatata eſt inſtitutis. verſatur ergo tota Dialecticæ agitatio, quoniam alter alterius iudex eſt, inter opponentem & respondentem. horum verò vterque finem ſuum aſſequitur, ſi nihil omittat ex contingentibus: ſi propoſito ſic inſiſtat, ut & ſe, & orationē increpationi ſubducatur. nõ enim ſemper eadē eſt increpationis occaſio. Nam plerumque propoſiti, plerumq. proponentis culpa eſt. Siquidē, ut ait Ariſtoteles, Nõ eſt in altero tantū benè finire commune opus. Nā & qui litigatorie interrogat, prauè diſputat, & qui in reſpondendo non concedit quod videtur, neque ſuſcipit quicquam, quod vult interrogans inquirere. Manifefſtum etiam quoniam non ſimiliter increpandum, & per ſe orationem & interrogantem. Nihil enim prohibet rationem quidem prauā eſſe, interrogantem verò, ut cõtingit optimè cõtra respondentē diſputare. Non cõtra diſ-

colos, non possibile fortasse statim, quales quis vult, sed quales contingit, facere syllogismos. est autē prauus socius, qui impedit commune opus. Qualiter verò facienda aut vitanda sit alterutius increpatio, an vtilius, an subtilius, & structius doceat, incertum habeo. porro benè interrogantis opus est, vt faciat respondentem improbalissima dicere, alia quidem, quam quæ propter positionem sunt necessariæ: respondentis autem, non propter eum videri accidere impossibile, aut quod præter opinionem est, sed propter positionem. Diuersum enim fortasse peccatum est, ponere primum, quod non oportet, & positum, non seruare secundum modum: at opponens, etsi interdum ad inductionem, vt detur vniuersale, aut in magnitudinem orationis, aut vt manifestior sit oratio, negotietur, in omnibus præcipuam virtutem ducit occultationem conclusionis vt oratione per conclusionem expleta, quærat propter quid. vnde in nuptiis Mercurij & Philologiæ, Dialectica in manu serpentem gestat, & formulas, vt astutiâ serpentis, quæ propositum tegit, mordeantur incauti & rudes: aut improbi per rationis formulas erudiantur, aut conuincantur. Consistit autem cautela, in ordine & modo explendi propositum, siue diuidendum, seu diffiniendum, seu colligendum sit: rectèque procedit ex præexistenti cognitione locorum, & argumentationum, aliorumque sermonum quibus diffinitiones & diuisiones explicantur. Nam loci argumentandi, & diuidendi, diffiniendique, plerumque sunt communes. Sed vis artis in argu-

mentationibus amplius viget. in ipsis quoque syllogismis violentior est, siue integritate sui perfectus sit, siue mediâ propositione subtracta, ad modum enthymematis conclusionem accelleret. Ideoque vsus *magis* eius facit ad alterum. Inductio verò leuior est, siue maturiori incessu à pluribus progrediatur, ad vnum vniuersale, aut particulare, siue acriori impetu ab vno, ad exempli formam inducto, ad vnū, inferendo profiliat. hic autem modus magis oratoribus congruit. interdum tamen ornatus aut explicationis causâ, conducit & dialectico. magis enim persuasorius est, quam vrgens. Vnde, sicut Marcus Tullius in Rhetoricis testis est, Socrates hoc argumentandi genere sapissimè utebatur. Cæterum cum exempla ad probandum quid, aut plura feruntur, aut singula, conuenientia esse debeant, & ex quibus scimus. qualia Homerus, non qualia Cherillus. si autem ab auctoribus transsumantur, Homero quidem Græcus, Latinus autem, Virgilio vtatur & Lucano. Domestica vnique exempla magis mouent, & ignota, dubiorum non faciunt fidem. Ad occultationem verò propositi, immo vt vterque gignadiorū noti compos facilius sit idiotisimius, & orthonoisimius, perutilis est. Vt vterque scilicet sic artem dissimulet, quod aut eam non habere credatur, aut quod habita nolit. uti. Semper enim suspecta est artis ostentatio: & è contrâ facilius admittuntur, viâ simplici gradientes. Sed præ omnibus vtrique expedit nosse fideliter circa quid confligentium versetur intentio. Si quidem non facto manifesto quid est quod possum

tum est, non est facile argumentari. nam ex hoc, vel ad nomen, aut sæpe nulla est disputatio. Ratio enim non habet processum, nisi intellectus altercantium alicui innitatur articulo. nam ut obuiatio sit, necesse est eandem teri viam. Ergo aut vna debet esse interrogatio, aut multiplicitas suis est rationibus distinguenda. Vnde Aristoteles, *quoniam autem concessum est respondenti*, non intelligenti, dicere, quoniam non intelligo & multipliciter dicto, non ex necessitate confiteri, vel negare. palam quoniam primum quidem, nisi planum sit quod dicitur, non pigritandum dicere, *non intelligere*. Nam sæpe ex eo quod non planè interrogantibus dant, obuiat aliquod difficile. Si autem notum quidè sit, multipliciter autem dictum, si in omnibus quidè verum vel falsum sit, quod dicitur, dandum simpliciter, vel negandum, si verò in aliquo sit falsum, in aliquo autem verum, significandum est quoniam multipliciter dicitur, & propter hoc, aliud quidem falsum, aliud autem verum. posterius enim diuiso incertum, si & in principio cōspexerit, dubium. si autem non præuiderit dubium, sed in alterum respiciens posuerit, dicendum ad eum, qui in alterum ducit, quoniam non ad hoc inspiciēs dedi, sed ad alterum eorum. nam pluribus existentibus, quæ sub eodem nomine, vel sub eadem oratione sunt facilius est dubitatio. Si verò planum sit & simplex, quod interrogatur, aut sic, aut non, respondendum. ut enim est apud Agellium, *qui in talibus plus vel minus respondet, quam quærat ab eo, lineam recte disputandi ignorat aut dissimulat*. siquidem qui



aut multiloquio, aut distorta responsione collegam impedit, nō modò prauus socius, sed manifestè proteruus est: præsertim si non habens instantiā, admissis particularibus, cōtradicit vniuersali. nam sine instantia, quæ sic, vel videatur, prohibere orationem, proteruire est. si ergo in multis apparente, nō dederit vniuersaliter, qui nō habet instantiā, manifestū quoniā proteruit, nisi fortè cō trā habēt argumētari, quoniā nō verū est quòd infertur. Si quidē si cōsequēs falsum est, palā est quoniā ex antecedentibus veris non provenit. Nam ex vero nunquam falsum: *pro eo quòd veritatis integer finis, nec parit nec alit mendacium.* Non tamen sufficit in contrarium argumentari. cō quòd plura contraria opinionibus, plerumque facilè non soluuntur hinc inde colluctantibus argumentis: nam Zeno quod non contingit moueri, neque stadium pertransire, & Empedocles ab aduerso omnia moueri contendit. Sed paucorum opinio, præsertim quam firmissima ratio non munit, æquè firmæ & *continuatori* opiniononi non derogat. itaque proteruus est, qui in talibus, nec instantiā nec contrariis vtitur argumentis. est enim in disputationibus proteruia, responsio præter hos modos, syllogismi corruptiua, Ita quidem, ex parte respondentis: nam interrogante nihilominus est, si patefacto quid datum sit, ineptā verbulorum occasione, in contrarium tendit, fidelem non recipiens intellectum, sed aucupans syllabas, & ad nomen inaniter disputans. Tantò quidem improbius est proteruia, quantò acrius quisque sic vrget. cæterum vterque alterius propositum impedit, sine proterviæ vitio, si officij sui parti-

bus probè renitatur, aut vrgeat. puta si tardum naturâ, vel vſu, adhibitâ celeritate quis vrgeat; si acrem ingenio, vel exercitij aſſiduitate, quis, adhibitâ grauitatis morâ, retardet. si tegit quis propositum, vt arte deludat: si alter detegit occultatum, vt prudenter euadat. & quidem in hunc modum plurima. Si verò falſum ſequi videatur ex ver, etſi vbi fallacia ſit, non ſit perſpicuum, conſtat quoniam ſophiſticus eſt ſyllogiſmus, aliaue argumentatio fallax quidem & perfida, cui fidem haberi: *non oportet*: hoc autem litigijs, quam demonſtrationi, aut exercitationi dialecticæ magis facit. Nam *sophiſma*, eſt ſyllogiſmus litigatorius: *philosophema* verò, demonſtratiuus: argumentum autem, ſyllogiſmus dialecticus. Séd *aporisma*, ſyllogiſmus dialecticus contradicctionis. Horum omnium neceſſaria eſt cognitio, & in facultatibus ſingulis perutilis eſt exercitatio. Itaque aſſueſcendum eſt diſceptationi, & prima initia memoriter reuoluenda, diſtinguenda neceſſaria, & probabilia, ab oppoſitis, & à ſe inuicem executiendæ ſunt vocum ſignificationes, vt facilè, ſcientiam habenti, vna oratio in plures tranſcat, aut plures reducantur in vnâ. In vniuerſalibus aut aſtruendis, aut depellendis, diligetia maior: cū in eis proſectus aut periculū euidentiùs cōſtat: pro eo quòd nō eſt ſine vniuerſali ſyllogiſare. porro, cū in omni ſermone præcipua ſit virtus, breuitas, tum in eo, qui ad alterū eſt, efficacius operatur, acceptatur gratiùs & clariùs eniteſcit. nam in prolixitate omnium majus diſpendium, quod ſi non poteſt accelerari propositū, nouitate rerum, quæ tamen præ-

ter rem non videantur, purganda est mora: quoniam, ut ait Aristoteles, quisquis unam orationem multo tempore interrogat, malè inquit. nam si respondente interrogato quod interrogatur, palam quoniam multas interrogationes, interrogat, aut frequenter easdem. Quare aut inuenatur, aut non habet syllogismum, nam ex paucis omnis syllogismus. si verò non respondente, quoniam non increpat, vel recedit. contingit autem multiplicare interrogationes, ut reprehensionis detur occasio, & vnde cumque iustæ increpationis ansas eliciat. & hoc plerumque laudabile, interdum verò defectus indicium est: eo quòd non est propositum certum, aut ei via non patet ad processum, qui easdem replicat orbitas, & auras easdem circinat, & mouetur iugiter nec promouetur. Heschelinus faber conchis, sicut magister Vilelmus referebat, illorum morem sequebatur, qui nihil in disputationibus certum appetunt, & sic rem fabrilem, sicut hij expediunt Dialecticam, exercebat. Præstolabatur enim non ab arte, sed fortunâ, operis finem. Dum enim coctam massam volueret in incude, eamque formaret ad ictum mallei, si fortè interrogaretur quid fieret, non certum quid respondebat, sed multa disiunctim, puta cultrum, aut falcem, aut vomerem, aut aliud ad quod materiam casus induceret. Non enim quod volebat, sed quod poterat, producebatur. Nihil autem minusperitum decet artificem, quàm sequi casum, non arbitrium rationis, proinde rationum vndecunque ad statuendum vel destituendum positionem conquirenda est

copia, ut vrgendi instandique facultas comparatur. Et si aduersarius deest, secum quisque experietur, quæ quot, & quanta propositæ questionis articulū muniāt aut impugnēt. Sic enim faciliē erit quisque idoneus ad cogendū & reluctandū & siue agonizandū, seu suadendū, seu philosophandū fuerit, vrgētias instātiasque habēs aut superabit aut euadet cū gloria, aut decēter sibi, & sine ignominia superabitur. fuit antiquitūs hæc in re militari disciplina Romanorū, ut qui armis fuerāt exercēdi, ab ineunte ætate assumerent militiæ imaginariæ, & ludentes in eo iugiter versarentur adolescentes, unde post modum in necessitatibus reipub. feliciter triumpharent. Telorum quisque nouerat vsum, & qualiter equitē, qualiter peditem, nunc instare, nunc fugere, nūc celsim, nūc punctim ferire oporteat, Domi prædiscebatur: Sic suorum instrumentorum necesse est Logicum expeditam habere facultatem, ut scilicet principia nouerit, probabilibus abundet, syllogizandi & inducendi omnes ad manum habeat rationes: vires quoque aduersarij metiatur: quoniam & ex hoc plerumque negotij pēdet euētus. Non est enim in altero tantum benè finire commune opus. Siquidē sicut interrogantis aut docentis imperitia, sic plerumque tarditas auditoris, aut rei difficultas, eum qui agit ex arte, voti compotem esse non finit. Est autem, ut ait Palladius, magna pars prudentiæ, eius cum quo agitur æstimare personam. In iure quoque cautum est, quia nemo debet esse ignarus cōditionis eius, cum quo cōtrahit. Ergo & aliter cū erudito, aliter agendū.

est cū eo, quem rudē nosti. Nā eruditus syllogisticis, rudis virgendus est rationibus inductiuis. Cæterū vt quis veniat ad profectū, sicut studiū exercitii, ita & venam laudābilis necesse est subesse ingenii. Ingenium verò bonum est, quod verò facile acquiescit, & falsum aspernatur. hoc autem primū à naturā oritur, per fomitem innatæ rationis: deinde affectione boni, & vsu, viuaciùs conualescit. vsus quidem exercitium roborat, paritque facultatem probandi & examinandi veri. faciliùs tamen, & expeditiùs, si artis præceptorumque compendio solidetur. Sed licet nunc ad se, nunc ad alterum contingat vtiliter exerceri, collatio meditatione videtur vtilior. vt enim ferrum ferro acuitur, sic ad vocem alterius, contingit animum colloquentis acutiùs & efficaciùs excitari: sed maximè si cum sapiente aut modesto sermo conferitur alioquin os stulti, quod ebullit stultitiam, & proteruius, qui modestiam nescit, non tam faciliè ingenia adolescentium, qui aliis per imitationem appetunt conformari, erudiunt, quàm peruertunt, Non informant ad vitam, nec instruunt ad sciētiā, sed iufatuant animam, & toxicant linguam. Itaque licet nihil magis mutua collatione proſit; non est tamen cum omni disputandum, neque contra quemlibet exercitandum. Necesse est enim, vt ait Aristoteles, contra aliquos prauas fieri orationes. Nam contra eum, qui omnino temptat videri perſugere, iustū quidem omnino tentare syllogismū facere: non pulchrum autem, eò quòd, non oportet consistere statim contra quoslibet, Necesse est enim labo-

riofum sermonem accidere. Nam qui exercitati sunt, non possunt abstinere à disputatione certatoriâ. Sed nec vbique, nec semper, nec de quolibet disputandum. sunt enim plura, quæ disputationem non admittunt. sunt quæ humanas excedunt rationes, & tantum fidei consecrantur. Sunt & quæ interrogante xquè ac respondente videntur indigna & eos, qui in talibus dimicant, aut desipere, aut non sapuisse conuincuntur. Hæc autem sunt, quæ scita non conferunt, & ignorata non lædunt. iis operam dare, ad philosophiam non tam accessum præparat, quàm recessum. Neque enim proficientis, sed deficientis ingenii iudicium est. vnde eleganter Beatus Ambrosius: *Libenter fateor me nescire, quòd nescio, imò quòd scire nihil prodest.* Porro probabilium inuestigatio, ex quibus ferè scientia est humana, quodammodo manat à fonte Topicorum; quæ rerum sermonumque adiunctione deprehensa, parant copiam rationum: vt si quis in eis sufficienter instructus fuerit, illud Pithagoricum verum esse cognoscat, quia de omni re potest in vtramque partem probabiliter disputari. Ipsam verò, sicuti est, deprehendere veritatem, diuinæ vel angelicæ perfectionis est. ad quam tantò quisque familiarius accedit, quantò verum quærit auidius, amat ardentius exminat fidelius, & in contemplatione eius iocundius delectatur. Hæc summatim excerpta, ad instantiam prouocantis retexui. non quidem quod vtilitatem aut conceptionem præcedentium librorum plenè descripserim: Hoc enim supra vires meas est, & à proposito alienum, sed vt ar-

178. IO. SARESBERIENSIS.

ticulos, qui proponebantur & criminabatur  
inutiles, officiosos esse monstrarem. idem quo-  
que in sequentibus propositum est: scilicet ut  
potius æmulo occurratur, quàm ut in artes, quas  
omnes docent, aut discunt, commentarii scri-  
bantur à nobis. Cui ista non placent, doceat  
potiora.

*Metalogicon tertius liber explicite.*





INCIPIT  
PROLOGVS LIBRI  
QVARTI.



EDIRE compellor ad materiam, intermissam, & quæ studijs grauioribus fuerat prius præponenda. Nam & processus, ætatis, gradus, ordinis, conditionis forma, vt de imminentibus causis, & domesticæ rei oneribus ad præsens tacëam, occupationem aliam exigebant. Sed quoniam temeritas æmuli non quiescit, & tu, cui mos gerendus est, opinionis meæ sententiã quæris quæ pro tempore licuit, succinctâ breuitate percurram. Iocundum enim fuerat, vt Senecæ verbis vtar, in antiqua redire tempora, & ad annos respicere meliores, nisi amaritudo, quæ partim ex meatu, partim ex alia sollicitudine incumbit, animum prægrauaret. Quia tamen visum est tibi meum & Cornificij examinare conflictum, inuitus, & quodammodo tractus, in huius palæstræ descendo arenam. Sed hæc hæcenus.



Metalogicon liber quartus incipit.

C A P I T V L V M. I.

*Quod liber Analyticorum est rationum  
examinatorium.*

CAMPIDOCOR itaque Peripateticæ disciplinæ, quæ præ cæteris in veritatis indagatione laborat, infœlicem summam operis designatus, totum componit: certus, quod cuiusque artis perfectio, gloriam sui præconatur authoris. vnde cum inuentionis instrumenta procurasset, & vsum quasi in conflatório sedens examinatorium quoddam studuit cudere, quo diligentissima fieret examinatio rationum. Hic autem est Analyticorum liber, qui ad iudicium principaliter spectat, & tamen ad inuentionem aliquatenus proficit. Nam disciplinarum omnium connexæ sunt rationes, & quælibet sui perfectionem ab aliis mutuatur. vix est, quæ sine alterius adminiculo, si tamẽ omnino aliqua est, quæ ad summum possit ascendere. vt autem opinionis meæ iudicium plenè cognoscas, quid de hoc opere sentiam, paucis aduerte.

## CAPITVLVM. II.

*Quòd scientia hæc utilis est ad omnia, &  
vnde hæc sortita sit nomen.*

**A**NALYTICORVM quidem perutilis est scientia, & sine qua quisquis logicum profitetur, ridiculus est. vt verò ratio nominis exponatur, quam Græci Analyticen dicunt, nos possumus resolutoriam appellare. familiarius tamen assignabimus, si dixerimus æquam locutionem. Nam illi *ana* æquale, *lexis* locutionem dicunt; frequens autem est, cum sermo parùm est intellectus, vt eum in notiores resolui desideremus æquivalenter, vnde & interpret meus cum verbum audiret ignotum, & maximè in compositis, dicebat *αναλεξιζα hoc*, quod volebat æquivalenter exponi. Nam hæc resolutio intellectui ad scientiam adminiculatur quàm plurimum. Cæterum licet necessaria sit doctrina, liber non eatenus necessarius est: quicquid enim continet, alibi faciliùs & fideliùs traditur, sed certè verius aut fortiùs nusquam. Si quidem & ab inuito fidem extorquet, quippe violentus est, & quodam Cæsareo impetu, *nullas nisi hoste subacto, gaudet habere vias*. Amici gratiam nullius momenti facit. Quod utique satis congruit officio iudicantis, cum affectus amici vel hostis, sinceritatem iudicij pervertere soleat. Porro exemplorum confusione, & traiectione literarum, quas tum de industria, tum causa breuitatis, tum ne falsitas alicubi exemplorum at-

gueretur, interfertur, adeo confusus est, ut cum magno labore eò perueniatur, quod facillimè tradi potest, & plerumque dum mendacium vitat, nec verus nec falsus est; aut fortè mentitur: si tamen proteruia calumnia facit.

## CAPITVLVM. III.

*Quod liber non eatenus utilis est ad phrasim comparandam.*

**S**ICVT autem regulæ utiles sunt, & necessariae ad scientiam, sic liber ferè inutilis est ad phrasim instruendam, quam nos verbi suppellectilem possumus appellare. est enim phrasis commoda verbi facilitas in quauis lingua. Ergo scientia memoriter est firmanda, & verba pleraque excerpenda sunt. ea enim debet esse philosophantis cautela, ut verborum intellectui semper insistat, & præter hoc diligenter excerpatur verba, quæ alio commodè transferuntur, & quorum potest esse frequentior vsus. Reliqua corquantur foliis sine fructu, & ob hoc aut calcantur, aut sua relinquuntur in arboribus unde qui Aristotelem sequuntur, in turbatione nominum & verborum, & intricata subtilitate, ut suum vendicent, aliorum obtundunt ingenia, partem pessimam mihi prælegisse videtur, quo quidem vitio Anglicus noster Adam mihi præ cæteris visus est laborasse, in libro, quem artem differendi inscripsit. & *vinam bene dixisset bona quæ dixit*, & licet familiares eius & fautores, hoc subtilitati ascribunt, plurimi ta-

men hoc ex desipientia vel inuidentiā vani, vt aiunt, hominis, contigisse interpretati sūt. Adeo enim expressit Aristotelem intricatione verborum, vt sobrius auditor rectè subiungat, *nonne hoc spumofum, & cortice pingui, vt ramale vetus prægrandi subere coctum.* Habenda est tamen autoribus gratia, quia de fonte eorum haurientes, labore ditamur alieno.

## CAPITVLVM IV.

*Quæ sit libri primi conceptio.*

**C**ÆTERVM quod necesse est sciri, verissimè & certissimè traditur hoc equidem est, quid propositio dialectica, aut demonstratiua, vniuersalis, particularis, aut infinita, quid terminus, prædicatus videlicet, aut subiectus, quid sillogismus perfectus, aut imperfectus, quid in toto esse, aut non esse, quas propositiones ad vsum sillogizandi conuerti contingat, & quas non, quidue obtineat in his, quæ modernorum vsu dicuntur esse de naturali materia, aut contingenti, aut remota. Quibus præmissis, trium figurarum subnectit rationes, & tam extremitatum quàm mediij definitione præmissa, quot & qui modi in singulis figuris, ex complexione extremitatum proueniant, docet data quidem semente rationis eorum, quos, sicut Boëtius asserit, Theophrastus & Eudemius addiderunt. Deinde habita modalium ratione, transit ad commixtiones quæ de re necessario sunt, aut contingenti, cum his quæ sunt, de inesse, vt quid

ex his, in singulis figuris, proueniat, ostendatur. Nec tamen dico ipsum Aristotelem alicubi, quod legerim, nisi fortè quòd ad propositum, de modalibus sufficienter egisse: sed procedendi de omnibus fidelissimam scientiam tradidit. Expositores verò diuinæ paginæ, rationem modorum pernecessariam esse dicunt: & modum siue expressus, siue tacitus sit, plurimum attendendum. Nam in hac *quam perfecisti, destruxerunt*, modus subticetur, & intelligitur perinde ac si modus hic, *voluntate* scilicet, apponeretur. vt ibi, *Tenerum spe deuorat agnum*. Est enim modus, vt aiunt, quasi quidam medius habitus terminorum. Et profectò licet nullus, modos omnes, vnde modales dicuntur, singulatim enumerare sufficiat, quòd quidem nec ars exigit, tamen magistri scholarum inde commodissimè disputant, & vt pace multitudinis loquar, Aristotele ipso commodiùs. opinor vtique quod siue ob verum modum, siue ob solem formam dicantur modales, earum, apud plurimos scripturarum locos, necessaria est cognitio. Cæterum in his præcipuam arbitror esse vltus autoritatē, qui sermonum auget aut minuit, mutat aut euacuat, significationes. Quod patet in eo quod est contingens. Cuius latissimus vsus, quo possibili æquabatur, in cōmuni modernorū vsu parietes scholarū nusquā egreditur. Ad hæc subiūgit, vnde icōneitas syllogizādi proneniat, quoniam parum est generationem nosse sillogismorum, nisi quis & potentiam habeat faciendi. sequitur ratio reducendi sillogismos in primæ figuræ modos. & sic primi libri conceptio clauditur.

## CAPITVLVM V.

*Qua sit conceptio secundi.*

SECVNDVS autem transit ad rationem inferendi, quæ in formam conclusionis patet. adiiciens quomodo ex falsis in secunda & tertia figura verum sillogizetur, quod eos fortè præterit, qui ex falso nihil sequi contendunt. Deinde ad circulares progreditur sillogismos, & eos in omnibus figuris exequitur. tunc ad conuersiones sillogismorum in omni figura, vt quidem imperfecti redeant ad perfectos, & omnium fides pariter elucescat, ista præcedunt quæ directæ ratiocinationis forma est, subiungitur ratio hypotheseos: quæ necessitate impossibilis euentus, aut non probabilis propositum astringit. Cuius quidem ratio est vt si concludenti non adquiescatur sumpta contradictoria conclusionis, & altera concessarum, eisque in prima figura dispositis, colligatur oppositum alicuius concessarum. Quòd qualiter in omni figura fiat, ostendit. omnesque modos, per impossibilem euentum, veros esse conuincit. Ad hæc qualiter & in qua figura sillogizetur ex propositionibus oppositis, fideliter aperit. Adicit & regulam petitionis principij, quæ speculatio tam demonstratori quàm dialectico satis accommodata est: licet hic probabilitate gaudeat ille veritatem duntaxat amplectatur. Præterea si non causa ponatur vt causa, puta, cum quis non urgente se ratione complexionis, ad im-

possibile ductus esse causatur, sed eò quod falsum aliquid positum fuerat, sequitur de causa falsæ conclusionis, vt catafillogismi & Elenchi, & de fallacia secundum opinionem, & de conuersione medijs & extremorum, cuius tamen tota utilitas longè commodius tradi potest. subiungitur ratio reducendæ inductionis, quam dicit Rhetoricum sillogismum, itidem & exempli & de deductione. Deinde quid instantia, quid *éξος*, quam probabilem propositionem dicit, etsi eius possit esse instantia, id est non perpetuò obtineat: vt matres amare, nouercas inuidere. Quid item signum, & quomodo Enthimema constet ex eicotibus, & signis. Postremò agit de cognitione naturarum. Grande quidem capitulum, & quod licet aliquatenus proposito conferat, fidem tamen promissi nequaquam implet. vnum scio me huius capituli beneficio, neminem in cognitione naturarum vidisse perfectum.

## CAPITVLVM VI.

*De difficultate posteriorum Analiticorum & unde contingat.*

**P**OSTERIORVM verò Analiticorum subtilis quidem scientia est, & paucis ingenijs peruia; quod quidem ex causis pluribus euenire perspicuum est. continet enim artem demonstrandi, quæ præ cæteris rationibus disserendi, ardua est. Deinde hæc vtentium raritate iam ferè in defuetudinem abiit, eò quod demonstratio-  
nis

nis vsus, vix apud solos Mathematicos est: & in his ferè, apud Geometras duntaxat, sed & huius quoque disciplinæ non est celebris vsus apud nos nisi fortè in tractu Ibero vel confinio Africæ. etenim gentes istæ Astronomiæ causâ Geometriam exercent præ cæteris. Similiter Ægyptus & nonnullæ gentes Arabiæ ad hæc, liber quo demonstratiua traditur, disciplina, cæteris longè turbatior est, & transpositione sermonum, traiectione literarum, desuetudine exemplorum, quæ à diuersis disciplinis mutuata sunt. Et postremo quod non contingit authorem, adeo scriptorum deprauatus est vitio, vt ferè quot capita, tot obstacula habeat. Et benè quidem vbi non sunt obstacula capitibus plura. vnde à plerisque, in interpretem difficultatis culpa refunditur, asserrentibus, librum ad nos non rectè translatum.

CAPITVLVM VII.

*Quare Aristoteles nomen Philosophi præceteris meruerit?*

**F**VIT autem apud Peripateticos tantæ auctoritatis scientiæ demonstrandi, vt Aristoteles, qui alios ferè omnes & ferè in omnibus, philosophos superabat, hinc commune nomen sibi quoddam proprietatis iure vindicaret, quod demonstratiuam tradiderat disciplinam. Ideo enim, vt aiunt, in ipso nomine philosophi sedit. si mihi non creditur, audiatur vel Burgundio Pisarinus à quo istud accepi. Et quoniam hac ignorantia



tenebras tollit, facitque quandam prænoscendi prærogatiuâ scientem, sectam Academicorum, quam in his, quæ sapienti dubitabilia sunt, profitemur, de caliginē sua frequenter educit in lucem. & sicut imprimis examinatorium cudens, instruxit iudicem, sic clientem suum Aristoteles, in his ad docentis prouehit autoritatem: Eleganti quidem ordine, quia qui rectè iudicantis implet officium, meritò ad docentis cathedram sublimatur.

## CAPITVLVM. VIII.

*De officio demonstratiua & ex quibus sit demonstratio, & quomodo; & quod sensus scientiæ principium est, & quomodo.*

**S**ED ad hanc disciplinam quis idoneus est profecto? & si quis in aliquo, eam in multis nullus perfectè assequitur. necesse enim est disciplinarum præhòsse principia: & ex his ex necessitate verorum sequelam colligere consertis rationibus, & vt sic dixerim, calcius urgendo, ne quis, quasi ex defectu necessitatis, videatur hiatus, qui demonstratiua scientiæ præiudiciū afferat. Non utique omnis scientia, demonstratiua est, sed illa duntaxat, quæ ex veris & primis est, & immediatis. nam sicut non omnis Syllogismus demonstratio, sed omnis demonstratio syllogismus est, Sic demonstratiuam scientia iuconuertibiliter ambit. communes itaque conceptiones animi præcedunt, dein-

de per se nota: & ex his, Demonstratiua exoritur. refert autem in iis, quæ nota sunt, an natura, an ad nos notiora sunt. nã proxima sensui, notiora, nobis remotiora verò, vt pote vniuersalia, simpliciter & naturaliter notiora. ex principiis itaque disciplinarum, per propositiones immediatas, idest, quæ probatione non indigent, ad id quo tendit, via est demonstratori: & licet ad iudicium maximè dicatur hæc scientia pertinere, inuentioni tamen plurimum confert. docet enim ex quibus, & qualiter, contingat demonstrare & quando & quomodo propriis aut communibus sit vtendum. Nam scientiæ sibi inuicem adminicula conferunt. & quia non omnis locus demonstratori commodus est, (vt pote ab accidente, eò quod corruptibilem, nec demonstratio, nec scientia simpliciter est,) necessarios sibi vindicat locos, reliquos Dialectico cedit & oratori. quibus satisfactum est, si verisimilimus fiat syllogismus. præterea quibus syllogismis, quibusue propositionibus, vtendum sit, aperit, & quam vim in astruendo vel destruendo afferat, propositionis quantitas aut qualitas, diligenter inspecta, quis autem syllogismus, cui faciat quæstioni, quæue sit figura syllogismo accommoda, pandit: & sic Demonstrandi scientiam statuit. ac si sensu corporeo teneatur, quæ ratio indubitata sic esse conuenit. communes enim conceptiones, à singulorum inductione fidem sortiuntur. Impossibile enim est vniuersalia speculari, non per inductionem. quoniam, vt ait, quæ ex abstractione dicuntur, per inductiones, ignota, nota fiunt. Indu-

cere autem, non habentes sensum, impossibile est. Singularium enim sensus est: Nec contingit ipsorum accipere scientiam. neque ex vniuersalibus sine inductione, nec per inductionem, sine sensu. fit ergo ex sensu memoria: ex memoria multorum sepius iterata, experimentum: ab experimentis, scientiæ, aut artis, ratio manat. Porro ab arte, quæ vfu & exercitatione firmata est, provenit facultas exequendi ea, quæ ex arte gerenda sunt. Sic itaque sensus corporis, qui prima vis, aut primum exercitium animæ est, omnium artium præiacit fundamenta: & præexistentem format cognitionem, quæ primis principiis viam non modò aperit, sed & parit.

## CAPITVLVM IX.

*Quid sensus, & quomodo omnis philosophia species, ex ipso conualescat per imaginationem.*

PLANVM autem est, hoc diligentius inspicienti per singula. Nam cum sensus (secundum Aristotelem) sit naturalis potentia indicatiua rerum, aut omnino non est, aut vix est cognitio, deficiente sensu, si quis opera naturæ, quæ ex elementis, vel materiâ constant & forma, pertractet cum Phisico, ratiocinandi viam ab indicio sensuum mutuatur. Si verò cum Mathematico figuras abstrabat, aut numeros partiatur, discretæ multitudinis, aut continuorum corporum copiam fidelibus oculis ingerit. Philosophus quoque qui rationalem exercet, qui etiam tam Phisici quàm Mathematici cliens

est, ab iis incipit, quæ sensuum testimonio con-  
ualescunt, & proficiunt ad intelligibilium in-  
corporaliumque notitiam. Est autem sensus, ut  
Calcidio placet, passio coporis ex quibuldam  
extraspositis, & variè pullantibus corpus vs-  
que ad animam commens. Nisi enim ea-  
dem aliquid violentiæ habeat, nec ad animam  
peruenit, nec cadit in sensus formam. Si verò  
eadem passio grata est, lenitate sui voluptatem  
gignit, & si inualescit, gaudium nominatur.  
Quòd si asperitate sui exulcerat, dolorem gi-  
gnit. Arist. autem sensum, potius vim animæ  
asserit, quàm corporis passionem. Sed hæc ea-  
dem vis, ut iudicium suum de rebus formet,  
passionibus excitatur. & quia res percipit, ea-  
rundem apud se deponit imagines. quare  
retentione & frequenti reuolutione, quasi  
thesaurum memoriæ sibi format. Dum verò  
rerum voluit imagines, nascitur imaginatio:  
quæ non modò præceptorum recordatur, sed ad  
eorum exempla conformanda, sui viuacitate  
progreditur: Quæsitum tamen est an à sensu  
distet imaginatio naturaliter, an solo percipien-  
di modo. Recolo enim fuisse philosophos, qui-  
bus placuit, sicut incorpoream, simplicem, &  
indiuiduum esse substantiam animæ, ita & vnā  
esse potentiam, quam multipliciter, pro rerum  
diuersitate, exercet. Eorum ergo opinio est,  
quòd eadem potentia nunc sentiat, nunc memo-  
retur, nunc imagnetur: nunc discernat inuesti-  
gando, nunc inuestigata assequendo intelligat.  
Sed plures sunt è contrario sentientes, animam  
quidem quantitate simplicem, sed qualitatibus

cōpositam & sicut multis obnoxiam passionibus, sic multis potentijs vtentem. Et facile quidem crediderim plures esse, quàm eorum sit libris expressum. cum anima dum à Domino perigrinatur, suæ originis nimis ignara, vix vires suas agnoscat.

## CAPITVLVM X.

*De Imaginatione & quòd ex ipsa oriuntur affectiones, quibus anima componitur, aut turbata deturbatur.*

**I**MAGINATIO itaque à radice sensuum per memoriæ fomitem oritur. & non modo præsentiā, sed & absentiam, loco quidē, vel tempore, per quandā symplasm, quā nos conformationē possimus dicere, intuetur. Hinc est illud.

*Sic sedit, sic culta fuit sic flamina nent,*

*Iniecta collo sic decurre coma.*

Quòd autem abstratiua sit, innuit Maro, dum se, sui Astyanactis imaginē abstraxisse recordatione quadam Andromachæ fatetur.

*O mihi sola mei super, Astyanactis imago!*

*Sic oculos, sic ille manus, sic ora ferebat.*

Et nunc æquali tecum pubesceret æuo & quia, vt in politiā ait Plato, facile est assequi naturalia arcana ex his quæ frequenter accidunt, imaginem eorum, quæ futura sunt, concipit ex qualitate eorum, quæ præsentialiter sentit, vel aliquando sensit. Ergo si passionem asperam concipit de futuro, timor oritur. spes autem, si vtilitate vel amœnitate iocundam. Hinc nascitur & cupiditas, perniciosissima pestis, & quæ philosophan-

di proposito plurimum aduersatur. Impossibile enim est quenquam cupiditati & philosophiæ pariter operam dare. mixta autem est ex contrarijs, cum spes fruendi voluptatē pariat, sed dilatio tristitiam & dolorem. quæ si inualuerint, vt exordinent & turbent animam, ex ea concussione fit ira. itaque ad cōpescendos motus illicitos parit imaginatio cautelam: quæ ei nociua declinet: *vt sunt ex* quibus dolor, ira, cupiditas & sequelæ istorum puta inuidia, odium, detractio, luxuria, vanitas. Dum verò nimis cauet, ad formidinem, dum parum, ad temeritatem accedit. & in hunc modum ex sensu proueniunt cætera, per imaginationis opem: vt amor, qui ad tutelam corporis, vel ad conseruationem vtilium, vel ad procurandam successionem, plurimum operatur.

## CAPITVLVM XI.

*Quid imaginatio, & de opinione & fallaciâ  
opinionis, & sensus & de ortu phro-  
nesis, quam nos prudentiam  
nominamus.*

**E**ST ergo imaginatio, primus motus animæ, extrinsecus pulsata, quò secūdum exercetur iudicium, aut per recordationem redit primum. primum enim iudicium viget in sensu, dum aliquid album, aut nigrum, aut calidum aut frigidum, esse pronunciat. Secundum verò imaginationis est: vt cum aliquid perceptorum, retentâ imagine, tale vel tale asserit, de futuro

iudicans, vel remoto. Hoc autem alterutrius iudicium *opinio* appellatur. & est quidem certa, si prout se habent, de rebus iudicat. si verò aliter, infidelis. Hanc autem asserit Aristoteles, animæ passionem: eò quod dum exercetur, rerum imagines animæ imprimantur, quòd si vna pro altera imprimatur, pro errore, quo fallitur in iudicio, fallax vel falsa *opinio* nominatur. nam sæpissimè falluntur sensus, non modò in paruulis, vbi ratio putatur otiosa, sed & in pro-necta ætate. quòd Aristoteles docens, dicit, ex eo contingere lactentes, omnes viros, putare patres, sæminas autem, matres, quod sensus rudis fallitur, nec firmum potest asserere iudicium. Baculus verò, in aqua fractus videtur etiam perspicacissimis. & quia sensuum fallaciam deprehendit, in eo agitur vt & fidele aliquid teneat, cui sine errore fiducialiter possit inniti. Ab hac agitatione nascitur virtus quam Græci *φρόνησις*, Latini prudentiam vocant.

## CAPITVLVM. XII.

*Quid prudentia, quæ materia eius, quæ partes, & quomodo scientia ex sensu.*

PRUDENTIA autem est, vt ait Cicero, virtus animæ, quæ inquisitione & perspicientiâ solertiâque veri versatur. Materia enim huius virtutis, in quâ exercetur, veritas est: reliquarum verò, domesticæ quædam necessitates. Ne ergo vndecumque fallatur, ad futura prospectum intendit, & prouidentiam forinat, vel præterita ad

mentem reuocans, thesaurizat memoriæ: vel de præsentibus callet, & astutiæ vel calliditatis speciem parit: aut se pariter ad vniuersa diffundit, & ei circumspectio nascitur. cum autem veritatem fuerit assecuta, in speciem scientiæ transit. ex his patet, quòd cum de sensu, imaginatione, & ex his duobus, opinio, & ex opinione, prudentia nascatur, quæ in scientiam conualescat; quòd scientia de sensu trahit originem. Nam vt dictum est, *multi sensus, aut etiam vnus*, memoriam vnā, multæ memoriæ, experimentum, multa experimenta, regulam, multæ regulæ, reddiderint vnā artem ars, verò facultatem.

## CAPITVLVM XIII.

*De differentia scientiæ, & sapientiæ,  
quid fides.*

**I**N DE est, quod maiores, prudentiam, vel scientiam, ad temporalium & sensibilium notitiam retulerint: ad spiritualium verò, intellectum, vel sapientiam. Nam de humanis, scientia: de diuinis, sapientia, dici solet. Adeò autem de sensu, scientia pendet, vt eorum, quæ sensu sciuntur non sit scientia, rebus à sensu subductis. constat enim hoc ab Aristotele. potest tamen esse fidelis opinio: vt cum post noctem Sol creditur rediturus. vnde quia humana transitoria sint, certum opinionis *de eisdem* nequit esse iudicium, nisi rarò, si autem, quod non vsquequaque certum est, pro certo statua-



tur, sit accessus ad fidem quam Aristoteles diffinit esse *vehementem opinionem*. fides autem, tam in humanis, quam in diuinis rebus, maximè necessaria est. cum nec contractus sine eâ celebrari inter homines possent, aut aliqua exerceri commercia, interdum quoque & homines meritorum præmiorumque nequit esse commercium, fide subtractâ. hæc autem tum habet meritum, cum veros de Religione tenet articulos. & est, vt ait Apostolus, substantia rerum sperandarum, argumentum non apparentium. est & media inter opinionem & scientiam quoniam per vehementiam certum asserit: ad cuius certitudinem per scientiam non accedit. vnde Magister Hugo fides est. voluntaria certitudo absentium supra opinionem, infra scientiam, constituta. Sed hic scientiæ nomen dilatatum est, & vsque ad diuinorum comprehensionem protenditur.

## CAPITVLVM XIII.

*De cognitione ἐπιστήμης, & ἀληθείας, & de  
ortu phronesis, quòd ratio.*

**E**T quia veritas, prudentiæ materia est (nam in veri comprehensione laborat.) sinxerunt antiqui phronesim & ἀληθειαν esse germanas. eò quod prudentiæ cum veritate est quædam diuina cognatio. Inde est quòd ab aspectu veritatis prudentia, si perfecta est, nequit arceri. verum quia hoc hominum non est, latens verum auide quærit infirma conditio. &

quidem propter fallacias sensuum & opinionum, vix in eius investigatione fideliter incedit: vix est in comprehensione secura. recolit enim se deceptam esse, & posse decipi. sollicitatur ergo, ut firmâ perceptione gaudeat, indubitatoque iudicio, quod potest ratio appellari. Siquidem ratum & firmum est rationum examen. Philologiam ergo parit phronesis, dum amor veri sollicitat prudentiam ad notitiam rerum, de quibus ferri vult sincerum firmumque iudicium. & est philologia, sicut philosophia, nomen temperatum. quia sicut appetere, quam habere, sapientiam, facilius est, sic amarè quidem, quam exercere rationem. Ratio enim, id est *sincera iudicii firmitudo*, paucorum est.

## CAPITVLVM. XV.

*Quid Ratio, & quòd nomen rationis multiplex est: & quòd rationes sempiternæ.*

**A**NIMA itaque pulsata sensibus, & prudentiæ sollicitudine validiùs concussa seipsam exerit: collectisque in vnum viribus, dolos sensuum & opinionum studet intentiùs declinare. suâ verò intentione, perspicatiùs videt, firmiùs tenet, & sinceriùs iudicat. & hæc est vis, quæ ratio nominatur. Siquidem ratio est potentia, spiritualis naturæ, discretiua rerum corporalium & incorporalium, quæ res appetit firmo & sincero examinare iudicio. ipsum quoque iudicium eius, censetur nomine rationis. sed & illa censentur rationes, de quibus sola

198: IO. SARESBURIENSIS  
 ratio iudicat, & quorum essentia, à sensibilibus  
 singulariumque naturâ disiuncta est. Hâc Pa-  
 ter Augustinus, & multi alij, asserunt sempiter-  
 nas. Hæc autem sunt, in quibus ab initio, & fi-  
 ne initio, æternæ constitutionis decretum, &  
 suæ dispositionis seriem sanxit ratio primitiua,  
 quam si dixerò, *Sapientiam Dei*, utique non erra-  
 bo. Infinita quidem huiusmodi, vel in ipsis ve-  
 ris, palam est inuenire. nam *Deum esse Deum, &*  
*patrem habere filium, & spiritum sanctum* utrique con-  
 substantialem esse, non nihil utique sunt hæc enun-  
 ciabilia, sed ab æterno vera, & diuino firma iu-  
 dicio. & non modo in veris, sed in alijs, hoc ip-  
 sum liquet. cum ratio duorum ad tria, & item  
 trium ad duo, & in hunc modum plurima, autore  
 Augustino, sempiterna sunt. Quod si cui vi-  
 deatur absurdum, librum eius de libero arbi-  
 trio legat, & ita esse constabit.

## CAPITVLVM. XVI.

*Distinctio multiplicatis & quædã bruta non  
 habent rationem, etsi discernere vide-  
 antur, & unde homo eam sortita  
 sit iuxta Hebræos.*

CASSIODORVS verb, in libro de anima,  
 tali utitur definitione: *Rationem* dico, ani-  
 mi probabilem motum, qui per ea, quæ conce-  
 duntur, & nota sunt, ad aliquid incognitum  
 ducit, perueniens ad veritatis arcanum. Ergo &  
*potentia & potentia motus*, ratio appellatur. hunc  
 autem motum asserit Plato in Politia, vim esse

deliberatiuam animæ, quæ, quid honestum, vel utile sit, appetendumve, aut fugiendum, pensatis rerum speciebus, specierumque causis, iudicio fideli examinat. habent enim & bruta animalia vim quodam modo discretiuam, qua discernunt cibos, declinant insidias, præcipitia transiliunt, necessitudinem recognoscunt: Non tamen rationem exercent, sed naturali appetitu vigent, & imaginantur pleraque, sed causas rerum discutere nequaquam possunt. Quod quidem ex eo provenire dicunt Hæbræi, quod cum domino disponente, ab initio creaturarum cætera coaluerint, & fotu caloris & humoris sortita sint Spiritum naturalem, animale, sensibilem, ex quibus oriuntur appetitus, & imaginatio, quam habent bruta, solus homo assequutus est vim, efficacius & sincerius differendi, quod ei vitam inspirans Deus, diuinæ rationis voluit esse participem. hominis verò spiritus, quoniam à Deo datus, & ad Deum rediturus est, solus diuina meditatur, & in eo ferè solo cæteris animalibus præstat. Res enim corporeas, non modò imaginatio, sed sensus comprehendit. Ad hæc, & rerum corporalium formas, veram quoque ipsam cohærentiam, discohærentiamque, pro parte cognoscit. sensus enim videt hominem, rem utique corporealem: videt colores, & motus, formas utique corporalium: videt etiam hominem mouere manum, quod quidem amplius est, quàm videre hominem mouentem, id est qui mouet manum. Quod si cui mirum est, acquiescat vel Augustino. Potro ratio transcendit omnem sensum & iudicium suum, etiam in cor-

porabilibus & spiritualibus rebus immergitur. Contemplatur omnia inferiora, & ad superiora prospectum intendit. Rationi Hebræorum cōsentit Senecæ definitio: etsi ille aliud senserit: ait enim, *Ratio est quædam pars diuinæ spiritus humanis immersa corporibus.* Quod tamen aut errori gentilium accommodandum est, qui animam mundi, in animas singulas discerptam opinabantur, ipsamque mentiebantur esse spiritum sanctum: aut benigniùs interpretandum est: ut pars, non in quantitate, sed in virtute dicta credatur. Nam & verbi figuram exprimeret: adiecit quædam. Licet enim ratio quodammodo virtus diuina sit, nequaquam tamen pars eius est qui absolutissimæ simplicitatis est.

## CAPITVLVM. XVII.

*De officio rationis, & quare sensus in capite, quibus ratio presidet, & quas pedissequas habeat philologia.*

**C**UM ergo ratio, origine diuina nobilitetur, & diuinò polleat exercitio, eam super omnia colendam esse, totius philosophiæ decretò sancitum est. hæc enim inordinatos motus cōpescit, & ad normam bonitatis componit vniuersa, ut nihil sit quod ordinationi diuinæ repugnet cui si quis obtemperat, sælici processu peraget aui si detrectat, ut in Timæo ait Plato, *Claudum iter vitæ, & mancum, serpens, cum familiari stulticia demum reuocatur ad inferna.* Agit hæc corporis curam & animæ, & vtrumque com-

ponit. Qui verò vtrumque contemnit mancus & debilis est, qui alterum claudus. Et quia sensuum examinatrix est, qui ob fallendi consuetudinem, possunt esse suspecti, natura optima parens omnium, vniuersos sensus locans in capite, velut quendam Senatum, in Capitolio, animæ, rationem quasi dominam in arce capitis. Statuit: mediam quidem sedem tribuens inter cellam phantasticam & memorialem, vt velut è specula sensuum, & imaginationum, possit examinare iudicia. Proinde quidem, quia hæc ipsa vis, etsi diuina sit, quasi quodam sensuum & imaginationum ventilabro excitatur, & quia prudentia ad inuestigationem veri, quærit rationis sincerum examen; & philologiam parit, quam dux pedissequæ periergia & ægurnia iugiter prosequuntur. Est autem periergia quæ laborem circæit operis, ægurnia; vigilans diligentia, quæ exercitium temperat, ne quid nimis. Amor enim deosusio est. Habet enim terrenam & mortalem philologia originem. Sed cum ad diuina transit, immortalitate quadã deificatur. Quia cū prudentia quæ de terrenis est, & rationis amor, ad incorruptæ veritatis, diuinorumque arcana cōsurgit, in sapientiam transiens, quodammodo à mortalium conditione eximitur.

De rationis virtutibus. Rationis virtutes sunt quædam, quæ in ratione sunt, & in ratione consistunt. Rationis virtutes sunt quædam, quæ in ratione sunt, & in ratione consistunt. Rationis virtutes sunt quædam, quæ in ratione sunt, & in ratione consistunt.

## CAPITVLVM XVIII.

*De differentia rationis, & intellectus, &  
quid intellectus.*

**Q**UA verò proportionē ratio transcendit sensum, ea, sicut Plato in Politia auctor est, excedit intellectus rationem. nam intellectus assequitur, quod ratio inuestigat. Siquidem in labores rationis intrat intellectus. Et sibi ad sapientiam thesaurizat, quod ratio præparans adquisiuit. Est igitur intellectus, suprema vis spiritualis naturæ, quæ humana continens, & diuinas penes se causas habet omnium rationum, naturaliter sibi perceptibilem. Sunt enim quæ exuperant omnem sensum, tam hominum, quæ angelorum, diuinæ rationes. Et nonnullæ aliis plus aut minus, pro diuinæ dispensationis decreto, innotescunt. hunc solius Dei esse, & admodum paucorum hominum selectorum, asserit Plato.

## CAPITVLVM XIX.

*Quid sapientia; & quod ipsa de sensu per gratiam.*

**S**APIENTIA verò sequitur intellectum, eo quod diuina, de his rebus quas ratio discutit intellectus excerpfit, suauem habent gustum, & in amorem suum animas intelligentes accendunt. Nam & ex eo sapientiam dici reor, quod  
boni

boni saporem habeat in diuinis. vnde patres, scientiam referunt ad actiuam, ad contemplatiuam verò, sapientiam Patet ex his, quòd si quis præmissos gradus recenseat, de scaturigine sensuum etiam sapientiam, præeunte & opitulante gratiâ, videbit emanare. Et vt Prophetico testimonio gaudeamus, timor ipse, qui est initium sapientiæ, de sensu, vel imaginatione pænè contingit. Qui cùm sollicitetur, ne vapulet, punientis habens memoriam, ipsius declinat offensam. Præmiorum quoque sensu; vel imaginatione, ad obsequium, punire & beare potentis incitatur. Pietatem ergo exercuit, qui declinat offensam. sed per experientiam obsequij, scientiam assequutus est. hæc enim, actionis est. Si verò assuescat experientiæ, ex consuetudine gerendorum, prouenit fortitudo. vt autem obsequium rationabile, quod gratissimum est, præstet, consilium deliberationis, super actis, vel agendis, oboritur. Deliberationem sequitur intellectus, meliorem partem retinens in sinu suo, versatur enim in diuinis quorum gustus, & amor, & inhærentia, vera demum sapientia est. Hos tamen gradus non operatur natura, sed gratia, quæ de fonte sensuum, pro arbitrio suo, elicit varios riuulos scientiarum, & sapientiæ: inuisibilia Dei, per ea quæ facta sunt, manifestat, & manifestata, quadam charitatis vnitatem communicat, & hominem Deo vnit.



## CAPITVLVM. XX.

*De cognitione animæ, & simplicitate, & immortalitate secundam Ciceronem*

**V**NDE & quidam minuti philosophi, eò quòd à sensibus ad scientiam sit processus nisi eorum, quæ sentiuntur, vllam negant esse scientiam. Quòd quantum philosophandi proposito aduerfetur, perspicuum est. perit enim exercitium rationis, quo rerum apud se notiones, quas Græci ennoias dicunt, quærit & tenet. sine quo, nec nomen constare potest. Est ergo, vt ait Cicero in Tusculanis, *magni ingenij, renocate mentem à sensibus, & cogitationem à consuetudine abducere*. Nec enim Deus ipse, qui intelligitur à nobis, alio modo intelligi potest, nisi mens soluta quidem sit, & libera, & segregata ab omni concrétione mortali. Singularis est quædam natura, atque vis animi, seiuncta ab his vñtatis notisque naturis: Quicquid illud sit, profectò diuinum est. Non valet tamen animus, vt plenè seipsum videat. Sed vt oculus, sic animus se non videns, alia cernit. non videt autem quòd minimum est, formam suam fortasse. quam quam id quoque: sed relinquamus. vim certè, sagacitatem, memoriam, motum, celeritatem videt hæc magna. hæc diuina, hæc sempiterna sunt. Quâ facie quidem sit, aut vbi habitet, ne quærendum est quidem. Itaque sic mentem hominis, quamuis eam non videas, vt Deum non vides; tamen vt Deum agnoscis ex

operibus eius, sic ex memoriâ rerum, & inuentione, & celeritate motus, omnique pulchritudine virtutis, vim diuinam mentis agnoscito. In animi autem cognitione dubitare non possumus, nisi planè in physicis plumbei sumus: Quin nihil sit animis admixtum, nihil concretum, nihil copulatum, nihil coagmentatum, nihil duplex: Quòd cùm ita sit, certè nec lecerini, nec diuidi, nec discerpi, nec distrahi potest igitur nec interire. hæc ille in Tusculanis, vt & vim deliberatiuam, rationem scilicet, diuinam quidem, & animas hominum esse immortales doceat. Hæc quidem, de passione sensuum, & viribus & dignitate animæ, multa breuitate perstricta sunt, vt constaret, quia, vt ait Aristoteles, Ars siue scientia originem trahit à sensu. Si quis enim vellet de viribus animæ copiosius disputare, materia subtilis, ingenium acutum, capacem memoriâ, & expeditum otium quærens, cum studio diligenti, in maximorum voluminum quantitate erumperet. Qui verò naturam animæ diligentius inuestigare voluerint, non modò Platonis, Aristotelis, Ciceronis, & veterum philosophorum scripta reuoluant, sed patrum, qui veritatem fidelius expresserunt. Nam & Doctores Ecclesiæ, & post eos, Claudianus, & alij moderniores, de anima multa scripserunt, quos si quis non potest euoluere, vel *Prenouphysicon* legat, librum de anima copiosissimè disputantem. Eum tamen alijs omnibus non præpono. Sed hæc actenus. nunc ad propositum redeamus.

## CAPITVLVM XXI.

*Quòd in precedentibus, etsi non sufficienter,  
Aristoteles aliquid compositicarum  
seminum dedit.*

**D**IALECTICAM & Apodicticam, quam nos demonstratiuam dicimus, præcedentia docent. in ijs tamen de hypotheticis syllogismis nihil, aut parùm, est actitatum. Seminarium tamen datum est ab Aristotele, vt & istuc, per industriam aliorum, possit esse processus. Cùm enim tam probabilium, quàm necessariorum loci monstrati sint, ostensum est, quid ex quo sequitur, probabiliter, aut necessariò. Quòd quidem ad hypotheticarum indicium maximè spectat, vt arbitror, vt consequentia constet. Præterea Boëtius hoc pro seminio inueniendorum dicit acceptum, quod Aristoteles ait in Analiticis, *idem, cum sit & non sit, non necesse est idem esse.* Ergo ipse, & alij aliquatenus suppleuerunt imperfectum Aristotelem in hac parte: sed quidem, vt mihi visum est imperfectè. Itaque in hypotheticis syllogismis, qui syllogismi fiant, in priori forma per positionem antecedentis, qui in posteriori per destructionem consequentis: quæ ne sint figuræ, aut modi qui constant, ex cõpositis hypotheticis, & de propositionibus, æquimodis, & nõ æquimodis & quæ sit natura eorum, qui fiunt ex disiunctis ostenditur. Sed fortè ab Aristotele, de industriâ relictus est hic labor. eò quòd plus difficultatis quàm vtilitatis videtur

habere liber illius, qui diligentissime scripsit. Profecto si hunc, Aristoteles, more suo exequeretur, verisimile est tantæ difficultatis fore liberum, ut præter Sybillam, intelligat nemo. Nec tamen hic de hypotheticis satis arbitror expeditum, supplementa verò scolarum perutilia & necessaria sunt.

CAPITVLVM. XXII.

*De Sophistica & utilitate eius.*

**S**OPHISTICA esse, dictum est, quæ falsâ imagine tam Dialecticam quàm demonstratiuam æmulatur, & speciem quam virtutem sapientiæ magis affectat: vnde ne cliens Aristotelis, mechanicæ huius supplantetur insidijs, eam præcedentibus rectè subiungit. opus quidem dignum Aristotele, & quo aliud magis expedire iuuentuti non faciliè dixerim. Iuuentus enim, etsi sapientiam veram in omnibus plenè nequeat obtinere, sapientiæ tamen opinionem affectat, & gloriam suam, aliorum vult iudicio celebrari. hoc est utique quòd sophistica pollicetur. Est enim apparens sapientia non existens. vnde & sophista copiosus ab apparente sapientia, sed non existente. hæc autem omnium disciplinarum æmulatrix est, & sub earum specie, suas omnibus tendiculas parat, in cautosque subtertit. frustra, sine hac, se quisque gloriabitur esse philosophum: cùm nequeat cauere mendacium, aut alium deprehendere mentientem. hoc utique in vnaquaque disciplinâ opus scien-

tis est. videas huius ignaros, cum ab alijs, vel à se, paralogizentur, homines Nichodemianos, cum fuerint supplantati, dicentes præ stupore, *Domine quomodo possunt hæc fieri.* Nihil autem est, quòd minus deceat aut gloriæ aut victoriæ captatorem. sane litigiosus victoriam, sophistica gloriam quærit. finisque vtriusque in disceptationibus, & contentionibus plurimum placet. vnde & ad phrasim conciliandam, & totius philosophiæ inuestigationes, sophistica exercitatio plurimum prodest. ita tamen, vt veritas, non verboritas, sit huius exercitii fructus. sic enim veritatis & sapientiæ famula est. alioquin adultera, prodens amatores; quos exæquatos exponit erroribus, & in præcipitium ducit. ait Sapia, qui sophisticè loquitur, odibilis est. sed plane odibilior est, qui sophisticè viuit. Error enim vitæ, quam verbi, perniciosior. vix est tamen qui in vitâ non imitetur sophisticam. cum hij, qui non sunt, velint videri boni, & hoc modis omnibus agant, & qui boni sunt, aliorum sæpe circumuenire quærant iudicia, vt meliores, quam sint videantur. Quòd quidem est, in ratione viuendi, sophisticam induere. Si tamen gloriam propriam simulator affectat. Nam si diuinam, & quidem ex scientia, fortè poterit excusari.

## CAPITVLVM XXIII.

*De sophisticis Elenchiis.*

**H**ANC itaque in scholam Peripateticam Aristoteles introducit: & fallaciarum nube depulsa, docet qualiter admitti debeat, aut vitari. vires eius vniuersas exponit, & instrumentum, quo illa vitur, manifestat. Sicut enim Dialecticus Elencho, quem nos *refutatorium dicimus sillogismum*, eò quòd contradictionis est sic & ista, sophistico elencho vitur: qui vtique imaginarius est sillogismus eò quod non contradictionis est, sed videtur. Paralogismus enim est, id est, sillogismus vmbatilis. supponit & genera disputationum; vt appareat quomodo nunc docentem ex principijs, nunc ex probabilibus colligentem nunc ex his, quæ non videntur, probabilia arguentem, quod est demonstratoris, Dialectici, & temptatoris officium, sophista imitetur. Is inquam qui agonizans litigiosam exercet, Adijcit sophistarum metas quinque procurantium, quando aduersarius in redargutionem incidat, aut falsum, aut inopinabile, aut solæcismum, aut nugandi ineptias. sufficit autem cauillatori, si vel hoc facere videatur. Subiungit his arguendi modos, qui sunt in dictione vt æquiuocatio, amphibologia, compositio, diuisio accentus, figura dictionis; & item eos, qui sunt extra dictionem, vt in ea specie, *quæ est secundum accidens*, & in ea quâ simpliciter, vel non simpliciter dicitur: & tertia

quæ est secundum elenchi ignorantiam, & quarta secundum consequens: & quinta secundum quod est in *principio* sumere, & sexta, quod est non causam vt causam ponere: & septima plures interrogationes vnâ facere. Itaque qualiter opponentem aut respondentem in his versari oporteat, per singula capita diligenter exequitur, & sicut optimus *campi-doctor*, hunc, ad inferendam pugnam, illum, instruit ad cautelam. Cùm ergo ex his liqueat quæ adesse debeant, quæ abesse, & probabiliû, quæ sola sufficit humana infirmitas comprehendere, patefacti sint loci, rationûque monstratæ sint necessariae cõplexiones, docendi sint rationes & viæ explanatæ fallaciârû sublata sint impedimẽta, luce clariûs est, rationum differendi, suis esse limitibus & partibus absolutam.

## CAPITVLVM XXIV.

*De his qui Aristotelis opera carpunt.*

SATIS ergo mirari non possum, quid mentis habeant, si quid tamen habent, qui hæc Aristotelis opera carpunt, quævtique non exponere propositum fuerat, sed laudare. Magister Theodoricus, vt memini, Topica, non Aristotelis, sed Treassini Progonis irridebat? Eadẽ tamen quandoque docuit. quidam auditores magistri Roberti de Meliduno librum hunc ferè inutilem esse calumniantur. alij detrahunt categorijs. vnde in commendatione eorum diutius moratus sum, reliquos, eo quod omniû iudicio commendantur, morose non censui commendandos. Elenchistamen, sed ineptè opponitur,

quod versus habent poëticos, sed constat, quod idioma linguarum commodè in commercium non deducitur. In eo autem mihi videntur Analyticis præferendi, quod non minus ad exercitium conferunt, & faciliori intellectus eloquentiam præmonent.

CAPITVLVM. XXV.

*Quod Cornificius, Bromio scurra Deorum vilior est & de laude logica quid Augustinus & alij philosophi.*

CUM itaque logicæ tanta sit vis, quisquis eam cauatur ineptam ineptissimusest. Pallas Bromium, qui eam Mathematicam aut veneficam irridebat in nuptijs Philologiæ compescit, & superis multa prædicatione consociat. potro, vt est in fabulis Bromio Deorū scurra contemnitur. Sed Cornificius noster, logicæ criminator; philosophantium scurra, non immerito contemnetur. vt de Platone taceam, Aristotele, Tullio, à quo, vt maiores perhibent; philosophia inchoata est, & perfecta: pater Augustinus, cui temerarium est obuiare, eam tantis effert præconijs, vt vituperari non possit, nisi ab his, quorum nulla est prudentia, sed impudentia multa. ait ergo in secundo libro de ordine, Cum perfecta esset dispositaq; grammatica, admonita est ratio querere atque attendere hanc ipsam vim, qua peperit artem. Nam eam diffiniendo, distribuendo, colligendo, non solum digesserat, atque ordinauerat, Verum etiam ab omni falsitatis irruptione defenderat. quando ergo transi-



res ad alia fabricanda; nisi ipsa, sua prius, quasi quadam machinamenta & instrumenta distingueret, nosceret, digereret, proderetque ipsam disciplinam disciplinarum, quam dialecticam vocant. hac docet docere, hac docet discere. In hac se ipsa ratio demonstrat, atque aperit qua sit, qua velit, quid valeat, seu scire sola, sciētes facere, non solum vult, sed & potest. Quid ad hæc Cornificius? Nempe quoddam cuiusque deficientis ingenij est, & desidia, quæ ad hortamenta virtutis stertere consuevit, quod non potest assequi, criminatur.

## CAPITVLVM. XXVI.

*Quo consilio vtendum sit aduersus eum, & proternos, & calumniatores.*

**V**TAMVR ergo aduersus eum, & compigrescentes, (quoniam iam habet consortes erroris) consilio, quod te post multa quæ per ipsam didicit, in primo contra Academicos, dicit Augustinus à Dialectica didicisse. Docuit me, inquit, cum de re constat, propter quam verba dicuntur, de verbis non debere contendere. Et quisquis faciat, si ex imperitiâ facit id docendum esse, si ex malicia, deferendum, si doceri non potest, monendum, ut aliquid aliud potius agat, quam tempus in superfluis operamque consumat, si non obtemperat, negligendum. De captiosis autem atque fallacibus ratiunculis breue præceptum est: si malè concedendo inferuntur, ad ea, quæ concessa sunt, redeundum esse. Si verum falsumque in vna conclusione configunt, accipiendum inde

quòd intelligitur, quòd explicari non potest, relinquendum, si autem modus, in aliquibus rebus, latet penitus hominem, scientiam eius non esse quærendam.

## CAPITVLVM XXVII.

*Quòd Aristoteles in multis errauit, quòd in Logica eminet.*

**H**Æc aduersus Cornificium, cæterum cõtra eos, qui veterũ favore, potiores Aristotelis libros excludunt, Boëtio ferè solo contenti, possent plurima allegari. sed non oportet, quia palam est omnibus vsque ad miserationem, imperfectum illorum, qui in solo Boëtio tempus & rē cõsumpserunt, vt ferè nihil sciant. Nec tamen Aristotelem vbique plenè aut sensisse, aut dixisse protestor, vt sacrosanctum sit, quicquid scripsit. Nam in pluribus, obtinente, ratione, & autoritate fidei, conuincitur errasse. Siquidem non modo studiosum quemlibet, sed & Deum ipsum praua posse committere asserit. Item, prouidentiam Dei, vsque ad regionem Lunæ progredi diffitetur, & vt diuinationem tollat prænosceniamque futurorum, asserit inferiora non regi per diuinæ decreta prouidentia, nec angelorum prodesse opem, aut dæmonum in his, aut in futuris aliquam esse perspicentiam. sunt & multi errores eius, qui in scripturis tam Ethnicis, quàm fidelibus poterunt inueniri. Verum in logicâ parem habuisse non legitur, vnde sic accipiendus est, vt ad promouendos iuuenes

ad grauioris philosophiæ instituta, doctor sit,  
non inorum sed disceptationum.

## CAPITVLVM XXVIII.

*Quomodo ea sit utendum.*

**S**ED licet ars ista ad quam multa sit utilis, qui  
saliorum ignarus est, non tantum, huius eru-  
ditione, ad philosophiam iuuatur, quantum  
hinc, sumptâ verbositate & temeritate, impe-  
ditur. ferè enim inutilis est logica, si sit sola.  
tunc demum eminet, cum adiunctarum virtute  
splendescit. Teneræ tamen ætati indulgendum  
est amplius, & ut copiam eloquentiæ comparer,  
interim est ferenda verbositas: sicut enim cor-  
pora, sic & ingenia puerilia, imprimis alenda  
sunt ne inarescant. & ut à plenitudine & copia  
alimentorum succo distendantur ad robur con-  
cipiendum, & ut caro, quodam dilatationis suæ  
vitio in hac ætate luxuriet. hoc autem & laboris  
exercitium, & pondus sollicitudinis, & diligens  
opera, sequenti ætate satis excoquet & purgabit,  
procèdente ergo ætate, & sensu, verbositatis  
cōhibeatur licentiam, & sophisticæ, (quæ Ari-  
stot. dictatiuam, nos circumuentoriam, vel ca-  
uillatoriam dicere possumus) improbitas con-  
quiescat. manet hæc sollicitudo eum, qui do-  
ctoris nomen & officium vendicat. Porro inuti-  
lis est opéra præceptorum, si non usu & exerci-  
tio assiduæ roboretur: nisi fortè in habitum trā-  
ferit dispositio.

## CAPITVLVM. XXIX.

*Quòd temeritas adolescentiæ reprimenda, &  
quare Mercurius societur Philologia, &  
qua sint præcipuè expetenda.*

**N**ON tamen eâ licentiâ est indulgendum  
gymnasiorum exercitiis, quæ quasi iocus  
quidam & palestra Philosophiæ agitantur in  
spe proficiendi, vt in annos maturiores, aut in  
studia grauiora protendatur. Scuriles ineptiæ,  
insulsa loquacitas, & clamosa, itémque leuitas  
puerilis, cû primâ lanugine deponêda sunt. hæc  
liquidem agere, est philosophum diffiteri, & ad  
malè sanos accedere. Vnde, vt à fabulis instrua-  
mur, mercurius, eloquētiæ præsul, hortatu matris  
in philologiæ nuptias transit ab adolescentiâ  
primâ, eò quòd iam pubentes genæ, seminu-  
dum eum incedere, clamideque indutum paruâ,  
inuelatūque cetera, humerorum cacumen ob-  
nubere, sine magno risu Cypridis, non sinebat:  
Cypris enim, quæ mixtura interpretabatur, vi-  
gens, in eis, qui sapientiæ & eloquentiæ mixtura  
condiuntur, inermis, nudæ, ventosæque facun-  
diæ deridet ineptias. Latet autem sensum ho-  
minis, quem multa cogitantem terrena inhabitatio de-  
primir, Trium, maximè expetendorum, arcanissima-  
præstantissimaque natura. hæc autem sunt <sup>Ec-</sup>cl-  
<sup>cla-</sup>bonitas, veritas sincera, ratio incorrupta & certa. ho-  
rum tamen quasi olfaciens dulcedinem natura  
humana, cui Deus sicut in libro Sirac legitur;  
*posuit oculum supra cor, vt ostenderet magnalia operum*

*suorum, ut laudaretur in bonitate, & glorificaretur in mirabilibus suis.* horum inquam dulcedinem sentiens, appetit nosse verum, apprehendere bonum, & ei, ne dispendium patiatur, firmiter adhærere. appetitus enim hic, naturaliter à Deo insitus est homini. etsi per naturam, sine gratia, proficere non possit. Vnde tres sorores, filias Phronesis, fabulosa Gentium finxit antiquitas, Philologiam, Philosophiam, & Philocaliam. Genus Philosophiæ & Philocaliæ; Augustinus Philologiæ, Marcianus, sed cognationem trium, indicat Æsopus. Ergo quia veram bonitatem, sapientiam, rationem, etsi polliceri sibi arroganter non audeat, affectat tamen indefinenter, humana infirmitas: versatur in amore istorum, donec amoris exercitio per gratiam, res ipsas, quas desiderat, assequatur. has quidem affectiones, Phronesis patit, quia sapor, qui humanæ naturæ dulcescit, ad veri boni prouocat appetitum. Nā *φρονῶ* Græcè dicitur sapio. quòd quidem saporem appetitus potius exprimit, quàm sapientiam, quæ, in diuinorum contemplatione consistit. illa enim, non Phronesis, sed *σοφία* appellatur.

CAPITVLVM. XXX. *Idem.*

**H**ARVM verò, philologia prima est, & quæ aliarum naturam, vim, & consilia indicat: siquidem cum vndique probabilia multa occurrunt, quia (ut ait Pythagoras) ferè de omni re potest in contrarium disputari, rerum certitudinem quærit & diligenti cautelâ declinat ex-

tores, & sicut Virtus est Vitium fugere & sapientia prima, stultitia caruisse, sicquæ præcaueret errorem has quæ virtutes afferunt naturaliter antecedit: & ut Iunonis, aut, ut rectius dixerim, Martiani verba ponantur, an quilibet est, qui philologiæ se asserat prævigilia laborata, & lucubrationum præmium nescire Pallorem, quæ etiam Deos quiescentes ad se venire inaudita obsecratione compellit: & paulò suprà Cælum terram, mare, & quæ in eis sunt, prima scrutatur, quæ,

*Peruigil in modico penetrans arcana labore.*

*Quæ potis est doctâ totum præuerrere curâ*

*Quod superis præscire datum est, Quam crebrius in nos  
Ius habet illa Deus, Vrgens iniussu coactus*

*Et quod nulla queat superum temptare potestas*

*Inuito scit posse I O V E.*

Siquidem ut ait alius, non inferior Marciano, Labor improbus omnia vincit. liquet autem ex præcedentibus ad hoc ut sensus sit. plura concurrere, ut sunt exterius offendiculum, in quem impingit spiritus, minister sentiendi, idemque spiritus qui exterioris obstaculi qualitatem ad notitiam animæ profert. ut sint tria, anima quæ sentit, spiritus, quo sentit, & offendiculum, quod extrinsecus sentit. His ut prædictum est, excitatur vis deliberatiua, quam supra nominauimus rationē, suumque iudicium exercet, quod itidem ratio appellatur: Quod quidem interdum verum, interdum probabile est. Sed ratio vera non est, nisi sit certa & firma: eò quòd ratio, nomen firmitudinis est. Nam & ratio non dicitur, nisi quòd firmum est. ut itaque ma-

gnò placuit Augustino, *Ratio vera solius Dei est, & eorum, quibus ipse certam notitiam, firmumque iudicium de rebus habere concessit.* est autem prædica- mentalis inspectio, & prima ferè philosophan- di via, de qualibet propositâ quid sit attendere, itemque quibus proprietatibus ab alijs differat, & quomodo alijs conformetur. Deinde an sit ei quid contrarium, & an ipsam susceptibile sit contrariorum. Quæ cum innotuerunt, res familiariùs assignata, in notitiam transit. utique hunc ordinem, etsi pro voto exprimere ne- queam, in tantæ rei inuestigatione, tamen quia commodissimus est, placuit imitari. Nec est ubi iustius de rationis veritatisque substantiâ quærat, quàm ubi vis Logicæ discutitur, quæ se proficitur scientiam veritatis, ut asserit Au- gustinus, & utinam assequi valeat, quòd pro- mittit. constat autem quia plurimum prodest, & inveniendi examina diq. rationes, viam, & co- piam, parat.

## C A P I T V L V M. XXXI.

*Quòd Philologia alias duas præcedit, & qua sit prædica- mentalis inspectio sequenda in discussione rationis & veritatis.*

**S**I C V T autem ratio in creaturis, est vis quæ- dam spiritualis, naturæ rerum examina- trix, & tam corporalium, quàm intelligibilium, atlequens notitiam, ita primitiua quædam ratio est, quæ sua virtute res omnes, tam corporales, quàm intelligibiles, comprehen- dit,

dit & naturam & vim singulorum plenè fideliterque, idest, absque omni errore examinat. Hanc, siue sapientiam, siue virtutem Dei dixerò, & rerum omnium firmitudinem esse, proculdubio non errabo. penes hanc omnium rerum natura, causa, processus, finisque subsistit. quippe hæc est Sphæra, quam poëtico figmento Martianus obnubilans, ex omnibus elementis dicit esse compactam ut nihil absit, quod ab aliquâ naturâ credatur cōtineri. Illic cælum omne aër, freta, diuersitasq; telluris, claustraque Tartarea, vrbes, compita, cum actibus fortunisque suis, cunctarumque species rerum, tam in specie, quàm in genere numerandæ. quæ quidem sphæra, imago quædam videbatur, idæaque mundi. Plato autem quæstionem inducit, vna sit idæa, an plures. Et profectò si substantiâ scientiæ, aut rationis, quis attendat, vna est: si pluralitatem rerum, quas, penes se ratio intuetur, idææ sunt infinitæ. hanc intuens Stoicus, *πρῶτοι*, quam nos appellare possumus prouidentiam, veneratur: & legibus ipsius, ad necessitatem omnia dicit arctari. Epicurus è contrà rerum facilitatem attendens, extinguit *ἀναγκήν*, & omnia à legè necessitatis absoluit. Peripateticus verò, vtrunque erroris præcipitium metuens, nec ad paradoxas Stoici, nec ad *ἁπλοῦς* Epicuri mouetur. sed sic in Stoico *ἀναγκήν* asserit, ut rebus non indicat necessitatem: sic cum Epicuro, à necessitate res expedit, ut prouidentia non auferat veritatem. res itaque partim necessaria asserit esse, partim facilitati naturæ, & libero arbitrio subiacere. Acade-



micus verò fluctuat, & habet enim, qui se nihil omnino scire profiteantur, & cautela nimia demeruerunt philosophi nomē. habet alios, qui se sola necessaria, & per se nota, quæ scilicet nesciri non possunt, confiteantur nosse. tertius gradus, nostrorum est, qui sententiam non præcipitant, in his quæ sunt dubitabilia sapienti.

## CAPITVLVM. XXXII.

*Quid ratio primitiua & de varijs sectis  
Philosophantium.*

**P**RIMA itaque & ratio vera, est diuina, quam diximus: & quæ nullum omnino admittit errorem. Nihil autem est quod magis rationi videatur aduersum, quam error. illa enim statuit & confirmat, hic lubricitate suâ prostermit & supplantat. & sicut sensus nomine censetur, nunc potentia, nunc actus sentiendi, & item tam potentia, quam actus imaginandi dicitur imaginatio: ita ratio, nunc vis, nunc agitatio motusque virtutis, nunc etiam illa, in quibus ratio quendam suæ virtutis motum exercet, dicuntur rationes. quales quidem sunt inhærentiæ in consequentijs: proportionales in numeris: & eorum, quæ absolutè necessaria sunt, demonstrationum principia. has autem, tam in libris de ordine, & de libero arbitrio, & hyponosticon, quàm in multis alijs, asserit Augustinus immortales esse & sēpiternas. vnius inquit, ad duo, & duorum ad quatuor, verissima ratio est: nec magis fuit, heri, ratio illa vera, quàm hodie,

nec magis cras, aut post annum, erit vera. nec si omnis mundus iste concidat, poterit ista ratio non esse, simili modo substantiam esse. si sic corpus, non esse non potest, cetera quidē, quæ diuinæ rationis oculus contemplantur, vera quidē sunt, sed præmutabilitate suâ nequaquam dicuntur rationes. ex hoc autem veritatis rationisque consortio, quibusdam philosophantibus visum est, semper esse verum quod semel est verum: quibus videtur suffragari ratio, quam Augustinus inducit, vt doceat, nostram & præcedentium patrum, eandem esse fidem. & si nos pro parte gaudeamus impletum, quod illi præstolabantur implendum. Ait enim, non est mutata fides, & si variata sint tempora. & nos, & illi, eandem amplectimur veritatem, sed alijs & alijs sermonibus prædicamus.

## CAPITVLVM. XXXIII.

*Quid sit rationi contrariū & quod multis modis dicitur ratio & quæ rationes æterna.*

NATURA verò Angelica, quæ noxio corpore non tardatur, & diuinæ puritati familiaris inhaeret, rationis incorruptæ viget acurſine. & licet non æqualiter Deo, cuncta examinet, eâ rationis prærogatiuâ ditatur, vt nullo supplantetur errore. at humana in firmitas, quæ tam ex conditione naturæ, quam merito culpæ, multis patet erroribus, immo & capta labitura, prima & secunda puritate, degenerat examinatione rerum: idest, in exercitio

rationis. & quia incertitudinis lubrico vacillat, apprehendit quòd potest, & nunc ex fida rerum similitudine veras exercet opiniones, nunc decepta vanis imaginibus, falsas. si enim res vt se habet comprehenditur, vera opinio est: si & sic verbo exponitur est vera locutio. vnde nonnullis philosophorum, probabiliter placuit, veritatem, vnde opinio vera dicitur, aut sermo verus, quasi quendam medium habitum esse rerum, quæ examinantur extrinsecus ad rationem. Si enim eis fideliter in examinando innititur, certa est, nec aliquo vacillat errore. Itaque locutio, quæ vera dicitur; à modo, quem innuit, modalis appellatur. Item opinio vera, à modò percipiendi; & ratio vera à qualitate examinis sui. res quoque singulæ, veræ dicuntur: vt homo verus, verus candor, dum in his taliter percipiendis, nullius imaginis phantasmate circumueniatur opinio. fides autem examinandi res, vt veræ dicantur, conuincitur plerumque à duobus: scilicet vel à formâ substantiæ, vel ab effectu formæ. Est enim verus homo, cui vera inest humanitas: id est, conscia rationis, & passibilitatis. vera autem albedo est, quæ albificat: quæ iustum facit, vera iustitia. si mihi non credis vel magno Hillario, qui Gallicano cothurno attollitur, & à lectione simplicium pocul est, aurem præbe.

## CAPITVLVM XXXIIII.

*Quòd homo perfectam non habeat rationem, &  
quòd verum multipliciter dicitur.*

**V**T autem geramus morem Stoicis, qui circa verborum analecticem vel analogiam sollicitantur verum dictum est à Græco heron, quod firmum & stabile, seu certum & clarum interpretatur. Hinc Heroës dicti sunt, qui firmum & stabilem adepti sunt gradum ex consortio numinum, quibus eos fabulosa antiquitas sociavit. hij vero ἡμῶν, Heroes nuncupati sunt, sicut Martianus ait, ex eo quòd veteres terram ἡγῶν appellauerunt. & hoc quidem à certitudine stabilitatis suæ. Nos autem, non semideos, qui nulli sunt, sed nec heroes, ob perfidiæ notam, aliquos dicimus, sed translationem electorum, quæ sit à fluctuatione & vanitate mundanâ, ad gloriam, veræ certitudinis & firmæ stabilitatis, verbo significamus Catholico: eas namque, à confirmatione, quàm adepti sunt, sanctos appellamus. siquidem sancire, confirmare est: & sanctus, confirmatus in virtute vel gloria. hoc utique est à vanitate eximi, & in veritate versari. proinde, verum, hoc verbum, confirmationis nota est, stabilitatémque significat rei, cui ratio fideliter possit inniti: veritas verò, nomen firmitudinis & stabilitatis est. nec moueat, quòd pro aspiratione Græci, latinus ꝑ posuit consonantem. cum Æolicum digamma ad hanc consonantem multas habeat af-

finitates. Sicut autem ut vis sentiendi motum  
 suū exerceat vtiliter, necesse est aliquod esse, cui  
 stabiliter innitatur: sic ratio labitur, si non sta-  
 bili innititur offendiculo. nam si lucē subtraxe-  
 ris, cessat visus, auditus nullus est, cessante so-  
 no, olfactus gustusque quiescunt ab odoris sa-  
 porisque carentiā. tactus inanis est, si in rem so-  
 lidam non offendat. Dicitur tamen quod tunc  
 videantur tenebræ, silentium audiatur, tanga-  
 re inane. Sed veriùs diceretur his sensibus tunc  
 nihil sentiri. Augustinus enim, & contra Mani-  
 chæos, & in hyponosticon, & in aliis multis li-  
 bris docet, non modò has, sed quaslibet priua-  
 tiones, nihil esse. Aristoteles autem, eas nonni-  
 hil esse asserit. eò quod non modò priuant, sed  
 ad se quodammodo subdita disponunt. Itaque  
 tam sensus, quàm ratio, stabile quid exposcunt,  
 ne inanis sit opera, quæ certum quid nō compre-  
 hendit. nam cum agit ut teneat, & cassatur eius  
 intentio, in vanum laborat, & suo fallitur erro-  
 re. Vnde sicut errorem diximus rationi contra-  
 rium, sic vanitatem veritati contrariam profite-  
 mur. Nam *falsum vanumque*, etsi voces diuersæ  
 sint, ad eandem quodammodo accedunt signi-  
 ficationem. porro vanitas & falsitas ad nihilum  
 vergunt. quod enim falsum est, omnino nihil  
 est: nec subscientiam cadit. Nam sicut Augu-  
 stinus & in soliloquiis, & contra Academicos,  
 & in plerisque aliis docet, inter omnes veteres,  
 & etiam inter ipsos Academicos constitit,  
*scire falsa neminem posse*. siquidem, ut idem con-  
 tra Academicos astruit, rerum falsarum, quo-  
 niam omnino non sunt, nulla potest esse sciētia.

vbi autem quidam interpretes dixerunt, quòd terra ab enitio erat inanis, & vacua, alii interpretati sunt, quòd nihil erat nec composita. Ergo verum vano falsoque, quoniam idem sunt, lege contrarietatis opponitur. nec moueor si res existens, rei non existenti opponatur. cùm hoc palam sit in enunciabilibus quæ contradictoriè opponuntur. Nam Aristoteles docet, alterum eorum esse semper, & alterum ex necessitate non esse. Nonne res existens, rei non existentis est signum: vt rubor futuræ serenitatis, aut tempestatis. *siquidem mane rubens cælum, natus imbres, serò serenum.*

## CAPITVLVM XXXV.

*Quid dicatur verum & quid veritas, & quid eius contrarium.*

**O**MNIA verò vana, quatenus vana sunt, fallunt. & cum falsitate deceptas mentes illuserint, velut fantasma euanescent. Vnde, ob hanc rerum euanescentium desparentiam, omnia quæ sub Sole sunt, vana esse, in concione vniuersorum, qui versantur in mundo, proclamat Ecclesiastes: tantâ quidem maiestate verbi, tantâ probabilitate sententiæ, vt ad omnes nationes & linguas vox illa pertranseat, & omnium, qui aures audiendi habent, corda, penetrando concutiat. Plato quoque, eorû, quæ verè sunt, & eorum qua non sunt, sed esse videntur, differentiam docens, intelligibilia verè esse aperuit: quæ nec incursionum passionum ue m ole-

stiam metuunt, non potestatis iniuriam, nec dispendium temporis, sed semper vigore conditionis suæ eadem perseverant. unde & eis, post essentiam primam, rectè competit esse: id est firmus certusque status, quem verbum, si propriè ponitur, exprimit substantivum, temporalia verò videntur quidem esse, eò quod intelligibilium prætendunt imaginem. sed appellatione verbi substantivi non satis digna sunt, quæ cum tempore transeunt, ut numquam in eodem statu permaneant, sed, ut fumus, evanescant. fugiunt enim, ut idem ait in Timæo, nec expectant appellationem. Hanc autem veram existentiam partiebatur in tria, quæ rerum principia statuebat. Deum scilicet, materiam, & ideam. siquidem hæc, in sui naturâ, immutabilia sunt. nam Deus vsquequaq; immutabilis est. reliqua duo, quodammodo immobilia: sed in effectibus ab invicem variantur. Materiam quippe advenientes formæ disponunt, & quodammodo motui reddunt obnoxiam. & item formæ materie contactu, quâdam ratione variantur, & ut ait Boëtius, in Arithmeticis, in inuertibilem transeunt inconstantiam. Idæas tamen, quas post Deum, primas essentias ponit, negat in seipsis materiæ admisceri, aut aliquem sortiri motum. sed ex his formæ prodeunt natiuæ; scilicet imagines exemplarium, quas natura rebus singulis concreavit. hinc in libro de Trinitate Boëtius, ex his formis, quæ præter materiam sunt, illæ formæ venerunt, quæ in materiâ sunt, & corpus efficiunt. Bernardus quoque Carnotensis, perfectissimus inter Platonicos seculi nostri, hanc

ferè sententiam metro complexus est. Non dico esse quòd est, geminà quæ parte coactum, materiæ formam continet implicitam, sed dico esse quòd est, vna quòd constat earum. hoc vocat idæā illud Acheus & ἰδέω licet Stoici materiam & idæam, Deo crederent coæternam: Alij verò, cum Epicuro, providentiam euacuante, idæam omninò tollerent. iste, cum illis, qui philosophantur, Deo neutram dicebat coeternam. adquiescebat enim patribus, qui, sicut Augustinus testis est, probant quia Deus est, qui omnia fecit de nihilo, omnium creauit materiam. idæam verò æternam esse consensiebat: admittebat æternitatem providentiæ, in quâ omnia semel & simul fecit, statuens apud se vniuersa, quæ futura erant in tempore, aut mansura in æternitate. Coæternitas autem esse non potest, nisi in his, quæ se, nec natura maiestatis, nec privilegio potestatis, nec autoritate operis, antecedunt. Itaque solas tres personas, quarum est vna natura, potestas singularis, operatio inseparabilis, fatebatur esse coæquales & coæternas, nam, in illis, omnimoda parilitas est. Ideam verò, quia ad hanc parilitatem non consurgit, sed quodammodo natura posterior est, & voluit quidam effectus, manens in arcano cōsiliij, extrinseca causa non indigens, sicut æternam audebat dicere, sic coæternam esse negabat. ut enim ait in expositione Porphyrij, duplex est opus diuinæ mentis, alterum quòd de subiectâ materia creat, aut quòd ei concreatur, alterum, quòd de se facit, & continet in se, externo non egens adminiculo: vnique cælos fecit in intellectu ab int,



tio, ad quosibi formandos, nec materiam nec formam, quæsiuit extrinsecam. alibi quoque ait.

*Principium cui sola fuit Divina voluntas,  
Ætas non frangit demoliturque vetustas,  
Dissolvit tempus quicquid producit ad esse,  
Si non ad præsens, constat quandoque necesse,  
Ergo super tali, qui luget conditione,  
Aut nihil aut minimum claret rationis habere.*

Quidam tamen, licet ab æterno concedant esse vera, ea tamen negant esse æterna, dicentes, nihil esse æternum, nisi quod vivit: eò quod æternitas teste Augustino *statum est interminabilis vite*. Ex his patet placuisse Platoniciis, cum Salomone, omnia *subsolana* vana esse: & eas res duntaxat esse veras, quæ non ut phantasmata evanescent, sed statu substantiæ certa & semper eadem sunt.

## CAPITVLVM XXXVI.

*Item de veris, & quòd aliter dicuntur esse res, aliter sermones, aliter vera, & quomodo.*

**Q**VVM verò nomen falsi opinioni, locutioni, & rei, pariter applicetur, opinio, quæ deceptionis fallaciam patitur, falsa rectissimè nominatur. siquidem ipsa est, quæ fallitur: locutio autem falsa est, eò quod falsam significat opinionem. Res verò falsa dicitur, ab effectu: ideo quòd ipsam, non nisi cassus, & vanus, percipiat intellectus. Sic & in phisicis, sana dicuntur esse vel ægra, nunc *animalia*, nunc *signa*, nunc *causæ*.

Vt autem à Platonis eminentia, cum Peripateticis paululum descendamus, ea vera dicuntur esse, vel falsa, quæ, vt de significatione complexorum *sermonum agatur* certo percipiuntur intellectu, aut vano: hijs siquidem, velut qui philosophantur humaniùs, & cum Platoniciis, non excedunt mente sibi & Deo, sed sobrij sunt hominibus, in eo veritatem aut falsitatem statuunt, in quo sic vt percipitur examinando & comprehendendo fidelis est aut erroneus intellectus. Si enim rem sic esse vt est, aut non esse vt non est, comprehendit, iudicio certo & fideli usus est. Sin autem vel non esse quòd est, vel esse quòd non est, opinatur, procul dubio fallitur, & errat. Idem quoque est in sermonibus. Res autem, quæ seipsam, prout est, intellectui subiicit, vera est, quæ aliter vana & falsa. Ergo à modo percipiendi, (scilicet quo percipiuntur, aut percipiunt,) conuincitur veritas aut falsitas, tam opinionum, quàm rerum, Sermonum verò, à modo significandi. vnde quia Deum falli impossibile est, procul dubio constat, quoniam quo fidelior est sciëntia, & certior, eò minus falsa comprehendit. Ea tamen falsa esse cognoscit, quòd verum est, & veritati omnia contemplanti, non potest esse absconditum. Nam penes essentiam Dei, primitiua veritas, id est certitudo, aut stabilitas, aut claritas, est, & ab hac deriuatur quodammodo quicquid in rebus fideliter dicitur verum esse. siquidem illi soli omnium tam rerum, quàm sermonum, cohærentia, vel discohærentia constat, & certa est. homo verò quantuscunque, affectat quidem certiorari: eò

quod amor veritatis cognatus & innatus est rationi &, vt ait Martianus, cum philologia illam existentem, & ex nō existentibus veritatem toto pectore deprecatur, hæc vtique aliunde non prouenit, quam si aliqua stilla diuinæ sapientiæ, per gratiæ eliquationem seipsam infundat, & mentem se quærentis & amantis illustret. Ista siquidem est virgo fontana, vnde Martianus præmissam allerit manare veritatem. Nihil enim veraciter innotescit, nisi de scaturigine fontis huius. Sed nec aliquod falsum inde emanat, quoniam fontana illa, quam pœtici nube figmenti inuoluit, virgo est, & totius corruptionis & falsitatis ignara.

## CAPITVLVM. XXXVII.

*Differentia eorum quæ verè sunt, & quæ videntur esse, secundum Platonicos.*

**O**MNES autem res, diuinæ simplicitatis oculus contemplatur, vt ei nec futura desint, nec præterita elabantur. Cohærentiam rerum, & discohærentiam pensat: & tam de iis quæ sunt, quàm de iis quæ non sunt, certum & fidele exercet iudicium. Et quæ ab initio vidit, quia non euanescent, firma sunt: & vera dicuntur. Hæc vtique sunt cogitationes altissimi, quarum profunditatem nemo sufficit explicare: Hæc verba, quæ, semel dicta sunt, sed processu temporis, pro diuinæ dispositionis decreto, in actum prodeunt. Quis mentem Dei dixerit otiosam, & non ab initio omnia contemplantem? Si

ergo vera, quasi quædam cogitata Dei sunt, quis illa, nisi præsumptuosus, affirmauerit euanescere? aut quis ea non semper fuisse in mente eius, qui ab æterno vniuersa disposuit, & sciuit, audeat profiteri? Nunquid & ille nouas cogitationes concipit, & noua more nostro inuit consilia? Et licet hæc ab æterno fuerint vera, non tamen aliquid creatori dicitur coæternum. quia, vt dictum est, ad parilitatem eius nihil omnino con surgere potest, siquidem ipsius est, vt & ipsa vera sint, aut certa. Quod autem omnis res, aut creator dicitur, aut creatura, ad substantias, & ad ea, quæ substantiis insunt, quocumque modo, ex autoritate patrum vniuersitatis complexio reuocatur. Nam enunciationum significata non contingit vrgente aliqua ratione sermonis. qui enim sic partiti sunt, respexerunt ad incomplexorum significationes. Nonnihil ergo sunt vera, quæ in mente Dei consistunt: sed nec creaturæ sunt eò quòd ab æterno extiterunt: Nam quin quædam sempiterna sint, nulla quæstio est. Nisi fortè eò referatur illud Ecclesiastici *qui viuit in æternum creauit omnia simul*. A quibusdam enim refertur tam ad illud opus, quod in se cõspiciendo & disponendo Trinitas operata est, quam ad creationem primordialis materiæ, ex qua omnia creata sunt, aut in ipsa creatis concreantur. Cæterum hoc est eis esse, quòd ad primitiuam rationis scientiam referri, & ita esse quasi pronuntiari, stabili intemptatoque iudicio. esse ergo istorum, innotescere est. nam & humanorum verborum idem dicitur pronuntiari, & esse, aut memoria retineri, & esse. Nam de vnico, Augustinus

## CAPITVLVM. XXXVIII.

*Quòd aliter res , aliter opinio , aliter locutio ,  
vera vel falsa dicitur , & quare locutiones  
huiusmodi , & modales appellantur.*

NUNC iocundissimam rationis veritatisque  
cohærentiam , cum omni reuerentiâ con-  
templemur , rationis & veritatis auxilium im-  
plorantes , nam sine eo , non modò apprehendi ,  
sed nec inuestigare , fideliter queunt. Est ergo  
ratio , *quidam mentis oculus*. Et vt latiùs describa-  
tur , ratio est quoddam instrumentum , quo  
mens omnes sensus suos exercet , proprium eius  
est , *inuestigare & apprehendere veritatem*. huius  
virtutis contrarium , est *imbecillitas & impotentia*  
inuestigandi & assequendi verum. Error autem  
contrarium est illius agitationis , inuestigantis  
verum , quam supradiximus rationem , virtus  
hæc in Deo simpliciter perfecta , in angelo , per-  
fecta pro natura , sed in homine , aut omnino im-  
perfecta est , aut vt multum , si tamen sit in ali-  
quo perfecta pro tempore , aut collatione im-  
perfectiorum. vnde non rationem , sed appeti-  
tum rationis , quem philologia exprimit , ven-  
dicat sibi. Siquidem nomina hæc *philologia* , *philo-*  
*sophia* , & *philocalia* , philosophorum modestia  
temperauit. Ratio verò , nequaquam contrarij-  
orum susceptibilis est , eò quòd diuina ratio im-  
mutabilis substantia est. angeli verò , vel homi-  
nis ratio , substantia non est.

## CAPITVLVM XXXIX.

*De coherencia rationis & veritatis & bre-  
uiter quid utrumque*

**V**ERITAS autem, *lux mentis* est, & materia rationis. hanc Deus vniuersaliter, Angelus particulariter, intuetur. homo autem, etiam perfectissimus, pro parte modicā videt. sed quo perfectior, eō amplius appetit. hæc est soliditas certitudinis in qua rationis viget examen. tollē lucem & soliditatem, frustrabuntur visus & tactus sicut & in alijs sensibus, sono, vel odore, vel sapore subtrahito. simili modo, omnis sensus rationis frustrabitur, veritate subducta. contrarium verò eius, est *vanitas* seu *falsitas*, aut inane: quod, sicut philosophia probat, in rebus nihil est. vnde & quibusdam placuit, *inane*, litera mutata, dici quasi *inane*, scilicet quod non est vnum. quod autem non est, nihil est. Est autem primæua veritas in maiestate diuina. alia verò est, quæ in Diuinitatis consistit imagine, idest in imitatione. Omnis enim res, tanto verius est, quanto imaginem Dei fidelius exprimit. & quanto ab ea magis deficit, tantò falsius euanescit. utique sic homo vanitati similis factus est, & dies eius sicut umbra prætereunt, non est autem umbra, nisi lux corporis, aliquo præpediatur obstaculo: & quasdam inducit tenebras absentia lucis. ergo veritatis luce sublata, erroris tenebræ inualescunt. error verò fallit. vnde & veritatis contrarium, à fallendo *falsitas*, nominatur.

natur. quia qui ambulat in tenebris, nescit quo vadat. Proprium quidem veritatis est, fouere rationem, & illustrare, & solidare: sicut rationis, quærere, assequi & amplecti veritatem. Nam & lux exterior, vt dictum est, visum fouet: res solida roborat tactum. Porro hæc in Deo vñum, quia ratio, & verbum æternum, de se dicit, *ego sum veritas*: alieno enim non eget adminiculo; quia & se ratio illustrat, & veritas seipsã inuenit. At in creaturis, aliud veritas aliud ratio. nã veritas, imago quædam diuinitatis est, quam in rebus ratio quærit, & inuenit: ratio, virtus, aut mentis agitatio est, quæ occupatur in prospicientia veri. non est autem veritas susceptiua contrariorum, ob eandem causam, quam de ratione superius exposuimus.

## CAPITVLVM XL.

*Item de eodem & quòd nec ratio, nec veritas contraria suscipit.*

SI huc Peripateticorum tendit intentio, vt omni vanitate reiectã, veritatem rerũ agnoscat, & tota ratione veritatem Dei quærat, veneretur, & colat, non inutiliter laboratur. Alioquin opera perit, & impensa. sed quia multa sunt, quæ præpediunt intelligentiam, vt pote inuincibilis ignorantia eorum, quæ ratione expediri non possunt, sicut sunt sanctæ Trinitatis arcana, & item fragilitas conditionis, vita brevis, vtilium negligentia, occupatio inutilis, probabilem conflictus opinionum, culpa, quæ lu

cem deimeretur, & tandem numerositas & immensitas inuestigabilium: adeo obductum est cor humanum, vt ad veri notitiam rarò possit accedere. Sed in his octo, quæ præposita sunt, nihil adeo, pro mea opinione, scientiam eorum quæ expediunt, impedit sicut culpa, quæ separat inter nos & Deum, & fontem præcludit veritatis: quem tamen ratio sitire non cessat. *Cor meum, inquit mens suorum conscia præcatorum, dereliquit me & lumen oculorum meorum, & ipsum non est mecum.* siquidē nisi ea, quæ nouit quis, addiuinum reflectat obsequium, non cum ipso, sed potius contra ipsum, facit scientia eius. multa enim scire non prodest, si vnum desit, quod est super omnia necessarium, & se ex *creaturarum* intelligentia manifestat. Ait sanctus Salomon, *Proposui in animo meo quarere & inuestigare sapienter, de omnibus quæ sunt sub Sole.* hanc occupationem pessimam dedit Deus filijs hominum. versati sunt in hac, philosophi gentium, qui, iuxta Apostolum, veritatem Dei in mendacio tenuerunt, & merito suo, euauerunt in cogitationibus suis. Pro eo enim quòd gratias bonorum non retulerunt auctori, *dicentes se esse sapientes, stulti facti sunt.* Est autem *curiositas*, inutilium superflua inquisitio, in qua non modo Peripatetici, sed ferè totus occupatus est mundus. Quòd vitium Lucanus notans dum æstuantis Oceanj incertas causas promeret, curiosos ad certitudinem inscrutabilis secreti inuitat. Quærite inquit quos agitat mundi labor, Dum autem *mens circa multa*, & non multum ad se pertinentia amplius occupatur, euagatur longius à se, & plerumque obliuiscitur



fui, Quo quidem nullus error perniciosior est. Nam se nosse, sicut ait Appollo, fere summa sapientia est. Quid autem prodest homini elementorum, aut elementorum nosse naturam, magnitudinis & multitudinis proportionem doctrinaliter quærere, virtutū viciorumque speculari conflictum, complexiones attendere rationum, & de omnibus probabiliter disputare & sui ipsius esse ignarum. Nonne stultus reputabitur, qui aliena lustrat hospitia & quo sibi in necessitate diuertendum sit obliuiscitur? Nimis utique curiosus est, & sui negligens, qui aliena miratur, & propria non attendit. qui verò ad vsum vitæ conuertit ex trinseca, ut eorum agnoscat & verneretur auctorem, suum metiatur imperfectum, qui vix pauca comprehendere potest, & rebus transitorijs, cum quibus & ipse transit, non nisi præcario utitur, & ad horam, qui concupiscencias cohibet, reprimat, aut extinguit, qui imaginem Dei, vitio corruptam diligenti studio nititur reformare, qui virtutum, toto nisu, colit, & exercet officia, rectissime philosophatur. Sobria est illius inuestigatio, qui primò seipsum excutit & quæ inferiora sunt, diligenter examinat, & cœqualia sine negligentia intuetur, & superiora contemplatur cum veneratione ut ausu temerario in ea, quæ inscrutabilia sunt, non irrumpat. Hic utique de se non superbit: variam mundi suppellectilem, nisi quatenus necessarium aut licitum est, minime concupiscit: proximo impendit caritatem, celestibus, qui vultu Dei semper assistunt, reuerentiam, & amorem, & bonorum, omnium gratiam: laudem & gra-

tiam : refert diuinæ maiestati , quàm vtique nec plenè nosse permittit immensitas sui . & , si nos non laboraremus infirmitate qua præmimur ; nec plenè ignorare sinunt creaturæ : quæ omnes , quasi quadam publica attestatone , creatoris gloriam præconantur. Hinc est illud Salomonis in prouerbijs, *Non erigas oculos tuos ad opes quas habere non potes*, quia facient sibi pennas, vt aquilæ, & auolabunt in cælum. vt autem ait Augustinus, in libro de ordine, *Deum melius nesciendo scitur* : quem si quis ignarus naturarum, & morum, rationumque cupiditatis uel seruus, & rebus pereuntibus inhians, aut fortè castè viuens, & disciplinam nescius, ingenij viribus querendo, & disputando, inuenire confidit, præculdubio tantum errabit, quantum errari plurimum potest. Alibi quoque Ignorantia Dei, cum Verissima sapientia est : & item Non est parua sciëntia de Deo scire, quid non sit Deus : quia quid sit, omnino sciri non potest.

## CAPITVLVM. XLII.

*Ad quid Peripateticorum & omnium rectè philosophantium tendat intentio, & de octo obstaculis intelligentiæ*

**C**VM ergo sciri quædam non possunt præ eminentia dignitatis, quædam, præ multitudine aut magnitudine quantatis suæ, quædam propter inconstantiam & lubricitatem sui, cui potissimum insistendum sit, Et quid maxime expediat, Ecclesiasticus docet. *Altiora*, inquit, *tene quasi terra, & fortiora te, ne scrutatus fueris*. Ecce temeritatem eorum, cohibet, qui Deificæ Trinita-

his arcana, & ea quorum visio in vitâ æternâ promittitur, irreuerenti verbositate discutiūt. vnde, & si scientia videatur augeri, deuotio certè minuitur. In superuacuis inquit, rebus, noli scrutari multipliciter, & in *Pluribus eius operibus non eris curiosus. multos enim supplantauit suspicio eorum, & in Vanitate detinuit sensus eorum.* hic quoque illorum audaciam reprimat, qui sollicitantur de omnibus, & volunt de vniuersis reddere rationem, cum constet auctoritate Salomonis in Ecclesiaste, quodd nec minimæ rei, quæ sub cælo est, ne dum cælestium, aut supra cælestium plenam possit homo reddere rationem. Porto in quibus oporteat philosophantis ingenium exerceri, Filius Syrac docet, *quæ præcepit Deus, cogita illa semper, & in pluribus operibus eius non eris curiosus.* quia enim de radice sensuum, qui frequenter falluntur, scientia manat, & decepta infirmitas, quid expediat parum nouit, data est, per clementiam Dei, lex, quæ vtilium scientiam aperiret, & indicaret de Deo, quantum scire licet, aut quantum expedit quærere. illa enim, diuinam potentiam in creatione, sapientiam in dispositione, bonitatem manifestat in conseruatione rerum. sed hæc maximè eminentia hominis reparatione redempti. Voluntatem quoque Dei patenter exponit, vt sciat quisque quid ipsum oporteat facere. Et quia tam sensus, quam ratio humana frequenter errat, ad intelligentiam veritatis, primum fundamentum locauit in fide. Hinc est illud Philonis, in libro sapientiæ, *Qui confidunt in Domino, intelligent veritatem & fideles in dilectione adquiescunt illi.*

## CAPITVLVM XLII.

*Quòd visibilia argumenta mundum vanitati  
subiectum esse conuincunt, & quæ causa  
fuerit hic finiendi librum.*

**S**E D hæc hæc haftenus. Iam enim flere magis va-  
scat, quàm scribere: & visibili argumento  
doceor quòd mundus totus subiacet vanitati:  
expectauimus enim pacem, & ecce turbatio  
& tempestas ingruens Tolofanis, Anglos &  
Gallos vndique concitat: & Reges, quos ami-  
cissimos vidimus, se, insatiabiliter persequuntur.  
ad hæc, mors Domini Adriani Summi Pontifi-  
cis; cum omnes Christianæ religionis populos  
nationesque pertubauerit, Angliam nostram,  
vnde fuerat oriundus, acerbiori dolore com-  
mouit; irrigauitque lachrimis profusioribus.  
*Omnibus ille bonis flebilis occidit, sed nulli flebilior, quàm*  
*mihi.* cum enim matrem haberet, & fratrem  
vterinum me, quàm illos, arctiori diligebat  
affectu: fatebatur & publicè & secreto, quòd  
me præ omnibus mortalibus diligebat. eam de  
me conceperat opinionem, vt quoties oppor-  
tunitas aderat, conscientiam suam in conspe-  
ctum eo effundere lætaretur. Et cum Romanus  
Pontifex esset, me in propria mensa gaudebat  
habere conuiuiam. Et eundem cyphum & dis-  
cum, sibi & mihi volebat, & faciebat, me reni-  
tente, esse communem. Ad præces meas illustri  
Regi Anglorum, Henrico secundo, concessit &  
dedit Hyberniam iure hæreditario possiden-

dam. sicut literæ ipsius testantur in hodiernum diem. nam omnes insulæ, de iure antiquo, ex donatione Constantini, qui eam fundauit & dotauit, dicuntur ad Romanam Ecclesiā pertinere. Annulum quoque per me transmisit aureum, Smaragdo optimo decoratum, quo fieret inuestitura iuris ingerenda Hybernia. idemque adhuc annulus in curiali archio publico custodiri iussus est, si virtutes eius percurrere velim, in magni voluminis librum, hæc vna excrescet materia. omnium verò mentes magis exulcerat scissura Ecclesiæ: quæ, exigentibus culpis nostris contigit tãto patre sublato. expetiuit eā sa-  
 thanas, vt cribraret sicut triticum & vndique, alterius Iudæ proditoris ministerio, amaritudines & scandala spargit. Oriuntur bella plusquam ciuilia. Sacerdotalia enim sunt, & fraterna. Nunc iudicium est mundi, & timendum ne partem stellarum secum inuoluat ambitiosi ruina proditoris. vix autem illi, per quem hoc scandalum venit. et plane melius erat, si natus non fuisset. Publici doloris expono causas. Cū tum aliunde familiarius dolore torquear, non leuiori, quod ad me spectat. Siquidē pater meus, & Dominus immo & tuus, venerabilis Theobaldus, Cantuariensis Archiepiscopus in ægritudinem incidit: vt incertum sit, quid quid sperare oporteat. Negotiis more solito superesse non potest. iniunxitque mihi prouinciam duram & importabile onus imposuit, omnium Ecclesiasticorū sollicitudinem, Anxiatur ergo vndique in me spiritus metus, & cruciatus quos patior, non sufficio enarrare, sed in his omnibus, vnicum mihi

consilium superest, Deum hominem, intem-  
 ratæ virginis filium, exorare: qui velut in navi  
 dormiens, fidelium precibus excitandus est, vt  
 procellam componat naufragantis Ecclesiæ: &  
 Dominum meum, sicut sibi & nobis expedire  
 prænouit, ab omni infirmitate mentis & cor-  
 poris clementer eripiat. Is inquam, per quem  
 Reges regnant, & Principes dominantur, vni-  
 uersali Ecclesiæ idoneum, & placitum sibi  
 pastorem præficiat: & Reges & Principes no-  
 stros, ab omni aduersitate defendat: eosque fa-  
 ciat, ad honorem & gloriam nominis sui, gre-  
 gem sibi seruare commissum. lectorem quoque,  
 & auditorem, supplicatione pia conuenio, qua-  
 tenus apud Filium virginis, qui via veritas, est,  
 & vita, pro me, vano, & misero, intercedant vt  
 amoris ignorantie tenebris, & vanitatis amo-  
 re depulso, cognitionis sue lumen infundat, fa-  
 ciatque me officiosum veritatis inquisitorem,  
 amatorem pariter & cultorem.

FINIS.



PANDIMIGLIO

21 DIC. 1970

LEGATORIA - ROMA

